

052
1974



ԿՐԻՍՏՈՍ

1 9 7 4 5

კოეზია, კროზა

ჯამალ ქათამაძე — ლექსები	3
ჯამალ სოფარიძე — ჩემი უნებლიე არღაღებები მოთხრობა ოდასას- რული	5
დავით თედორაძე — ლექსები	20
გრიგორი ბილოუსი — ლორის კუ- დი იუმორესკა-მოგონება თარგმა- ნი გრიგოლ სიხარულიძის	22

ნ ა რ კ ვ ე ვ ი

ალექსანდრე ჩხიძე — ჰიპოკრატეს ფიცის ერთგულნი	30
---	----

კრიტიკა და კუბლიცისტობა

აბაძე ურსია — გამოსარჩლება	42
----------------------------	----

ს ე ლ ო ვ ნ ე ბ ა

ავლე ჯორბენაძე — ეპოპა, თე- ატრი, მასშტაბილი	60
ლალო უარაშიძე — „ჯოკონდა“ ჩვენთან	75

წ ე რ ი ლ ე ბ ი

ნოდარ გორდუნიანი — მწრო- მელთა კეთილდღეობის განუხ- რელი ამაღლების ფაქტორი	81
---	----

წ ი ბ ნ ის თ ა რ ო

ბივი ახვლედიანი — ქართული ხალხური პოეტური შემოქმედ- ება	89
---	----

ს ა ბ ი რ ა და ი უ მ ო რ ი

შოთა რეჟვა — დავადავოთ ვლასას პენსიაზე გაცვლა?	95
---	----

ლიბერატორულ-მხატვრული და
საზოგადოებრივ-პოლიტიკური
შურნალი

საქართველოს საბჭოთა
მწიგნობის კავშირისა და
აჭარის განყოფილების
ორგანო

ბ ა თ უ შ ი — 1974

საქმებური—ოქტომბერი

994 2/1

კ. შარქიძის სახ. საქ. სსრ
სახელმწიფო რესპუბლიკა
ბიბლიოთეკა

რედაქტორი ა. შონია

სარედაქციო კოლეგია: ხ. ახვლედიანი, შ. ვარშანიძე (პ. მგ.
მდივანი), პ. ლორია, ალ. ჩავლეიშვილი, ფრ. ხალვაში.

რედაქციის მისამართი: ბათუმი, ენგელსის ქ. № 21.
ტელეფონი — 33-71.

ხელმოწერილია დასაბეჭდად 14.10.74. საბეჭდი 6, საგამომცემლო 5 თაბახი.
შეკვეთის № 4333, ემ 01101, ქალაქის ზომა 60×90, ტირაჟი 2.040.

* * *

საქართველოს სსრ მინისტრთა საბჭოს ბეჭდვითი სიტყვის სახელმწიფო
კომიტეტის მთავარპოლიგრაფმრეწვის ბათუმის სტამბა № 9
(ლუქსემბურგის, 20).

აჭარის უშრნალ-გაზეთების გამომცემლობა

ყველა საოცრება

ზოგს ლონდონი მოსწონს,
 ზოგს პარიზი, რომი...
 ზოგს აფრიკა შავი,
 სპილოების ომი.
 ზოგი ამერიკას,
 ზოგი აქებს რიოს...
 მე კი საქართველოს
 ქებამ გადამრიოს.
 ზოგი მისისიპთან,
 ზოგი მიჩიგანთან,
 ზოგი ამაზონთან,
 ზოგი ნიაგართან
 აწვალეზდა რითმებს,
 მეოცნებებს ჰვავდა.
 აცეცებდა თვალებს
 ეგეოსის ზღვასთან...
 მე კი, მეგობრებო,
 მუდამ იმას ვიტყვი —

ყველა საოცრება,
 ეშხი, მარგალიტი,
 მხოლოდ ჩვენში ვნახე,
 მხოლოდ ჩვენში დარობს.
 რად ღირს ჩარგალის ცა
 და გოდერძის წყარო,
 მთვარიანი ღამე,
 გაღიმება დილის.
 ვინ რაც უნდა აქოს
 მე კი ვაქებ თბილისს.
 ზოგს ბომბეი მოსწონს,
 ზოგს კალკუტა ცხელი,
 ზოგს სტამბოლი, დელი,
 ზოგს ათენი ძველი,
 ზოგი სან-ფრანცისკოს,
 ზოგი აქებს რიოს...
 მე კი საქართველოს
 ქებამ გადამრიოს!

მხოლოდ მიწაზე

ქარი შეარხვეს ჩინარებს. ლოთებს,
 ნარინჯ-თურინჯი იტაცებს თვალებს.
 ჰე, რა სჯობია ამ მწვანე კორდებს
 და ამ მიმოზებს ალერსით მოვრალებს.

აქ დამიფინეთ ბალახის ნოხი
და მომიმართეთ სიმღერით ქნარი.
ხელში მომეცით პირმკრელი თოხი
და დამასველეთ ყანაში ცვარით!
გამატეხინეთ გლეხურად ჭადი,
შავი ადესა მომეცით თასით!
„ხასანბეგურას“ მღეროდეს ნადი,
სარეველები ხმებოდეს თარსი...
აქ მაპოვნინეთ ოცნება მხოლოდ
და რასაც ჰქვია სიმაღლე დღეთა.
აქ მინდა ჩემი ფიქრები მოვრთო,
ამ ახანძრებულ ატამის ხესთან.

* * *

მიწას არ უნდა ოქროს გვირგვინი,
მიწას ყვავილის გვირგვინი შვენის
და იალაღებს ირმის სირბილი
და ვაშლის ხეებს ნექტარის წვენი,
აპრილს მარადი ყვავილთა თოვა,
გადაპენტილი ტოტები ტყემლის,
ბაღებს ვარდების ფერი და თრთოლვა
და კვირტებიდან დაღვრილი ცრემლი.

ჯემალ ხოშიაძე

ჩემი უნებლიე არღვევები

● ● ●

ბოლოს და ბოლოს ადამიანი ყველაფერს ეჩვევა და ჩვენც შევეჩვიეთ ბაბულის არყოფნასა და გერასიმეს — ჩვენს ახალ უფროსს, რომელმაც ქარხნიდან იძულებით წასული ბაბული შეცვალა.

გერასიმეს შესახებ ჩვენ მხოლოდ ის ვიცოდით, რომ იგი დირექტორის კაცი იყო და სანამ ჩვენ გაგვაბედნიერებდა, ქარხანაში ბარე სამი ადგილი ჰქონდა გამოცვლილი, საერთოდ არ იყო ცუდი ადამიანი, მაგრამ ბაბულის მაგივრობას მაინც ვერ გასწევდა.

— აბა, თქვენ იცით, ბიჭებო! — გაგვაფრთხილა თუ გაგვამხნევა გერასიმემ საამქროს საერთო კრებაზე: — ვიცი მე, ბაბული გიყვარდათ, გული დაგწყდათ ის რომ წავიდა, მაგრამ რა ვქნათ, ხანდახან ასეც ხდება... თუ თქვენ მოინდომებთ, თუ მხარში ამომიდგებით, ყველაფერი მოგვარდება და კალაპოტში ჩაღვება.

ეს კაცი ისე ლაპარაკობდა, როგორც ჩვენ გვსურდა; საქმე თუ მოგვარდებოდა, მეტი აბა რაღა გვინდოდა. შევბირდით, გულით მოვეკიდებოდით საქმეს. დავბირდით და შევასრულეთ კიდევ — გეგმა გავანაღდეტ. ასე იყო მომდევნო თვეშიც. და შევებით ამოისუნთქა მთელმა საამქრომ. პრესტიჟი, რომელიც ვილაცის მიზეზით, ვილაცის კაპრიზის გამო შეგველახა, აღდგენილი იყო. დაგვიბრუნეს გარდამავალი დროშაც...

სხვებისა არ ვიცი, მე კი გულში ხინჯი მქონდა. მეგონა მეც, სხვებიც, ყველანი, მთელი საამქრო მოღალატე გავხდით, ჩვენს თვალებს ბურუსი გადაეფარა და დავივიწყეთ უღვთოდ გამეჭებული კაცი, კაცი, რომელიც...

მელიც გულმოკლული წავიდა ჩუბად, მაშინ როცა თაიგულებით მუსიკითა და ზარ-ზეიმით უნდა გაგვეცილებინა პენსიაზე.

„რატომაა რომ კაცს, რომლისაც ყველაფერი გვეროდნობდა და ვაძლავდა ბდით, ახლა არც კი ვახსენებთ? ნუთუ ესაა ეს ყოვლისმომცველი გულგრილობა თუ ყველაფრისადმი შეგუება?“ — ვფიქრობდი და ვერაფრით ვერ შევგუებოდი ამ აზრს. ასე მეგონა, ჩვენ ყველანი ბაბულის სახელს ვარცხვენდით. ამ ფიქრმა მაშინ შემაწუხა, როცა პაპაშამ ქარხნის საერთო კრებაზე ჩვენი საამქრო შეაქო და რიხიანად, დაუფარავი ნიშნისმოგებით თქვა: — აი, ხომ ხედავთ, ამხანაგებო, ხომ გამოვდექი მართალი, როცა საამქროს ხელმძღვანელი შევცვალე?

მე არაფერი მქონია საწინააღმდეგო მასთან, როგორც სპეციალისტთან, საქმის მცოდნესთან, მე მხოლოდ ადამიანთან, ადამიანთან მქონდა საქმე. ძალიან ცუდია, როცა კარგი სპეციალისტი ცუდი ადამიანი გამოდგება ხოლმე. იმ კაცს ასე ეგონა, რომ ყველაფერი თვითონ იყო ქარხანაში, ყველაფერი მხოლოდ მან იცოდა, სხვებმა კი არაფერი. როგორც ხედავთ, მისი წასვლით არაფერი დაშავებულა, პირიქით, — ხომ ხედავთ, როგორ აეწყო საამქროში საქმე? ჩინებულად! გეგმაც შესრულდა, დროშაც დაუბრუნდა და, რაც მთავარია, დისციპლინა განმტკიცდა. იქ, სადაც რკინისებური დისციპლინა არაა, საქმე უკუღმა წავა და ყოველგვარ გეგმაზე და წარმატებაზე ლაპარაკი ზედმეტია. ბაბული ვერ უძღვებოდა საამქროს, ყველას მამამეფილურად ელაპარაკებოდა, თავზე ჰყავდა დასმული ყველა...

ხელები დამნაშავესავით მქონდა აფარებული სახეზე და ისე ვუსმენდი. მისკენ გახედვაც არ მინდოდა. მე არ შემეძლო დამენახა მისი კმაყოფილი, გამარჯვებული სიფათი. ნუთუ იგი მართალი იყო და ბაბულის მართლაც არ შეეძლო საამქროს გაძლოლა? ნუთუ კაცმა, რომელსაც ქარხანაში ნამუშევარი ორმოცდაშვიდი წელი მძიმე ტვირთად ჰქონდა აკიდებული სუსტ მხრებზე, ვერ შეძლო გაძლოლოდა ერთ პატარა საქმეს? თუ აქამდე უძღვებოდა, ახლა რა მოუვიდა!

— არაა ეს სწორი, ტყუილია ეს. ტყუილი! — იწყება ჩუმი, დარღვივით გაუმხელელი ამბოხი ჩემს გულში. — ბაბულის შეეძლო მუშაობა, მან იცოდა თავისი საქმე! — რასაც გულში ვფიქრობ, მინდა ხმამაღლა ყველას გასაგონად ვთქვა, მაგრამ ვერ ვბედავ და ამის გამო საკუთარი თავი მძულს... ადექი, მიდი, მიდი! — მამხნევებს შინაგანი ხმა, მაგრამ არა, ვიცი, ვერაფერს ვიტყვი ახლა. ისეთი განცდა მაქვს, თითქოს ვინმეს რამე მოვპარე, ვინმე მოვატყუე, დამნაშავესავით ვხრი თავს დაბლა. მაგრამ სხვები? სხვები რატომ სდუმან? რატომ არავინ იღებს ხმას? ნუთუ ეს დუშილი თანხმობის ნიშანია? გამოდის, რომ პაპაშა მართალია, და თუ პაპაშა მართალია, მაშინ სადღა უნდა ეძიოს კაცმა ჰუმანიტება?

თავს მაღლა ვწევ და შევცქერი პაპაშას. იგი სხვების მიერ შედგენილი მოხსენების ტექსტს ათვალთვრებს და გვისახავს მომავლის გეგმებსა და პერსპექტივებს.

— ამიერიდან, ამხანაგებო, — განაგრძობს იგი, — უქმე აღარ ვიმუშავებთ, მაგრამ, ამხანაგებო, როცა თქვენს საწარმოს უჭირს... ალბათ არ დაუშვებთ, რომ ჩამოვრჩეთ და გეგმა ჩავავდეთ.

პაპაშა კიქას იღებს, ამდენი ლაპარაკით გამშრალ ყელს იღობს და განაგრძობს: — ამ საქმეში თავი უნდა გამოიჩინონ აქტივისტებმა, კომკავშირელებმა, რომლებმაც მაგალითი უნდა მისცენ სხვებს.

დარბაზი განაბულია და უსმენს. პაპაშა ლაპარაკობს, გვიხსნის, გვმტკიცებს, ხელებს შლის, ძალიან ცდილობს დაგვარწმუნოს თუ მოგვატყუოს. და ის უჩინარი სადავეები, რომლითაც მას თითოეული ჩვენგანი ჰყავს დაბმული, მაგრად უჭირავს ხელში.

მამ ასე, ჩვენ უნდა გამოვიჩინოთ ინიციატივა, უნდა ვიმუშაოთ უქმე დღეებში, ეს უნდა მოხდეს ჩუმად, წყნარად, მხოლოდ ჩვენი სურვილით, არავითარი დაძალება, არავითარი ზემოქმედება და ადმინისტრაციული ჩარევა! ჩვენ უნდა ვიმუშაოთ, ეს კაცი კი დაისვენებს, დასვენებული და მხიარული ყველაზე მეტ პრემიას მიიღებს გეგმის განაღდებისათვის.

დამთავრდა კრება. ზანტად ვდგები და დაღლილი, ამდენი ლაპარაკით გაბრუებული მივდივარ გასასვლელისაკენ. რაღაც მძიმედ მაწვება მხარზე. ვიხედები. გენადი წამომწევია და ეს მისი ხელია მხარზე რომ მადევს.

— რაზე ჩაფიქრებულხარ? — მეკითხება იგი.

— აბა, რა ვიცი. — ვეუბნები, დაღლილად ვიღიმები და ვიჩეჩავ მხრებს, — დასცხო და დასცხო პაპაშამ, არა? შენ როგორ ფიქრობ, ბაბულის მართლა არ შეეძლო გაძლოლოდა საამქროს?

გენადი დაფიქრდა, საჩვენებელი თითი სამართებელივით ჩამოისვა ლოყაზე: — თურმე რაზე ფიქრობდი შენ. რას გეტყვი იცი? ჩვენს ქარხანაში ყველაზე უფრო მას შეეძლო საქმის გაძლოლა, მთელ ქარხანასაც მოუვლიდა... უნდოდა კიდევ...

— რაო! უნდოდაო?! — მიკვირს მე.

— კი, უნდოდა!

— ესე იგი... არ მჯერა მე მაგი, შენ იგონებ!

— არა! — მიმტკიცებს გენადი, — ბაბული შეცდა, ამკარად შეცდა ერთ რამეში და სწორედ ამ შეცდომამ დააკარგვინა ადგილი კიდევ.

— მე მაინც არ მჯერა! — ვიმეორებ ჯიუტად. — შენ იგონებ. ბაბული, იმ ხნის კაცი... მას არ შეეძლო ასე ეფიქრა, პირადი საქმე მოეგვარებინა, რა თავში იხლიდა დირექტორობას, იგი მხოლოდ საერთო საქმისათვის ზრუნავდა.

სახლისაკენ და რატომღაც ჩვენი კუროიოზული გაცნობის ამბავი მასხენ-
დება.

...იმ დღეს პირველად დამაყენეს სახერხ დანადგართან...
ზატორის ფუტლარებზე შედუღების შედეგად დარჩენილ ნაწიბურებს ვა-
შორებდი, მეცვა ქვის მტვერით დაფარული კომბინეზონი და მეკეთა სა-
თვალე, რომელიც ქვის მტვერის თვალეში მოხვედრისაგან მიცავდა. სა-
ხერხი ელვისებურად ბრუნავდა, ლითონი ქვასთან მიახლოებისას ღრჭი-
ალებდა და ციციანთელელებით ცვიოდა აქეთ-იქეთ ნაპერწკლები.

მოულოდნელად დაიღრჭიალა რაღაცამ, საშინელმა ბიძგმა ფუტლა-
რი ხელიდან გამაგდებინა, რაღაცამ ანთებული მეტეორივით ჩაიქროლა
ჩემს ცხვირწინ და... საღდაც რაღაც ახმაურდა, ვიღაცამ დაიყვირა ხმა-
მალლა, მჭახედ დაიყვირა. დაზგა გამოვრთე და ვივრძენი როგორ დამას-
ხა ცივმა ოფლმა — თურმე ქვას კიდე ჩამოსტეხოდა და ალბათ ის იყო
ცხვირწინ რომ ჩამიქროლა. როგორ გადავრჩი, როგორ ბეწვზე გადავრ-
ჩი! მაგრამ ის ყვირილი? ნუთუ ვინმეს მოხვდა? შიშით გავიხედე წინ და
დავინახე პნევმატურ წნეხთან მდგარი ორმოციოდე წლის ბეჭებგანიერი,
ჩაფსკვნილი, მაღალი კაცი, რომელიც გაფითრებული, უძრავად იდგა და
ცვილისფერი ეღო სახეზე... მერე იგი ბურანიდან გამოსულივით შეიმშუ-
შნა, კამეჩის სიზანტით დაიძრა ადგილიდან და ჩემსკენ გამოსწია.

ახლა, აი ახლა იქნება სასერიო საქმე! — გავიფიქრე და შიშით მო-
ვიკვნიტე ტუჩი, — ისეა გაცოფებული, მტრისას! მოვა და არაფერს რომ
არ შემეკითხება ისე, ერთს კაიმოწონებულს გამიშლის ყბაში! ამის გა-
ფიქრებაზეც კი ისე შემეშინდა, სულ კანკალი დავიწყე და თვალსა და
ხელშუა წავხდი კაკალი კაცი. მუხლები ნატიფარივით ამიკანკალდა. ვი-
ნაც კი იმ კაცს შეხედავდა, მის ვეება, უროსოდენა მუშტებს ერთხელ
მანც შეავლებდა თვალს, ჩემი შიში აღარ გაუკვირდებოდა და ოქროს
კომკეხსაც რომ შეპირებოდი, მანც არ იკისრებდა ჩემს ადგილას ყოფ-
ნას.

მომიახლოვდა ეს ვეება კაცი და ზვინივით დამიდგა წინ.

„გათავდა!“ — გავიფიქრე მე და რაღაც წამის მეთედები დამპირ-
და იმის წარმოსადგენად, თუ როგორ მომიქნევდა ფოლადივით მაგარ
მუშტს, როგორ გავფრინდებოდი კატაპულტით ნასროლი ქვასავით, რო-
გორ მივენარცხებოდი კედელს ფრთამოტეხილი ჩიტივით და როგორ და-
ვზვავდებოდი მიწაზე ძალაგამოლეული და გონებადაკარგული.

— რა უნდა გიყო მე შენ? — გამოსცრა კბილებში... მე შენი...

„ახლა შემაგინებს, ნამდვილად შემაგინებს ახლა“ — გავიფიქრე და
წარმოვიდგინე თუ როგორ შეწუხდა, როგორ შერცხვა დედას იქ, საფ-
ლაგში, როგორ დაასხა ცივ, გაყვითლებულ შუბლზე სირცხვილის ოფლ-
მა. ამისმა წარმოდგენამ გადამრია. დავიხარე, ხელი დავავლე იქვე დაგ-
დებულ რკინის მძიმე ნაჭერს, კეტივით აღვმართე თავზე და ვიყვირე:

— დედა არ შემავინო! დედაჩემი მკვდარია, არ შემავინო, თორემ გროფებ ამას თავში!

შეგნიშნე, როგორ უეცრად წახდა ეს ვეება კაცი, მისი თვალები ერთიანად შიშა და გაოცებას გამოხატავდა. ერთხანს ვიდექით მისი პირ და უსიტყვოდ მივჩერებოდით ერთმანეთს. უკვე აღარ მეშინოდა, მაგრამ რკინის ნაჭერი ყოველი შემთხვევისათვის ხელიდან არ გამიშვია.

— სულელი! ო, შე სულელი! — ჩაილაპარაკა მან. — დედა არავისთვის შემვიგინებია ჯერე და არც შენ შეგავინებდი. დედაშენს რას ვერჩი? შენ, შენ ხარ მოსაკლავი... შენ ბენტერა და ცალტვინა, წესიერად ვერ იმუშავებ, შაშიბეშვივით რომ გავიბრბის თვალები? კინალამ მომათავე ერთ წუთში კაცი, სად მიდიოდი მერე? რას ეუბნებოდი მერე ობლად დარჩენილ ჩემს შვილებს?! — ნაბიჯი წინ გადმოდგა და გავიგონე მისი აჩქარებული სუნთქვა. ისევ შემეშინდა და ყოველი შემთხვევისათვის მაგრად მოვუჭირე ხელი რკინის ნაჭერს, რომელიც იმდენად სქელი იყო, თითებს ძლივს ვაწვდენდი და თანდათანობით უსაშველოდ მძიმდებოდა. მან მუშტი ცხვირთან მომიტანა. შევეცადე რკინის ნაჭერი წამომეწია, მაგრამ ვერ ავწიე.

— ხარ თუ არა გასალახი? — იკითხა მან.

რალა მქონდა სათქმელი. დამნაშავე ვიყავი და არც ისე ნამუსგარეცხილი ვყოფილვარ, თავი რომ მემართლებინა. რაც იქნება-იქნება-მეთქი, გავიფიქრე და თითქოს ეს საქმე სრულებითაც არ შემეხებოდა, ისე მივუშვირე ნიკაბი და არხენინად მივუგე: — დამარტყი!

ალბათ, არაფრით არ მოელოდა ასეთ პასუხს ჩემგან. დაუშვა მუშტი და მითხრა: — რას გერჩი, კაცმა რომ თქვას, განგებ ხომ არ გაგიკეთებია? გადაავდე ახლა მაგი რკინა, ვერ ხედავ ჩამოგიღო ცალი მხარი?

რკინის ნაჭერი გადავაგდე. იგი დაიხარა, კიდეჩამოტეხილ ქვას დააჩერდა და იყვირა! — ასეც ვიცოდი! სად აგდია ახლა ის ძალისგაგდებული მექანიკოსი? რას უყურებს? ქვა გაბზარული ყოფილა და გატყდებოდა აბა რა ცოდვის გადიდება მოუვიდოდა? მე იმას ვაჩვენებ იმ დამპალს! — შებრუნდა და სადღაც წავიდა. ალბათ მექანიკოსისათვის რომ ეჩვენებინა.

ერთი კვირის შემდეგ, როცა საბურღავ დაზგაზე გადამიყვანეს, გენადი ძალიან დამიახლოვდა. ხშირად მეხმარებოდა, მიხსნიდა, მასწავლიდა. ასე თანდათანობით დავმეგობრდით და შევეჩვიეთ ერთმანეთს.

ქარხანას რომ დავუახლოვდი, ერთხელ კიდევ დავიხედე საათზე. ათი წუთი მქონდა დავვიანებული და კიდევ უფრო მოვუჩქარე ნაბიჯს.

„ახლა რომ პაპაშამ დამინახოს, მაშინ ნახე სეირი“, — გავიფიქრე და ამისი გაფიქრებაც კი საკმარისი აღმოჩნდა, ცუდ გუნებაზე დავმდგა-

რიყავი. ვერიდებოდი ღოღოსა, შემომხვდა სოფლის ბოლოსაო, ნათქვამია და ისე არავის ასრულებია ეს, როგორც მე. ის იყო ჭიხურში უნდა შემერგო თავი, რომ სწორედ ამ დროს, იქედან პაპაშამ გამოჰყიდა თავი. ეს იმდენად მოულოდნელი იყო, რომ გავშტერდი. მე ხომ ჩემი დახმარება და დამემართა, მაგრამ ჩემზე უფრო მაინც იგი ვაკვირდა და გოცდა. საკუთარ თვალებს ხომ არ დაუჯერა, სათვალე მოიშველია და ისე შემხვდა. მერე, პირველად თავის სიცოცხლეში, დაარღვია ტრადიცია და საათზე დაიხედა. ალბათ, მიმიხვდებით, რას ვინატრებდი იმ დროს, მაგრამ სადღა იყო ქვეყანაზე ღმერთი, სასწაული რომ მოეხდინა!

— შენ, ყმაწვილო, ჩვენთან მუშაობ? — ისე მკითხა, თითქოს არ იცოდა.

— დიახ, — მივუხე მე და გავისუსე.

— მერე, რა დროა ახლა? თხუთმეტი წუთი დააგვიანე... სანამ შენ საამქროში შეხვალ, გამოიცვლი და საქმეს შეუდგები, ათი წუთი კიდევ გავა, და ესეც შენი ოცდახუთი წუთი. წაბრძანდი ახლა და შესვენებაზე შემოდი ჩემთან, მოგელაპარაკო უნდა!

ყველაფერს ხომ ბედი უნდა, მისი საათი ხუთი წუთით წინ წასულა. ფეთიანივით შევვარდი საამქროში, გადავიცვი კომბინეზონი და მივაშურე დაზვას. თურმე რას ვჩქარობდი, დისკოები ჯერაც არ მოეტანათ. მთელი თვე ბიჭები არ მენახა და სათითაოდ ჩამოვუარე ყველას, მოვიკითხე, სულ ბოლოს ზურიასთან მივედი. ზურია გადამეხვია და მკითხა:

— როგორ დაისვენე?

— ისე რა... სხვა, აქეთ როგორაა საქმე, ახალი ხომ არაფერია?

—ახალი არაფერია!—თქვა და შუბლზე დაცვარული ოფლი მოიწმინდა. საქმეში იყო გართული, ახალ შტამპს დგამდა, — ჰო, იცი რა გოგო მოვიდა?.

— რომელი გოგო?

— რომელი და ახალი კონტროლიორი! გადაირევი ისეთი ლამაზია!

— ხელები გაშალა და შეეცადა აეხსნა თუ როგორი იყო კონტროლიორი.

— ფრთხილად, შტამპი არ ჩამოგივარდეს.

— დავიდღუბე და ისაა! — შეიცხადა მან. — იცი შენ რა შტამპია ეს?

— ოქროა, ოქრო! ექვს თვეს აკეთებდა ამას თამაზი.

— აბა, თამაზი?! — ვიკითხე მე.

— თამაზი კაცო, შავტუხა ბიჭი რომ მუშაობს საიარაღო საამქროში, როგორ არ იცი! მან გამოიგონა, მთავარ ინჟინერს მოეწონა, რაღაც-რაღაცეები გაუსწორ-გამოუტსწორა და თვითონაც საქმეში გავიდა. ახლა ამ შტამპს ორი გამომგონებელი ჰყავს — ნამდვილი და მოგონილი.

დისკოები მოიტანეს. შევუდექი მუშაობას. ვმუშაობდი და ვფიქრობდი: — ეეჰ, ზურია, ლამაზი კონტროლიორი მოვიდაო და გიხარია. ნუ-

თუ უფრო მნიშვნელოვანი და საინტერესო არაფერი მომხდარა ამ ერთი თვის განმავლობაში? სამწუხაროა, ო, რა სამწუხაროა, ზური!

დრო ნელ-ნელა მიიზღაზნება. ვიღლები. ახლა ცოტა თუ ვარ და ვისვენებ, მეტი აღარ შემიძლია. ვჯდები. კომბინეზონის ჯიბიდან ორი თითით ვაძვრენ სიგარეტს, ვუკიდებ, ვაბოლებ და მშვიდად ვიხედები აქეთ-იქეთ.

— ისვენებ, ყალთაბანდო? — მანიშნებს გენადი ხელებით. დავიღალე და ვისვენებ-მეთქი, ვაგებინებ მე. ზარმაცი ხარო, მანიშნებს. ხომ არ დავეთანხმები, კი ვარ ზარმაცი-მეთქი, და არაფერს ვამბობ. იგი იღიმება და მთელი მონდომებით, მიმიკით, ხელების ფარჩხვით მანიშნებს, მიხსნის რაღაცას, რაღაცას ხაზავს ჰაერში. ვეებერთელა მთისა თუ სახლის მაკეტია ეს, ვერაფერს გაიგებს კაცი. მხრებს ვიჩეჩავ, ვერაფერს მივხვდი-მეთქი. ხელს იქნევს — ალბათ, ჯანდაბაში წასულა შენი ცარიელი თავიო, მეუბნება. საჩვენებელი თითი საფეთქელთან მიაქვს და კორპსაბრობივით ატრიალებს. ესე იგი, შტერი ხარ, გამოტვინებული და კაცი ვერაფერს გაგაგებინებსო. მერე თავს ანებებს უიმედო სიგნალების გადმოცემას და საქმეს განაგრძობს. შევცქერი მუშაობაში გართულს და ვიღიმები.

— ამ დაზგაზე თქვენ მუშაობთ? — მეკითხება ვიღაცა.

— დიახ! — მივუგე მაშინვე და მხოლოდ ამის შემდეგ დავინტერესდები, თუ ვინ მეკითხებოდა ამას. ლამაზი, ტანშოლტილი, ცისფერთვალეა ქერა გოგო იდგა ყუთთან. ჩემს მიერ გაბურღული დისკო ეჭირა ხელში და ისეთი ინტერესით დასცქეროდა, ვიფიქრე, ალბათ, რაღაც საოცრებას მიაგნო-მეთქი!

ალბათ ესაა ის ლამაზი კონტროლიორი, ზურია რომ გადარია და შეაქანა-მეთქი, — გავიფიქრე და მანამ იგი დისკოს თვალთვალთ იყო გართული, მეტი საქმე მაინც არ მქონდა და მოგეცათ სიკეთე, მე გული გიჯერე მისი ცქერით. ისეთი თეთრი, დახვეწილი ლოყები ჰქონდა, ჩემდაუნებურად გავიფიქრე: — რაც იქნება, იქნება, თითს ზეთში ამოვისვრი და ლოყაზე ჩამოვუსვამ-მეთქი! ო, ბიჭო, რას გაიკვირვებს და გაიოცებს! ხელისგული მუხლზე დავირტყი და ხმამაღლა გავიცინე. გოგო შეცბა და ისეთი მხერა მომაპყრო, მაშინვე გავშიფრე თუ რას ფიქრობდა: — ეს ტიპი ნამდვილად შექანებულიაო. ჭკვიანი ადამიანი გიჟთან ყოველთვის ფრთხილად უნდა მოიქცეს და მანაც ფრთხილად, გაუბედავად გადმოიღვა ნაბიჯი და იკითხა:

— თქვენ ახალი ხართ?

კომბინეზონზე შემორტყემულ ქამარში ხანჯალივით გავუყარე თითები, ჩავიცინე და ვუთხარი: — ახალი კი არადა, ამ დაზგასთან დგომით გავიზარდე მე.

— რა ვიცი, პირველად გხედავთ და... მე ამ საამქროს ახალი კონტროლიორი ვარ, მოვედი რომ თქვენი ნამუშევარი შევამოწმო.

— მერე? როგორია თქვენი შთაბეჭდილება?

— როგორი და... — კიდევ უფრო მომიახლოვდა, დაიხარა, ღიქო
პირდაპირ თვალბთან მომიტანა... მისი, ამომავალი მზესავით ქერა გულ-
ლული საოცარი სინაზით მომელამუნა ლოყაზე და გამაჟრჟოლა ქოქონი
ინსტინქტით იგრძნო, თავი გვერდზე გასწია და მთხოვა: — ახლა გეცხვება
ამას შეხედეთ!

— შევხედე! — მივუგე და მას შევხედე. თავი გააქნია და ჩაიცინა:
— მე შევხედე-მეთქი, არ მითხოვია თქვენთვის, ამას, დისკოს შეხედეთ,
დისკოს!

იძულებული გავხდი მზერა დისკოზე გადამეტანა.

— ვერაფერს ამჩნევთ? თქვენს ნამუშევარს წუნის სუნი ასდის!

— ერთი წუთით! — ვთხოვე, დისკო ჩამოვართვი, ვუყნოსე, დავიჭ-
ყანე, მერე ისევ დავუბრუნე და ვთქვი: — წუნისა რა მოგახსენოთ და 'ხე-
თის აქოთებული სუნი რომ ასდის, ეს ცხადია!

მან ტუჩები მოკუმა, შეეცადა სერიოზული გამომეტყველება შეენა-
რჩუნებინა, მაგრამ რაშვილი, ჩემთან მოახერხებდა ამას და მოულოდნე-
ლად იფეთქა სიცილმა. მისი გაცინება მომეწონა. ისეთი ხმა ჰქონდა, იფ-
იქრებდით ჩიტი გალობსო.

თვალზე მომდგარი ცრემლი საჩვენებელი თითით მოიწმინდა და მი-
საყვედურა: — მე თქვენ საქმეზე გელაპარაკებით, თქვენ კი... დამაცათ,
მათქმევინეთ... და შეეცადა მთელი თავისი ცოდნა გამოეყენებინა, რომ
დავერწმუნებინე, რომ დისკოს არა მარტო ზეთის, არამედ წუნის სუნიც
ასდის.

— ფრთხილად უნდა იმუშაოთ! — დამარიგა მან. — წუნის გაკეთე-
ბას, სულ არ იმუშაოთ, ისა სჯობია.

დისკო ჩამოვართვი, ყუთში ვისროლე და ვთქვი: — სიფრთხილე სა-
ჭიროა, მაგრამ ერთი ესეც მითხარით, თუ ყოველი დისკოს გაბურღვას
წუთებს მონადომებ, როგორ უნდა გაბურღო ცვლაში ოთხასი ცალი? გე-
გმა კი გეგმაა და თუ არ შეასრულე, კაციშვილი არ გაგაჩერებს აქ.

— წუნის მკეთებლებს ყველამ უნდა ებრძოდოს და აღარ იქნება
წუნი მერე. — მაინც თავისი თქვა, რადგანაც მისი საქმე უფრო აწუხებ-
და, ვიდრე ჩემი გეგმის შესრულება, — თორემ რა გამოვიდა? თქვენი
წუნი გადაეცემა საამწყობო საამქროში და იქ ვიღაცას, რომელიც თქვე-
ნსავით გამომუშავებაზეა, ზედმეტ წუთებს დააკარგვინებს.

— ვიცი! — ვთქვი მე და შუბლი მოვისრისე — ახლა ჩემიცა
ვთქვით, მე რაღას მერჩიან? მე რატომ მიგზავნიან ჩამომსხმელები წუნს?
ხომ დააკვირდით დისკოს? ცალი მხარე თხელია, ცალი კიდევ სქელი და
როგორ უნდა დავიცვა სიმეტრია ბურღვისას? თევზი ყოველთვის თავი-
დან ყროლდება, ნუ მომიტანებენ წუნს და არც მე მექნება წუნი.

— სწორია! — თქვა მან, — ყველა უნდა ეცადოს, ყველამ უნდა



იზრუნოს, თორემ თუ ყველა საამქრო უხარისხო დეტალებს მიაწვდის საამწყობოს, ჩვენი პროდუქცია როგორ იქნება მაღალი ხარისხისა? ქართული

...შესვენება დაიწყო და გენადი გასაპნული ხელების სრესით დამადგა თავზე: — რა იყო, ბიჭო ცირკის კლოუნით რომ დამგრიხე, დამმანჭე და მინც ვერაფერი გაგაგებინე?

— რა უნდა გამეგო? ისე პარჭყავდი ხელებს, ისე იმანჭებოდი, შეგეშინდა, ხომ არ შექანდა-მეთქი!

— იიპ, შენი! — მსუბუქად წამიტყაპუნა თავში, — ბინას მაძლევნ შენ ლენჩო და იმას განიშნებდი!

— ოო! — გამიხარდა, — მხარზე დავარტყი ხელი, მერე ყური ავუწვიე: — როდის უნდა მიიღო?

— ორ დღეში სიებს გამოაკრავენ და... წავიდეთ ახლა, ვისადილოთ, თანაც ამის აღსანიშნავად ას-ასი გადავკრათ.

ერთხანს შევყოყმანდი. მერე ხელები დავიბანე და წავყვივი.

...თურმე წინასწარ არაფერი არ უნდა გავიხარდეს კაცს. სიები მართლაც ორი დღის შემდეგ გამოაკრეს. ბედნიერთა შორის გენადი რომ არ აღმოჩნდა, გაუკვირდა, ხელმეორედ ჩაიკითხა სია და კანტორაში ავარდა ამბის გასაგებად. უკან რომ დაბრუნდა, ველარ ვიცანით კაცი. მოდიოდა მოხუცივით წელში მოხრილი, გაფითრებული. მე, ანდრეი და ზურია მისი დაზვის მახლობლად ვიდექით და თანაგრძნობით ვუცქეროდით. ვერცერთმა ვერ მოვახერხეთ ხმა ამოგველო, გვეთქვა რამე. მხოლოდ ჩვენს თვალებში იდგა გაუმხელელი, ყოვლისმომცველი თანაგრძნობა... მან უხმოდ ჩავვიარა გვერდით, შეჩერდა დაზვასთან და ერთხანს მისჩერებოდა მას, მერე მომეჩვენა თუ ნამდვილად ასე იყო, საჩვენებელი თითის მუხლით მოიწმინდა თვალზე მომდგარი ცრემლი, ცოცხალ არსებასავით გადაუხვია ხელი თავის მარჩენალს, შებრუნდა და ბარბაცით გავიდა საამქროდან. გარეთ მზე ანათებდა და მზის სხივებში გახვეულ კი არ მიდიოდა, მიბარბაცებდა.

ზურია მსახეზე აიფარა ხელები და ქალივით ატირდა. არც მე, არც ანდრეის არ გაგვეკვირვებია რომ ტიროდა. ვიცოდი, წასვლა უჭირდა გენადის, არ უნდოდა წასვლა, მაგრამ არც შეეძლო დარჩენილიყო და ისე ემუშავა, თითქოსდა არაფერი, სრულიად არაფერი მომხდარიყოს. მისი წასვლა ისევე ჩუმი და გაუმხელელი პროტესტი იყო, როგორც ჩვენი, ზურიას ტირილი, ჩემი და ანდრეის ჩუმი, მხოლოდ თვალებით გამოთქმული თანაგრძნობა.

გერასიმე მოვიდა, აგვხედ-დაგვხედა და გვკითხა:

— რას უდგებართ აქ? გენადი სად წავიდა?

— გენადი წავიდა! — ვუთხარი მე. — აღარ მოვა აწი, სულ, სულ წავიდა! მალე ჩვენც წავალთ ყველანი, ყველანი წავალთ. დადგეს მერე დაზვასთან ის ჩვენი დირექტორი, იმუშაოს და აიღოს პრემიები.

— კი მაგრამ... გამაგებინეთ რა მოხდა?! — იკითხა გერასიმემ თვალები აახამხამა.

— ბინა არ მისცეს, პირდებიან, ამდენი წელია პირდებიან. ჩირავეებში ცხოვრობს, ექვსი სული ნაჩირავეებში ცხოვრობს და ხუთ თუმანს იხდიან თვეში. რა ექნა აბა, დარჩენილიყო და ემუშავა?

გერასიმემ უმწეოდ გაშალა ხელები: — კომისიის წევრი ვიყავი მეც! იცოდეს ღმერთმა, ცდა არ დამიკლოა, მარა რას გავხდებოდი ერთი, იმდენი, იმდენი... იმუშავეთ, იმუშავეთ! — შებრუნდა და სადღაც წავიდა.

ერთხანს ვიდექი, მერე შევებრუნდი და დაზვისაკენ წავედი.



იმ დღით ვახტიორმა ქარხანაში არ შემიშვა: — ასე მიბრძანეს ბიძია და რა ვქნა მე?

— კი მაგრამ, რატომ? — ვკითხე მე.

— მე რა ვიცი, ბიძია? ადი მალლა, კადრებში და ქე გეტყვიან იქ. ავედი კადრებში. გამგემ — თმაჭალარა ქალმა მომისმინა, ღირექტორის ბრძანება დამიდო წინ და წაიკითხეო, მითხრა. ბრძანება წავიკითხე. ერთხელ, ორჯერ. მოხსნილი ვიყავი.

— მიზეზი? — ვიკითხე მე. — რა მიზეზით?

— ალბათ დააშავე რამე. მე რას მეკითხები? შენ თავად უნდა იცოდე მაგი. — მშვიდად თქვა გამგემ. — თუ არაფერი დაგიშაგებია, ტყუილუბრალოდ ხომ ვერ მოგხსნიდა? ყოველ შემთხვევაში შედი ღირექტორთან.

...პაპაშას პირზე „ბორჯომი“ მიეყუდებინა და ყურყურით სვამდა. კარის ჭრიალზე მოიხედა. რომ დამინახა, შეეცადა რაც შეიძლება გაეჭიანურებინა სმა. მერე ცარიელი ბოთლი ფანჯრის რაფაზე შემოსდო, ხელისშურგით მოიწმინდა სველი ტუჩები და მომაჩერდა. მისი მზერა ცივი იყო, გამჭოლი და სუსხიანი.

— ჰო, რაო?! — მკითხა.

ავუხსენი, რისთვისაც ვაწუხებდი.

— ჰოოო! — გააჭიანურა მთქნარებასავით, თითები მაგიდაზე დააკაკუნა და თითქოსდა ძალიან სწუხდა რომ მომხსნა, მითხრა: — არ მოველოდი შენგან მე მაგას, ნამდვილად არ მოველოდი! რა კარგი შთაბეჭდილება მქონდა შენზე... შენ კი, თურმე სპეკულაციას ეწევი, ხალხს ატყუებ, ტყავს აძრობ, ყიდულობ რამე-რუმეებს და ხუთმაგად ჰყიდი, სპეკულანტებთან ყოფილხარ შეკრული. მილიციიდან დამირეკეს გუშინ.

თითქოს ბურანში ვიყავი და ყველაფერი ეს სიზმარში მესმოდა.

— მეე?! სპეკულანტი?! — ვიყვირე და ფართოდ დაჭყეტილი თვალებით მივაჩერდი. — კი, შენ! — მითხრა არხეინად, სკამის საზურგეზე გადაწვა და ხელით კარზე მიმითითა: — წადი, წადი და შენ, გზას ეწიე.

გული მწყდება, მაგრამ რა ვქნა? საწარმოს ინტერესების გამო უნდა განთავისუფლო. საეჭვო რეპუტაციის მქონეს ვერ გავაჩერებ მე ქარხანაში...

შევბრუდი, სანამ კაბინეტიდან გავიდოდი, ერთხელ კიდევ შევხედე მას. პაპაშა ილიმებოდა. ეს გამარჯვებული კაცის ღიმილი იყო. გამოვიჩურე კარი, ჩავედი დაბლა და გავუყევი ქუჩას. ჩემს უკან ქარხანა ხმაურობდა, მე კი მივდიოდი და რაც უფრო ვშორდებოდი ქარხანას, ხმაური უფროდაუფრო კლებულობდა. ბოლოს სულ მიწყდა. მე ჩემს ირგვლივ გამეფებულმა მყუდროებამ შემაშინა. მივდიოდი და ახლა სულ იმაზე ვფიქრობდი, თუ რატომ დამაბრალეს ის, რაც არ გამიკეთებია? მერე გამახსენდა ჩემი შევებულებაში ყოფნის დროს ხელმეორედ გაცნობილი ჩემი ყოფილი თანაკლასელი ნოდარი, გამახსენდა მისი პირფერული, შემპარავი ღიმილი და ტაქსით მოსაბარებლად მოტანილი სამი მძიმე ჩემოდანი.

„ნუთუ ამიტომ? ნუთუ ამიტომ?“ — გავიფიქრე მე.

ტელეფონის ჯიხურთან შევჩერდი და დავრეკე. ყურმილი ბაბულის აიღო.

— რატომ ქარხანაში არ ხარ, ბიჭო? — იკითხა მან.

— მე... მე მომხსნეს, ბიძია! — ვუთხარი და ავუხსენი, რისთვისაც მომხსნეს.

— რაო, მაქ ყველანი გაგიყდნენ თუ რაშია საქმე? მაგისტრის მოხსნა როგორ შეიძლება? ვერ გაიგეს რაში იყო საქმე? კარგი, კარგი, შენ წყნარად იყავი და მაგ საქმეს მე მოვუვლი. მილიციაში მივალ, ქარხანაშიც დაგაბრუნებ...

— მადლობელი ვარ, ბიძია! — ვთქვი, ყურმილი დავკიდე და ჯიხურიდან გამოვედი.

ზღაზვნით, ზოზნით გადიან ერთფეროვანი, მოსაწყენი დღეები. არაფერი საქმე არ მაქვს, არ ვიცი რა გავაკეთო და გული მიწუხს...

სალამოა. საცაა მზე ჩავა. ვზივარ ოთახში მოწყენილი, მარტოლმარტო. ჩემს ირგვლივ გამეფებულ მყუდროებას კედლის საათის წიკწიკი არღვევს. შევცქერი მაგიდაზე დადებულ ტელეფონს და ვნატრობ, ნეტავი ვინმე დამირეკავდეს-მეთქი! მაგრამ ტელეფონი უმოწყალოდ სდუმს, არავინ მირეკავს, არავის ვახსოვარ. კარგა ხანს ვყოყმანობ, მერე ვიღებ ყურმილს, ვკრეფ ნაცნობ ნომერს და მესმის, თუ როგორ წკრიალებს ტელეფონის ზარი აქედან შორს, ერთ მყუდრო ბინაში. იღებენ ყურმილს და მესმის ჩემთვის ესოდენ მახლობელი, ნაზი და მელოდიური ხმა: — გისმენთ, ვინ ბრძანდებით, ბატონო?

რა სამწუხაროა, რომ არ შემიძლია გავეპასუხო, ვკითხო რამე. ჩვენ

სამუდამოდ დავმორდით და აი, ახლა იძულებული ვარ მხოლოდ მისი ხმა გავიგონო. ყურმილს სდებენ. საოცრად მწყდება გული და მარტოობა, უსაშველო მარტოობა მბოჭავს.

მახსენდება ჩვენი უკანასკნელი, სევდიანი პაემანი, როცა ავსტრალიაში ვიყავით. რი ვაირკვა და დამთავრდა კიდევ. მე მაგონდება პარკის დაბურული ხეივანი, გრილი ნიაგი და ღრუბლის ფთილებს შორის აფრასავით გაცურებული დიდებული მთვარე. ხელები მუხლისთავებზე დაესვენებინა, თავი აელირა, შესცქეროდა მთვარეს, იღიმებოდა იღუმალად და თვალებიდან ზანტად მოჟონავდა ცრემლი, რომელიც სველ ზიგზაგებს ტოვებდა ფერმკრთალ ლოყებზე. ვერც მაშინ მივხვდი და ვერც ახლა გამიგია: თუ კი უბედური იყო, მაშინ რაღად იღიმებოდა? და თუ ბედნიერი, რატომ მოჟონავდა თვალებიდან ცრემლი? თუ ის ცრემლი ჩემი საკუთრება იყო, ის ღიმილი ვის ეკუთვნოდა მაშინ? იქნებ არცერთი არ მეკუთვნოდა მე და უბრალოდ ცრემლიცა და ღიმილიც მან ერთდროულად მიუძღვნა ულამაზეს, სალამოსეულ სონატას ახლამოწვევილი მთვარისას!..

წავიდა იგი და ახლა, როცა ძალიან, ძალიან მომენატრება, ავწრიალდები და თვალებგახელილი ვიძინებ, ახლა სულ მარტო ვარ, აღარც მაია, აღარც ქარხანა.

— მაია. — ვჩუჩულებ მე — მაია.

არა, მეტი აღარ შემიძლია, ავიღებ ახლა ყურმილს, დავურეკავ და ვეტყვი: — იცი მაია, მარტო ვარ ახლა, უსაშველოდ მარტო, შენ, შენ მჭირდები მაია და თუ შეგიძლია მამატი!

ავიღე ყურმილი, ავკრიფე ნომერი და როცა ყურმილი აიღეს, დავიძახე: — მაია!

— რომელი ხარ? — მეკითხება მამაკაცის ბოხი ხმა. იმედგაცრუებული ვდებ ყურმილს, შუბლით ვეყრდნობი მაგიდის კიდეს და თვალებს ვხუჭავ.

ტელეფონი აწკრიალდა, ვიღებ ყურმილს, მაგრამ ეს მაია არაა, ეს მერია — ღირექტორის პირადი მდივანი. ხვალ დილით ქარხანაში უნდა მოხვიდე, ღირექტორი გიბარებსო, მეუბნება და ყურმილს სდებს.

— მოვალ მერი. — ვჩუჩულებ მე, — მოვალ, მოვალ! — ყურმილს ვდებ და აღარ ვიცი მიხარია თუ მწყინს ეს ამბავი.

● ● ●
მოსაცდელში არავინაა მერის გარდა. მიჯდომია მერი მაგიდას, იდაყვები მაგიდის კიდევზე დაუყრდნია, თავი ხელებში ჩაურგავს და წიგნს ჩაპკირკიტებს. ჩემი შემოსვლა არც კი გაუგია. მისი ყურადღება რომ მივიპყრო, ხმამაღლა, ნაძალადევად ვახველებ.

— ო, დათო, შენა?! — უხარია ჩემი დანახვა, თვალები უბრწყინდება. ხელს მართმევს. — შედი, ღირექტორი გიხმობს.

ქ. მარქსის სახ. საქ. სსრ
სახელმწიფო რესპუბლიკის
გეგმვა

ახლა პაპაშასთან შესვლას სიკვდილი მირჩევნია, მაგრამ მეტი რა გზა მაქვს, უნდა შევიდე. ფრთხილად ვაღებ კარს და ვკითხულობ:  მეიძღვება?

— მობრძანდით! — მომესმის კაბინეტის სიღრმიდან და მიქვია ხომ პაპაშას ხმას არ გავს? ვიხედები და ჩემს გოაცებას აღარა აქვს საზღვარი — იქ, მაგიდასთან სულ სხვა კაცი ზის. ეს კაცი კი... ნუთუ?! ჰო, ისაა, ისაა! მე მახსენდება მაისის წყნარი საღამო და ჩამავალი მზით განათებული ქუჩა, მე მახსენდება ასფალტზე დაღვრილი სისხლი, სისხლში გათხვრილი დედა, ვეება მანქანა, სახეზე ხელებაფარებული მძღოლი და უცნობი, სახედანაოჭებული, ფერფლისფერთმიანი კაცი, რომელიც მთელი კვირის განმავლობაში არ მომშორებია და უკანასკნელვალმოხდილი, უკანასკნელად იქ, სასაფლაოზე გამომეთხოვა, წავიდა და, აი რამდენიმე წლის შემდეგ ისევ შევხვდი მას აქ, ამ კაბინეტში, სადაც ყოველთვის შიშით შევდიოდი და ხიფათს გადარჩენილივით ვტოვებდი ყოველთვის.

იგი დგება და ნელ-ნელა მიახლოვდება. მე ვდგევარ და ველი. ჩემს წინ ჩერდება და მეკითხება:

— თქვენ...

— თქვენ გამომიძახეთ! — ვასწრებ მე.

— დაიცათ, თქვენ... ცერი და საჩვენებელი თითი მიაქვს ნიკაპთან და ცდილობს გაიხსენოს, — აჰ! — იხსენებს ბოლოს, — თქვენ სანებლიძე ხართ, არა? კეთილი! თქვენი სახელი მე უკვე ვიცი, ჩემი კი — ლევანი! გავიცნოთ აბა ერთმანეთი! — ხელს მიწვდის და მე ვართმევ გამოწვდილ ხელს, დიდხანს, დიდხანს ვართმევ. იგი მხარზე მხვევს ხელს, მაგიდასთან მსვამს და მთხოვს, მოვუყვე ყველაფერი. რაც ჩემი ქარხნიდან წასვლას შეეხება.

მე ვყვები. იგი ყურადღებით მისმენს და როცა ვამთავრებ, ამბობს:

— თქვენ თქვენს საქმეს უნდა დაუბრუნდეთ. ჰო, შენმა ცვლის ოსტატმა რეზომ მითხრა, რაციონალიზატორული წინადადება გქონიათ. საღამოს, ცვლის დამთავრების შემდეგ შემოდით ჩემთან, გამაცანით რა წინადადებაა და თუ მოსაწონია, წარმოებაში დავანერგავთ. თქვენ კი პრემიას მიიღებთ... ახლა წადით, დროს ნუ აცდენთ, თქვენი დაზგა გელით.

ვდგები, თავს ვუკრავ და პირველად ჩემს სიცოცხლეში გახარებული გამოვდივარ ამ კაბინეტიდან, თუ ყოფილი დირექტორის ყოფილი ხაფანგიდან.

— პაპაშა სად წავიდა? — ვეკითხები მერის. რომელიც გაღიმებული მომიჩერებია.

— ჯანდაბაში! — ამბობს და ახალი დირექტორის ქებას იწყებს, მაგრამ სად მცალია მოსასმენად, საქმე მელის და თავქუდმოგლეჯილი გარბივარ მოსაცდელიდან.

გერასიმე დაბარებულივით მხედება საამქროს შესასვლელში, მხარზე
მიტყაპუნებს ხელს და ამბობს: — რა კარგია, რომ დაგვიბრუნდა
თოია! შევეუტიოთ აბა საქმეს, ერთდროულად, ყველამ ერთად შევეუტი-
ოთ, კარგი?

— შევეუტიოთ! — ვეთანხმები და ჩემი დაზვისაკენ მივდივარ.

ზურია მაშინვე ჩემთან ჩნდება, დაბრუნებას მილოცავს, ახრჩოლებს
სიგარეტს და მეუბნება: — იცი რა დირექტორი გვყავს?

— ვიცი! — ვამბობ მე, — ვიცი! ბაბული სად არის, ზური?

— ბაბული არ დაბრუნებულა, უარი თქვა. პაპაშა კი მოგვაშორა, მა-
რა თვითონ არ მოვიდა. არც გერასიმეა, კაცმა რომ თქვას ცუდი.

— არა, ცუდი როდია! — ვეთანხმები მე.

— მალე გენადიც მოვა და ყველაფერი ისე იქნება, როგორც იყო.

თავს ვაქნევ, ერთხანს უსიტყვოდ ვუცქერი თვალებში და ვეუბნები
შერე: — არა, ზური, რაც იყო, ის არ უნდა განმეორდეს.



ნ ა დ ი რ ო ბ ა

როგორც შენ გიყვარდა, ვდგები უთენია,
და შენი თოფით ვნადირობ ბაღში,
ასე მგონია, კვლავ მეტყვის ბებია —
თოფი რად აიღე, ბაბუა დაგიშლის.
შევყვები ახლებს, წვიმებით ვარცხნილებს,
დაჟანგულ კარებს ვაღებ და მეძინელება,
აქ ველურ ბალახებს სველ საფლავს ვაცილებ.
ბაბუას ხომ უყვარდა ენძელები.
სახლში შეკითხვებს მაყრიან გახელებით,
ყველა დამცინავად ჩუმჩუმად მიღიმის...
არასდროს მოცრია ბაბუას ხელები,
ჭიშკარს შემოაღებდა ლილინ-ლილინით.

* * *

უსაშველოდ წვიმს,
მთებს წასკდა ნიაღვარი,
ხეებს არწევს აკვანივით შემოდგომის ქარი.
ვჯდები მაგიდასთან ისევ უგუნებოდ,
ვუსმენ — ქარში მთები როგორ გუგუნებენ.
მერე ისევ ვდგები, ვერ ვისვენებ ისევ,
არც არავის ველი, არც არავინ მოვა.
ქარი გადარეკავს ჭიუხისკენ ნისლებს,

მალე დაიწყება უსაშველო თოვა.
გზაზე ვილაც მიდის ჩქარი ნაბიჯებით,
ნისლია და ალბათ ვერ ვიცანი მიტომ,
ახლა სად არიან ჩემი ძმაბიჭები.
ის ვილაცა ჩემი ალიკოა ვითომ?!
მგზავრი სხვაგან მიდის, სხვაგან მიიჩქარის,
ეს რა უცებ შეწყდა გაფიქრება ფუჭი,
ვერ ვისვენებ ისევ, ისევ წვიმა, ქარი...
ნეტავ მთებში ძმაკაცს რამე ხომ არ უჭირს!

გრიგორი ბიღოუსი

ღორის კუდი

ეუმორესკა-მოგონება

ღორის კუდი არ გაგირუჯავთ ოდესმე?

ჰოდა, არც მე მღირსებია ეს ბედნიერება, თუმცა ბევრჯერ მინახავს, როგორ ტრუსავენ ნეზვს ან ტახს. ეს კია, ასეთ ღროს უფრო ღორის თავის ახლოს ვწრიალებ, კუდთან კი მამაჩემი და ღორს რომ კლავს, ის ძია ფუსფუსებენ. აბა რა მომასვენებს, ვუტენი და ვუტენი ღრუტუნას ყურებში თივას! ისეთი შემწვრის სუნი ტრიალებს, ნერწყვმა ლამის დაგვახრჩოს. მამა და ძია თივას აბულულებენ გრძელი ჯოხით, ცეცხლის ენებო დაუზოგავად ლოკავენ ნეზვსა თუ ტახს, თანდათან შავდება ხორცი, მამა და ძია კი ასკვნიან:

— კარგად მოიწვას, უფრო გემრიელი იქნება!

ყველაფერი ეს ბოსტანში ხდება, სარდაფისაგან კარგა მოშორებით.

დაიწვება თუ არა თივა, მამა და ძია ცოცხით ჩამოხვეტავენ ხოლმე ფერფლს ტახსა თუ ნეზვს და თოვლით გულმოდგინედ დაზელენ. ვიდრე ნეზვი თუ ტახი თოვლის ქურქში იწრთობა, მამა და ძია თუთუნს აბოლებენ და თვალდათვალ ზომავენ, რამდენი ფუთი ქონი აიჭრება. ამასობაში ტახი თუ ნეზვი ისე ცხადად გამოიკვეთება ფიფქიან ქათქათა ფონზე, თითქოს ეს არის კამკამა წყლიდან ოხშივარავარდნილი მორი ამოცურდაო. მაშინ მამა და ძია ერთხელ კიდევ ალესავენ დანებს, დედაჩემს ცხელ წყალს მოსთხოვენ და იწყებენ იმ მორის ჯაგრისით განბანვას, მერე ფხეკას მოჰყვებიან და სიშავეს სილაჟდაჟე ცვლის. ახლა მამა და ძია გამარმარებული დანებით პარსავენ ღორის ფერდს, ნაფლეთ-ნაფლეთ რომ ჰკიდია დამწვარი ტყავი. არც მე ვყლაპავ ბუზებს; მკვირცხლად შევრბივარ შინ, ვიღებ ერთ მუჟა მარილს და უკანვე — ბოსტანში. ჩავიმუ-

ხლებ ღორის ფერდთან და ვწმენდ, თან მარილს ვაწებ ზედ. მამამ შემწი-
შნა, მაგრამ გვიანდაა: ფერდი ქათქათებს, მე კი განზე ვიცქირებო, ცხა-
დია, მივქარე.

ეროვნული
ბიბლიოთეკა

— აბა, აიღე დანა და გასწმინდე ყური!

მოგეცათ ლხენა, გემოზე კი გავწმინდო! როცა შინ შეიტანენ, ის
უყურო ტახი ისეთი სასაცილო იქნება, თითქოს ზედ მის თავზე თავგებს
ლხინი გაემართოთ.

შემდეგ თბილ ღუმელთან ვჯდები, მუცელი კი ისე მიბუყბუყებს, გე-
გონება შიგ გალუშეკები* იხარშებაო. წახდა საქმე!.. საშველი არ არის,
დალახვროს ეშმაკმა!

ასე ვზივარ თბილ ღუმელთან, ქამარშეხსნილი, სახლში კი თავს იყ-
რიან ახლობლები. ვინმე დამზადების კანტორიდან გვეწვევა, თანასოფლე-
ლიც არ დაგვივიწყებს, კარის მეზობლებიც შემოიხედავენ...

მაინც ასე შეთქმულებივით როგორ აღმოჩნდნენ ერთდროულად
ჩვენს სუფრასთან?

შემთხვევით!

ახალი ხორცის შემწვარ-მოხრაკული რომ გვექნებოდა, ამას თავი-
დანვე თვითონ ტახი გაჰყვიროდა მთელ სოფელს. და არ არის გამორიც-
ხული, პირველად ეს სიგნალი სწორედ დამზადების კანტორის მუშაკებს
გაეგონათ, ყურები პელენგატორივით რომ უწივით.

— ოჰო, გესმით?... — ამბობს დამზადების კანტორის თავმჯდომარე,
თან ლოკატორივით ცქეცტს ყურებს და მაშინვე განსაზღვრავს ზუსტ კო-
ორდინატებს: — პავლესთან ჭყვირის. ჩუ, ჩუ!... ასეა. ჩაიწერე, ანდრია —
ეს უკვე ინსპექტორ-დამამზადებელს მიმართავს.

მოსადამოვდება თუ არა, როცა შემწვარ-მოხრაკულის სუნი ჭიშკრის
გარეთაც ატანს, წინკარში ურდული ახმაურდება — სტუმრები მოდიან.
კარგა ხანს ჩაახველებენ ხოლმე, შემდეგ შინ შემოდიან და მაშინვე დე-
დაჩემს:

— დეიდა პრისკა, გეთაყვა, მოიტათ ცოცხი, ჩექმები დავიბერტყო
თოვლისაგან. გამარჯობა, ძია პავლე, მაპატიეთ, პავლე გრიგოროვიჩი. ოო,
რა სუნია, რა არომატი!... ააჰ! მოვედით იმის გასაგებად, ხომ არ ჩააბა-
რებთ ხორცს ჩვენთან, კოოპერაციაში. ფასი მტკი-იციე გვაქვს, აბა! ერთი
მოიტა წიგნი, ანდრია.

და თუმცა ეს წიგნი კი არა საკანცელარიო საქალაღდეა, და იქ ფასე-
ბი კი არა ხმელი ტარანი დევს, თავმჯდომარე საქმიანი ტონით კითხუ-
ლობს:

— ღორის ხორცი. უმაღლესი ხარისხისა. მიიღება ამა და ამ ფასში.

* უკრაინული კერძია. ჩვენებურად ხაჭოს ხინკალი.

უფრო დაბალი ხარისხისა — ნაკლებში. აღარ გავავრძელებ, ვინაიდან შენ, პავლე, ღორის ხორცი კი არა, ნამდვილი ბეკონი გქონია!..

თავმჯდომარე-დამამზადებელი ვერც კი ასწრებს საკადრის დასრულებას. დება შეასხას ჩვენს ტახს, რომ ფართოდ გაღებულ კარებში მოეშურება ცივი ჰაერის ნაცრისფერი ქულა, ფერმის გამგედ — ჩვენს ძია კირილედ რომ იქცევა იქვე. ზედგამოჭრილი სახალწლო თოვლის პაპაა, ზღურბლთან მდგარი. სწორედ მან გვიბოძა მაშინ ეს ტახუნია.

— გავითოშე! — ამბობს ძია კირილე და პირდაპირ ღუმელში მიაქვს ცეცხლსაჩხრეკივით დაკრუნჩხული უსაშველოდ გრძელი ხელები! — შინებს! — უმატებს ხოლმე და ვერ მიხვდები, ყინვაზე ამბობს ამას, თუ ქონზე, ტაფაზე რომ იწვება. — ჰო, პავლე, ძროხა რასა იქს? მ-მ-მ, დახბოიანდა? ხუთჯერ ხომ გყავდათ ბუღასთან?! კაი ეშმაკია მაი თქვენი რქოსანი. მართლა, ტახუნია როგორაა? რამ გამახსენა ის მგლის კერძი? ვიფიქრე, მოდი ერთი ვნახავ-მეთქი... არა და ვისი უნდა იყოს ყურებმოკმული თავი, ძელზე რომ დევს? ეე, რა ტახი იყო! ერთი ლუკმა მახსოვს, კუდი კი მაშინაც ასე ჰქონდა — ბუბლიკივით, ღმერთმანი, ბუბლიკივით... ეჰე, შენ მანდ რას აკეთებ, ბლარტო?

მე კი ტერფით ვსრეს მარილმოყრილ და ნაცარში ამოსვრილ ტახის ბუშტს.

— ანდრია! — მიმართავს დამზადების კანტორის თავმჯდომარე თავის ინსპექტორს, — შენი აზრით რამდენი ფუთი გამოვა, ამ კასრში რომ ქონია?

— ექვსი.

— მე კი ვამბობ — ხუთნახევარი.

— ექვსი.

— ხუთნახევარი! პავლე, შენ რას იტყვი?

— ექვსს ბევრი არ დააკლდება.

— ოო, მეც ამას არ ვამბობ? ჰა, ანდრია, მალარიჩი შენზეა!

— მე კი რა ვთქვი? რაღა აკლია ექვსს? ჰოდა, მალარიჩიც პავლე გრიგოროვიჩზე იყოს, აბა!...

მე მოჯადოებულებით მივშტერებვიარ კარებს, რადგან ურდული უკვე ირხევა და ქრიალებს. ჰო, ეს ჩვენი ძია ტერენტია, ვინაიდან მხოლოდ მას სჩვევია ურდულის ასე დიდხანს წვალევა, ვიდრე შინ შემოვიდოდეს. ის მჭედელია და იმაზე მეტად არა სიამოვნებს რა, როგორც რკინის ჭახანი. კარებში იხრება, რათა თავი არ აარტყას წირთხლს, და გვერდულად შემოდის, მხრებით რომ არ გაეჩხიროს. როგორც კი მისასალმებლად გასწორდება, სახლი პატარავდება. წითური უღვაში მავთულის ჯაგარისს მიუგავს, დაყანგულს. „გამარჯობაც“ რკინისებური აქვს: თითქოს მძიმედ დაჰკრა გრდემლსო. მის ფართო ზურგს უკან ძლივს მოჩანს სოფლად ყველას ნაცნობი ხურო მინა ჩხუნი, მეტსახელად პრილობოჩკა, ქლიავისფერი

აპრეხილი ცხვირი რომ ამშვენებს. ვინ იცის, იქნებ ყინვისაგან ვალურ-
ჯებია. ვიდრე ძია ტერენტი ქურქს გაიხსნიდეს (ამას კი ის ყველგან
აკეთებს, როცა რაიმეს თქმა სურს), მინა ჩხუნი მისი ზურგიდან გამოსდ
რება ხოლმე და თითქოს კედელს ცერცვი შეაყარაო:

— ხომ გახსოვს, პრისკა, ისა, გოჭებისთვის, რა ჰქვია იმას, ვარცლი
გამიკეთეო, რომ მთხოვე, ჰოდა, აი, ისა, მოვედი. აბა, პავლე, მონახე,
ისა, ფიცრები, შენ კი, პრისკა, ისა, ცული მომიტანე.

— გაახსენდა ტახის ხმაზე, — ამბობს დედა. — მე ხომ გაზაფხულზე
გთხოვე.

— აი ხომ ხედავ, რა მახსოვრობა მაქვს. ამდენი ხანი გავიდა მას შე-
მდეგ, მე კი არ დამვიწყებია!

ძია ტერენტომ როგორც იქნა გაიხსნა ქურქი, დაბამბული შარვლის
ჯიბიდან დახვეული მავთულის მურგი დააძრო და მარწუხი ააკლაცუნა:

— ვიფიქრე, რგოლს ავაძრობ, ვარცლმა რომ არ იხმაუროს-მეთქი.
კიდევ ჩიჩქნის?

— შენი მტერია ისე. უკვე კასრშია. თავი კი ძელზე დევს ჯერ, —
ამბობს მამა.

— ახლავე ყველაფერი მზად იქნება, — ჩქარობს ძია ტერენტი, ისევ
აკლაცუნებს მარწუხს და თვალის დახამხამებაში ახალთახალ რგოლს უყ-
რის დინგში.

— აი ეს მესმის, კავზე მოხერხებულად ჩამოკიდებთ, — ამბობს მინა
ჩხუნი და სიამოვნებისაგან ხელებს იფშენეტს. — რაც გინდა თქვი და,
ოსტატი კია!

კარები თითქოს არც გაღებულა, ზღურბლზე კი ფედოტი-მესტვირე
დგას. უმისოდ სოფელში თამაში არ გაიმართება. ამბობენ, სტვირთან ერ-
თად სძინავსო, რადგან ჯერაც მარტოხელაა. სტვირი საყვირისაგან გაუკე-
თებია, ექიმის მოსასმენ მილსა ჰგავს. ვინძლო ამ მილით ისმენს, სად რა
დროსტარება იწყება. შესაძლოა დაყნოსავს ხოლმე, ვინაიდან იმსიგრძე
ცხვირი კაციშვილს არა აქვს ჩვენს სოფელში. როცა ფედოტი უკრავს,
მისი ცხვირი სალამურივით უსტვენს სტვირთან ერთად.

ფედოტი უბიდან აძრობს სტვირს:

— აბა, რას ჩამოგიშვიათ ცხვირი! — და ისე საოცრად უკრავს რა-
ღაც სამხიარულოს, მგონია ტახის ბუშტს კი არ ვსრეს, არამედ
ზედ ფეხის წვერებზე ვცეკვავ.

მამაჩემი კი ხელს იბანს და ველარ მოუთავებია.

— პრისინა!.. — გამარჯობა, — ეს თავმჯდომარეს ეკუთვნის. — პრი-
სინა! ერთი გამომხედე, თუ ქალი ხარ, სათქმელი მაქვს! — ღია კარებში
ნეზობელი დგას, დეიდა მანკა.

— შემოდი, შე ქალო.

— ხომ ხედავ, არა მცალია. საფუარი ხომ არა გაქვს?

— ცოტა უნდა მქონდეს საღდაც ქვაბში. ჩამოჯექ, ჩამოჯექ.

— კი არ მცალია, მაგრამ უარს ვერ გეტყვი, რაკი ასე მთხოვე.

— მანკა, არაყი არ გექნება?

— არა, არა...

— ერთი ბოთლი მაინც, თითო სირჩა სტუმრებისათვის, ჰა?

— გუშინ ჩემ კაცს კბილებში შემოენთო და ზედ დაიწურა. მაინც არაფერი ეშველა. მერე ცარიელი ბოთლი ედო ლოყაზე.

დედამ შემწვარ-მოხრაკულით სავსე ჯამები ჩამოარიგა, მსხვილ-მსხვილად დაჭრა პური. მამამ გულდაგულ შეიმშრალა ხელი.

— პავლე, შინა ხარ? — ვილაც სარკმელთანაა.

— შინ ვარ, რა გნებავს?

— ქვეყანას კი არ მინდა გავაგონო.

— ჰოდა, შემოდი სახლში.

— გამარჯობა! — ეს მეორე მეზობელია.

რალაცას ჩასჩურჩულებს ყურში მამაჩემს.

— პრისკას ჰკითხე.

ახლა დედაჩემს ჩასჩურჩულებს.

— არა მაქვს, ღმერთმანი, არა მაქვს. დაგვეწვიე!

წინკარში კი ვილაც ბურტყუნებს. ეს პაპა ლუკაა — სოფლის მეხანძრე. მიჩვეულია ხმამალა ფიქრს. რად გინდა მერე, ვიდრე ურდულის ჩხაკუნს მორჩებოდეს, სახლში ნაბუტბუტარის კუდის წვერი თუ შემოპყვება.

— ...ის იყო, პავლე, ზარს შემოგვკრავ-მეთქი: კინალამ ხანძარი არ მეგონა! მერე გამახსენდა: ეს ხომ ყვირილი იყო! ჯარიმა კი გეყუთენის, მარა, შემდეგაც მოვესწრებით. — სუფრაზე შემწვარი რომ დაინახა, დედაჩემს მიუბრუნდა: — ყელის გასასველებელი ხომ იქნება, პრისკა, აბა, სასმელი თუ არაა, რალა საუზმე ჰქვია! რაც იქნება, იქნება, აი აქ დავჯდები — პურიც ახლოსაა, არც ჯამია შორს, ჰქიას კი როგორმე მომავწვდიან.

სუფრის კუთხიდან თავმჯდომარის მოტვლებილი კეფა ბრწყინავს. მის გვერდით მოუთმენლად წრიალებს ინსპექტორი: უკვე დაითრია კოვზი და პური. სქელ ტუჩებს ილოკავს ჩვენი ძია კირილე და ისე აწკლავუნებს, თითქოს გოჭებს უხმობდეს. ძია ტერენტი კი სუფრის თავში წამოჭიმულა გაღიადებული პიჯაკით, და ჩანს, კვლავ სურს რალაცის თქმა, ვინაიდან ახლა პერანგის დილებსაც აწვალავს გასახსნელად, უელავს და უკაწკაწებს მოჭედილი კბილები. მინა ჩხუნი ცდილობს უფრო ახლოს მიიწიოს შემწვარ-მოხრაკულით სავსე ჯამისაკენ, ავიწროებს მესტვირე ფედოტს, რალაცას ჩასჩურჩულებს ყურში. ფედოტი კი მინას მისჩერებია, საჭმლის სურნელებით გაბრუებული. ვინ იცის რაზე, ერთმანეთს ეჩურჩულებიან მეზობლები.

უცებ ყველანი კარებისაკენ იხედებიან, რადგან წინკარში ახმაურდა

ცარიელი ვედრო, აგრიალდა დამხობილი ვარცლი. ეს ნაღდად ძია სიკვია, დეიდა ნასტიაც რომ წამოუყვანია. მისალმებაც ვერ მოასწრო, რომ ფეხსაცმლის წვერით სანაცრეს წამოედო. იქიდან გამომხტარი სატყევება-ცეცხლსაჩხრეკებში გაებლანდა, ფეხი დაუცურდა ტახის ბუშტზე, რომლის გახეთქა ვერ მოვასწარი, — და მხოლოდ მხრები აიჩეხა: ერთი შემხედეთ, ჩემო კეთილებო, რა ფრთხილი კაცი ვარო.

სიცილისაგან თავი ვერ შევიკავე, ლამის თვალები გადმომცვივდა ხარხარში. ისევ დეიდა ნასტიამ შემაჩერა. მე კი არც შემინიშნავს, როდის შემოვიდა სახლში. მთელი მუჟა კვახის თესლი მომაყარა. სიმწარე დასდევდა, ალბათ შარშანდელი იყო. მუჟად ჩაითვლება კი? ათიოდე მარცვალი ჩაუბღუჯავს და..

დეიდამ ძეხვის სატენი მოიტანა, სუფრასთან დაჯდა და იკითხა:

— რა დავჩუროთო ჯერ, ძეხვი თუ...

ეზოდან კი:

— ტრ-რრრრ-უუ!-ტფრ-რუუუ!

ხვიხვინებს ცხენი, ტლაშუნობს მოსართავი, ჭრიალებს კარები.

— აქ მგონი სვამენ? ოჰო! — შემოდის ძია მიკოლა. — წისკვილზე მივდივარ. ვიფიქრე, მოდი შევიარ, იქნებ პავლესაც აქვს რამე დასაფქვა-ვი-მეთქი.

— დავფქვი, დავფქვი! — ეუბნება მამა.

— ჰო, თუ ასეა, კარგად იყავით! — ფეხს კი არ იცვლის.

— ერთი შენც, მიკოლა, დარჩი, იქნება თითო ჭიქა მოგვიწიოს, — ეუბნება მინა და თან ნერწყვს ყლაპავს.

— ადგილიც არა გაქვთ. აბა, მიიწ-მოიწით, მეალაპებო! — თავბატიყს არ იღებს ძია მიკოლა.

მგონი ყველამ მოიყარა თავი.

მაგრამ არაყი?

— წავალ. ვისესხებ, — ამბობს დედაჩემი და საკუჭნაოში შედის, ბოცადან გრაფინში არაყს ასწამს, გამოსვლას კი არ ჩქარობს.

ამ დროს კიდევ ვიღაც შემოდის წინკარში და უკვე მუშტით უბრა-ხუნებს კარებს. საეჭვოა, როცა ასე უბრახუნებენ, იქნება...

— ასეც ვიცოდი: მე მელოდებით არა? მე კი, ჩემო ძვირფასებო, მომესმა დღეს, თითქოს ჩემი აღსაზრდელი ყვიროდა. კარგი ტახი კი იყო. ნახსოვს, როგორ დავკოდე, საშინლად ჭყვიროდა. ახლაც ხმაზე ვიცანი, აბა!

ეს ლეონტი ზაცარენკოა. არ მიყვარს. ისე არ იქნება, რამე არ მიხი-მანოს. ყოველი შემთხვევისათვის ახლაც მზადა მაქვს ერთი მუჟა ნაცარი თავის დასაცავად. მან მაშინვე შემინიშნა ღუმელთან.

— აბა ერთი, მომაწოდეთ დანა, — ყურები დავაჭრა მაგას!

— არ მომეკაროთ, ძია, თორემ ნაცარს შეგაყრით თვალებში!

— ენას კბილი დააჭირე! — მტუქსავს მამაჩემი.
და მთელი ყურადღება ჩემკენაა. სიწითლისაგან
არ გავრბივარ, უფრო მაგრად ვსრეს ტახის ბუშტს.

— ფეხით რას უზამ, ჩაიხადე შარვალი და...

— თქვენ მიჩვენეთ!

ხარხარი იქაურობას აყრუებს.

— შეხე ამ ბლარტს!

მეც სხვებთან ერთად ვიცინი.

— დედაშენი კაბაში ხარშავს ბორშხს!

— არაფერიც, ქვაბში ხარშავს!

— კაბაში!

— არაფერიც!

— კაბაში!

ყველანი ხარხარებენ, მე კი აღარ ვიცი, როგორ დავიცვა თავი. ისევ
დედაჩემი მშველის. სახლში შემოსვლისთანავე:

— აბა უკაბოდ ხომ არ ვიდგები ღუმელთან...

ასხამენ, სვამენ, ჭამენ, ლაპარაკს არ აცლიან ერთმანეთს. დედა მე-
რამდენედაა მიდის არყის „სასესხებლად“, მე კი ვზივარ ღუმელთან ვლე-
ჯავ მსხლის ჩირს და ვხედავ, როგორ მიაპარებს ხახისაკენ ძია ტერე-
ნტი ნამცხვარს. მინა ჩხუნი პირში კი არ იდებს, პირდაპირ მუტეღში იწ-
ყობს: მრგვალი ღიბი გამობერვია პერანგიდან, კაცმა რომ არ იცის რისა-
გან დასველებია — ოფლმა გამოჟონა თუ ქონმა. დეიდა ნასტია ერთს
რომ საქმეში ჩაჩურთავს, მეორეს პირში იტენის. ფედოტს ლოყები მე-
სტვირესავით დაბერვია, რადგან ყბის ორივე მხარე გამოუტენია.

სუფრის ხმაურში კი ნაწყვეტ-ნაწყვეტ ატანს რაღაც ჯერ კიდევ გაუ-
რკვეველი სიმღერის ჰანგები. ძია სავკასა და ანდრიას ხელისგულები ლო-
ყებზე შემოუწყვიათ და ხმას სინჯავენ:

ძმაბიჭებო, იყო, არა იყო რა:

არაყს სვამენ ღუკა, მინა,

ანდრია და მიკო-ლა-ა-ა...

ოჰო, უკვე ყველამ გაიგონა, ხმას აწევენ:

არაყია, ო რა კარგი,

თაფლზე მეტად ტკბილი,

დღესაც შევსვათ,

ხვალაც გვარგებს,

აღარ გვინდა ძი-ი-ლიი...

ფედოტი სტიქიაშია. ვერ მიხვდები სტვირი დააძრო თუ მარტო ცხვი-
რით უსტვენს.

მერე ძია საგვა მეზობელ მანკას მიუჯდება და ეკითხება:

გალია, ძვირფასო,
ჩემო გვრიტუნია,
თუ სიმართლის ფასი
ტყუილს გირჩევნია
მითხარ, ჩვენი დასი
სად გაგიფრენია?



გალიაც მანკა-მეზობლის ხმით უპასუხებს:

თმახუტუტა ივანე
ცხარე ცრემლით ვატირე.
ჩვენი მარკო მცივანა
ცხრა მთას იქით აპირებს.
მიხაილო ცინგლიანს
შინ შარვალიც ვერ მიაქვს!..

ნაშუალამევს აიყარნენ სტუმრები. ბოლოს დამზადების კანტორის თავმჯდომარე გადის. კაცმა რომ თქვას, კი არ გადის, არამედ გააქვთ — ინსპექტორი და მესტირე ფედოტი შედგომიან მხრებში. თავმჯდომარე გადაბრუცულ თვალებს შეავლებს მამაჩემს და ენას ძლივს იბრუნებს.

— ჩვენთან ფასები მტკი-ცე-აა!

ძლივს ვახელ რულისაგან შეწებებულ თვალებს და ვხედავ, ძელზე მხოლოდ ღორის თავი დევს, დინგს ახალთახალი რგოლი რომ უმშვენებს, გვერდით კი კული გდია...

— ...ბუბლიკივითაა, ბუბლიკივით! — სიზმარ-ცხადად მესმის ვილაციის ნაცნობი ხმა, მაგრამ მეტი არაფრის თავი აღარ მაქვს, მძინავს. მესიზმრება ზაფხული, ღელე, ნაპირზე ცხელ სილაში კოტრიალი, შიგადაშიგ თევზი ამოხტება ხოლმე, ნაზად ირწევა თეთრი შროშანი...

ღედა და მამა კიდევ დიდხანს ბჭობენ რაღაცაზე, და მე არ მესმის, რატომ. იქნებ იმაზე ფიქრობენ, რომ გაისად, როცა კვლავ გამოზრდიან ტახს და დაკვლას დააპირებენ, მაგრად შეუკრან დრუნჩი, რათა არ იჭყვიროს. მაგრამ თქვენც არ მომიკვდეთ, „გაისადაც“ სწორედ ისევე მეორდება, როგორც ეს არის მოგახსენეთ...

უკრაინულიდან თარგმნა გრიგოლ სიხარულიძემ.

აღიქსანერა ჩხაიძე

ჰიპოპრატმს შიცის კრთბულნი

ყოველი ბარათი რაღაც ამბის მაუწყებელია. თითოეულ გაუხსნელ კონვერტში დიდი თუ მცირე საიდუმლოება ინახება. ზოგიერთი ბარათი მხოლოდ ადრესატისათვისაა საინტერესო, რადგან პირად ცხოვრებას ეხება, ზოგი კიდევ ისეთ მნიშვნელოვან ამბებზე მოგვითხრობს, რომ მათ შესახებ უნდა იცოდნენ სხვებმაც.

ეს ცისფერი კონვერტიც თითქოს არაფრით განსხვავდებოდა ბათუმში მოსული სხვა წერილებისაგან. მაგრამ ჩემი ყურადღება მიიპყრო მისი გამომგზავნელის მისამართმა: „ზღვისპირეთის არმიის 388-ე მსროლელი დივიზიის ომის ვეტერანთა საბჭო. ზაპოროჟიეს ოლქის კუბიბშევის რაიონის სოფელი ბელოცერკოვა“. კონვერტში იდო სამ ფურცელზე ფაქიზად გადაბეჭდილი წერილი, რომელსაც ხელს აწერდა ამ დივიზიის ვეტერანთა საბჭოს თავმჯდომარე ივანე გრიგორის ძე ნიკოლაენკო.

ოცდაცხრა წელზე მეტი გავიდა დიდი სამამულო ომის დამთავრებიდან. პრესა, რადიო, ტელევიზია, მასობრივი ინფორმაციის სხვა წყაროები კვლავ გვაწვდიან საბჭოთა ადამიანების მამაცობისა და თავგანწირვის სრულიად ახალ ფაქტებს, საგმირო ეპიზოდებს, რომელთა მონაწილენი ზოგჯერ ცხოვრობენ ჩვენთან ერთად, ერთ ქალაქში, შეიძლება მეზობლადაც კი, მაგრამ აიღობელთა მხოლოდ ვიწრო წრემ თუ იცის მათი იმდროინდელი ამბავი, როცა ისინი უფრო გრუზათმიანი და უფრო ტანადები იყვნენ, ხელში იარაღი ეკავათ, ყოველდღე შეჰყურებდნენ სიკვდილს თვალებში და, ვინ იცის, რამდენჯერ გაუწირავთ თავი სხვისი სიცოცხლის გადასარჩენად.

აი, ასეთი ადამიანები გავვახსენა ზაპოროჟიედან ბათუმში მოსულმა ცისფერკონვერტიანმა ბარათმა.

რამდენიმე სტრიქონი ივანე ნიკოლაენკოს წერილიდან:

„— სულ ოცი წლისანი მოვიდნენ ჩვენი პოლკის სანიტარულ ბატალიონში ბათუმელი ექთანები — ლიდა ტაბაღუა და ლუბა წეროძე, რომლებიც ერთგულად და შეუბღალავად ატარებდნენ მედიცინის ნაღველებს თეთრს ხალაფს: ჩვენ, დაჭრილები, ყოველთვის ვგრძობდით მათ მზრუნველობას, რაც გვიმსუბუქებდა სარეცელზე ყოფნის მიძიმე წუთებს. ომი, რა თქმა უნდა, ყველასათვის ომია, მაგრამ მათთვის, ქალიშვილებისათვის, სამმაგად უფრო ძნელი გადასატანი იყო ფრონტული ცხოვრების სიდუხჭირე“.

ლუბა წეროძე, ლიდა ტაბაღუა!.. სადღაც წამიკითხავს თუ ვილაცისგან მსმენია მათ შესახებ. მომაგონდა! ამ ოციოდე წლის წინათ ერთი გაზეთის თხოვნით ჩვენს ცნობილ მწერალზე — პარმენ ლორიაზე ნარკვევი უნდა დამეწერა. თემად მწერლის ფოსტა ავირჩიე. ათი ათასზე მეტი ბარათი აღმოჩნდა მის არქივში. მათ შორის იყო ფრონტული სამკუთხა, უმარკო წერილებიც. ერთ-ერთ მათგანს ექთანი ლუბა წეროძე აწერდა ხელს...

პარმენ ლორია იგონებს:

„— ჯერ კიდევ ომამდე ვიცნობდი ლუბა წეროძეს. ბათუმის სამედიცინო ტექნიკუმის დამთავრების შემდეგ თვრამეტი წლის ექთანი ხულოს რაიონულ საავადმყოფოში გაგზავნეს სამუშაოდ. მახსოვს, ცქრილა, სიცოცხლით აღსავსე და ბეჯითი გოგონა იყო ლუბა. კულტურის სახლთან არსებულ ლიტერატურულ წრეს ხელმძღვანელობდა, საღამოებს მართავდა, მწერლებთან და ხელოვნების მუშაკებთან აწყობდა შეხვედრებს. თავადაც წერდა ლექსებს და რაიონულ გაზეთში აქვეყნებდა. სამამულო ომის დაწყების შემდეგ თვალთა ხედვიდან დაკარგე იგი, როგორც ბევრი სხვა ნაცნობი, რომელთა ბედი და გზები ომის კანონებს დაუმორჩილდა. და, აი, მარტის ერთ-ერთ სუსხიან დღეს, გაზეთ „საბჭოთა აჭარის“ რედაქციაში, სადაც მაშინ ვმუშაობდი, მოვიდა ლექსი:

„ცეცხლის წვიმაში წარბშეუხრელად
ვასრულებთ ჩვენს დიდ მოვალეობას,
იარას ვუხვევთ, ვუამებთ ტკივილს,
მამაც მეომრებს ვმატებთ მხნეობას“.

ამდგავარი ლექსები მაშინ ბევრი მოდიოდა, მაგრამ ჩემი ყურადღება მიიპყრო იმან, რომ მისი ავტორი გახლდათ ჰოსპიტლის ექთანი, ლუბა წეროძე. ლექსი დაწერილი იყო 1942 წლის 11 თებერვალს, ქალაქ სევასტოპოლში, ნალმებისა და ქვემეხების გრიალში. ექთანი ქალიშვილი რუსეთის ამ საზღვაო დიდების ქალაქის გმირ დამცველებს უძღვნიდა თავის ლექსს, გმირობას და თავგანწირვას უქებდა მათ, მტერზე გამარჯვებას უსურვებდა. მას შემდეგ კარგა ხანი გავიდა. კაცობრიობამ არნახული ნგრევა, სიკვდილი და მწუხარება გადაიტანა. განსაკუთრებით დიდი მსხვე-

რპლი გაიღო ჩვენმა ქვეყანამ, საბჭოთა ხალხმა. გმირი ქალაქი სევასტოპოლი დაეცა უთანასწორო შერკინებაში, მაგრამ ისევ განთავისუფლდა, წამოდგა და აღორძინდა. ყოველთვის მაწუხებდა მათი დამცველობა, რომელთა შორის ბევრი ქართველი იყო. ჩემს პირად არქივში შემორჩენილი ლექსი მახსენებდა ლუბა წეროძეს, მის თანამებრძოლებს. ერთხელ გაზეთშიც მოვიხსენიეთ მისი სახელი. იმავე დღეს დამირეკა მეგობარმა, ლუბა წეროძე ომიდან დაბრუნდა და ახლა სახელმწიფო ექიმი. ბევრი ძებნა არ დამკირვებია, რომ იტყვიან, აგერ ყოფილა ყურისძირში. შეიძლება ქუჩაშიც ვხვდებოდით, მაგრამ ვეღარ ვცნობდი, რადგან წლებმა თავისი გაიტანა, მაგრამ წლებზე მეტად იმ განსაცდელმა და გაჭირვებამ, ლუბასა და მის განუყრელ მეგობარს ლიდა ტაბალუას რომ გამოუვლიათ ომის ქარცეცხლიან გზებზე.

* * *

...ლიდა და ლუბა ერთუბნელები იყვნენ, პატარაობიდანვე იცნობდნენ ერთმანეთს, ერთად შევიდნენ სამედიცინო ტექნიკუმში, რომლის დამთავრების შემდეგ ხულოს რაიონში გაგზავნეს ექთანი ქალიშვილები. ექიმობაზე, ხალხისათვის სამსახურზე, სასიკეთო საქმეზე ოცნებობდნენ. ელოდნენ სიყვარულს, დაოჯახებას, შეიღებდნენ... მაგრამ ერთ დამეში დაიმსხვრა მილიონობით ადამიანის ფიქრები და ოცნებები, ომის დაწყებამ ძირფესვიანად შეცვალა მთელი ქვეყნის ცხოვრება.

ომს მსხვერპლი მოჰყვა, ასობით კილომეტრზე გადაჭიმული ფრონტი ითხოვდა ახალ-ახალ მებრძოლებს. საომარ საჭურველს. განსაკუთრებით გააფთრებული ბრძოლები მიმდინარეობდა შავი ზღვის ქალაქებში. ოდესა დაეცა. ფაშისტები სევასტოპოლს მრადგნენ. რუსული საზღვაო დიდების ქალაქის დამცველთა დასახმარებლად საქართველოში სასწრაფოდ შეიქმნა 388-ე მსროლელი დივიზია. სამედიცინო პერსონალი თითქმის ჩვენი რესპუბლიკის მედიკოსებით დაკომპლექტდა. სამედიცინო ინსტიტუტიდან მობილიზებულ მეზუთეკურსელებს ნაადრევად დააკისრეს ექიმობა. იმათ შორის, ვინც ჩაირიცხა დივიზიის სამედიცინო-სანიტარულ ბატალიონში, იყვნენ სამედიცინო, სამსახურის ლეიტენანტები ლუბა წეროძე და ლიდა ტაბალუა.

ლუბა წეროძე გვიამბობს:

„— დივიზიის სამედიცინო-სანიტარულ ბატალიონში ჩემსა და ლიდას გარდა იყვნენ ექთანი ქალიშვილები საქართველოს სხვადასხვა რაიონიდან, აზერბაიჯანიდან. ვემზადებოდით ფრონტული ცხოვრებისათვის: ვსწავლობდით სროლას, დაჭრილების გამოყვანას ცეცხლის ხაზიდან, მათთვის პირველი დახმარების აღმოჩენას... შემდეგ სხვადასხვა ადგილებში ვანლაგებული ჩვენი დივიზია ერთ-ერთ ქალაქში შეერთდა და 1941 წლის 6 დეკემბერს გემებზე გადავედით. მას შემდეგ ოცდაათ წელზე

მეტი გავიდა, მაგრამ გუშინდელივით მახსოვს ზამთრის ის სუსხიანი დღე, ჩაბნელებული ქალაქი, ზღვის ზედაპირზე მოქანავე სამხედრო სატრანსპორტო ხომალდების სილუეტები, ტალღების ხმაური... ყველაზე მეტად დამამახსოვრდა ადამიანთა იმდროინდელი განწყობილება. ყველამ ვიცოდით, თუ რა ხიფათი გველოდა წინ, რომ იტყვიან, ბევრის ხილზე გვიხდებოდა გავლა, შავ ზღვაზე უკვე თავისუფლად პარპაშებდნენ ფაშისტები, ყოველ წუთს იყო მოსალოდნელი ბომბდამშენების ან წყალქვეშა ნაგების გამოჩენა, მცურავ ნაღმთან შეჯახება... ასეთი ვითარება ვაჟაკსაც კი გააფუჭებდა, მაგრამ, დამერწმუნეთ, იმ დროს ჩვენ, ქალიშვილებიც კი, შიშს არ ვგრძნობდით, ალბათ იმიტომ, რომ ჩვენში უფრო ძლიერი იყო შურისძიების თუ მრისხანების გრძნობა, თითოეულს ერთი მიზანი გვექონდა, რაც შეიძლება ჩქარა ჩავბმულიყავით ბრძოლაში, სამაგიერო მიგვეზლო მუხანათურად შემოსეული მტრისათვის.

სამედიცინო-სანიტარული ბატალიონი თბომაველ „აფხაზეთზე“ განლაგდა. თავდაპირველად არ ვიცოდით, საითკენ მივდიოდით, რომელი ნავსადგურისაკენ გვედო გეზი. მხოლოდ სამი დღის შემდეგ რადიოთი გამოაცხადეს, ამაღამ სევასტოპოლში შევალთ და მზად იყავით ნაპირზე გადასასვლელად. რამდენიმე საათიღა რჩებოდა დანიშნულების ადგილამდე, რომ უცებ საშინელი ძალის დაჯახებამ შეატორტმანა ამოდენა გემი. თითქოს ტალღამ აიტაცა და ისევ ქვემოთ დაანარცხაო. სინათლე ჩაქრა. ადამიანები ჩამოცვივდნენ ზემო საწოლებიდან. უმალ კაიუტის კარებს მივაშურეთ, მაგრამ უკან დავიხიეთ, რადგან დერეფანში წყლის ჩხრიალი ისმოდა. მე და ლიდა ერთმანეთს ჩავეხუტეთ, თუ სიკვდილი გვიწერია, ერთად დავიღუპოთო. მაგრამ შიშზე მეტად გვახრჩობდა სიბრაზე, რომ ასე უმიზეზოდ და უსახელოდ მთავრდებოდა ჩვენი ცხოვრება, რომ ერთი გასროლაც, ერთი დაჭრილის გადაჩენაც ვერ მოვასწარიო... ირგვლივ უკუნი წყვილიადი იდგა. ილუმინატორიდან ჯერ კვლავ ვხედავდით მორტორტმანე ზღვის ზედაპირს და ყოველ წუთს ველოდით ჩაძირვას. ისმოდა განწირულ ადამიანთა ხმები. ვიღაც იძლეოდა განკარგულებას, რომ ზღვაში ჩაეშვათ მაშველი ნაგები, მაგრამ ამ ბრძანებას ალბათ, არავინ ასრულებდა. მაშინ ვიგრძენი, თუ რას ნიშნავს მძიმე წუთებში პანიკა. არც იყო გასაკვირი, უმეტესობა ხომ პირველად შევხვდით პირისპირ სიკვდილს, ჩვენ კი მხოლოდ ოცი წლისანი ვიყავით. მაგრამ ამ დროს რადიოთი გაისმა გემის კაპიტნის ხმა, ნაღმს წავაწყდით, გემი მცირედ დაზიანდა, ნახევარ საათში ყველაფერი რიგზე იქნება, პანიკას ნუ აყვებითო. ეს ისე მშვიდად და დარწმუნებით იყო ნათქვამი, რომ მაშინვე წესრიგი დამყარდა და ყველამ საქმეს მოჰკიდა ხელი. მივხვდით, ჩვენი ბედი ჩვენსავე ხელში იყო. ჩაუშვეს მაშველი ნაგები. ამ ყინულისვით წყალში გადაეშენნენ მატროსები და შეუდგნენ ნაღმისაგან შეგლეჯილი ქიმის შედუღებას. ჩვენ კი ამ დროს საქაჩავებით, კასრებით, რითაც

შეგვეძლო, წყლისაგან ვათავისუფლებდით სამანქანე განყოფილებას, დერეფნებს, კაიუტებს. ასე გაგრძელდა რამდენიმე საათს. როგორც ვიქნებ, შეწყდა წყლის თქრიალი, გემმა განაგრძო სვლა და მხოლოდ დროებით მიაღწია ჯალწიეთ სევასტოპოლს. მაგრამ ჩვენი გამოჩენა შეუმჩნეველი არ დაგვრჩა ფაშისტებს. ნაპირზე გადასვლა დამთავრებული არ გვქონდა, რომ საიდანაც თვითმფრინავები გამოტყვრნენ და ბომბები დაგვიშინეს. კაპიტანმა გემი მოაშორა ნაპირს და ისე მოხერხებულად აკეთებდა მანევრირებას, რომ ბომბები შორიანლო ეცემოდა. რაიმე განსაკუთრებული ზიანი არ მოუყენებიათ, რამდენიმე კაცი დაიჭრა მხოლოდ მსუბუქად. 11 დეკემბერს დივიზია მთლიანად გადავიდა ნაპირზე.

მოგესხნებათ, ეს იყო სევასტოპოლის დაცვის ყველაზე მძიმე და რთული დღეები. წითელი არმიის ნაწილები, მეზღვაურები, მოსახლეობა დიდი მსხვერპლის ფასად იცავდნენ თითოეულ გოჯა მიწას. მტრის პირველი შემოტევა ნოემბერში მოგერიებული იყო. ფაშისტები ემზადებოდნენ მეორე შტურმისათვის. ფელდმარშალ მანშტეინს გადაეწყვიტა, 1941 წლის 22 დეკემბრისათვის, ომის დაწყების ექვსი თვის თავზე, აეღო ეს ურჩი საზღვაო ქალაქი, რისთვისაც ჰიტლერი მას საჩუქრად სევასტოპოლის კამენდანტობას ჰპირდებოდა. ამიტომ ჩვენმა დივიზიამ, რომ იტყვიან, მიხედვ-მოხედვა ვერ მოასწრო, პირველი დღიდანვე ჩაება ბრძოლაში. თითოეულ პოლკს თავისი სამედიცინო ნაწილი ახლდა. წესის მიხედვით იგი რამდენიმე კილომეტრით უნდა ყოფილიყო დაშორებული ცეცხლის ხაზს, მაგრამ მაშინ სევასტოპოლში ამ წესის დაცვა ძალიან ძნელი იყო, მეტად უჩვეულო და ძნელ პირობებში გვიხდებოდა ბრძოლა და მუშაობა. ჩვენმა ბატალიონმა თან ჩამოიტანა საოპერაციო ბლოკი, საველე ჰოსპიტლისათვის საჭირო ყველა მოწყობილობა, მაგრამ მათი გახსნისა და განლაგების საშუალებაც არ გვქონდა, ამიტომ შევუერთდით ოდესიდან ევაკუირებულ ჰოსპიტალს, რომელიც ზღვისპირას, ინკერმანის ცნობილ მღვიმეებში იყო მოთავსებული. ლიდა და მე სხვადასხვა ბლოკში მოვხვდით, ექთანებისა და სანიტრების ოცეული ჩაგვაბარეს. ცეცხლის ხაზიდან განუწყვეტლივ მოჰყავდათ დაჭრილები. საოპერაციოებთან რიგი იდგა ჭრილობის სიმძიმისა და სირთულის მიხედვით. ყურთასმენა აღარ იყო ყუმბარებისა და ბომბების გრუხუნისაგან. ოპერაციის დროს ზოგჯერ ქირურგის ხმა არ გვესმოდა, თვალებითა და ხელებით ვაგებინებდით ერთმანეთს სათქმელს. მღვიმეებში ვიყავით, მაგრამ ჩვენს ზემოთ დედამიწა ზანზარებდა და ხშირად დაჭრილებზე გადაფარება გვიხდებოდა. ზღაპარში მსმენია, ისეთი ომი იყო, სისხლი ღვარად მოდიოდაო. ეს ჩვენ ცხადში ვნახეთ, მართლაც, უამრავი დაჭრილიდან წვეთ-წვეთად ნადენი სისხლი სახელდახელოდ გაკეთებული ღარით გადიოდა გარეთ და ზღვას უერთდებოდა. დღელამე გასწორებული გვქონდა, 15-16 საათს ვმუშაობდით, კედელზე მიყრდნობილი თუ წავთვლემდით მცირე შესვენ-

ნებისას. ჰაერი არ გვეოფნიდა. ფეხები გვისივდებოდა დგომისაგან, ვეხ-
საცმელს ვერ ვიძრობდით, ვინაიდან შემდეგ ჩაცმა შეუძლებელი იქნე-
ბოდა. ჩვენი შრომის ძვირფასი ჯილდო იყო სიკვდილს გამეფებული
დაქრილის გამოხედვა, მისუსტებული, ხმის ამოდებას რომ ვერცხსებ-
და, თვალებით გვეუბნებოდა მადლობას.

მანშტეინმა ვერ შეუსრულა დანაპირები ჰიტლერს. სევასტოპოლის
გვირმა დამცველებმა მტერს ერთხელ კიდევ აბრუნებინეს ზურგი, თუმცა
ეს დიდი მსხვერპლის ფასად დაჯდა. სამედიცინო პერსონალის ერთი ნა-
წილიც შეიწირა ამ შემოტევამ. მიწისქვეშა ჰოსპიტლისა და საცხოვრე-
ბელ მიწურებს შორის გზის მცირე მონაკვეთსაც კი ტყვია აწვიმდა. მცი-
რე შესვენებით ვისარგებლეთ და ჩვენმა სამედიცინო-სანიტარულმა ბა-
ტალიონმა ინკერმანის გამოქვაბულიდან ერთ-ერთი სკოლის შენობაში
გადაინაცვლა. მის სარდაფში მოვაწყვეთ ჰოსპიტალი. ფაშისტებმა ახალი
იერიში წამოიწყეს და იქედანაც მოგვიხდა უკან დახევა; ტყეში განვლაგ-
დით სახელდახელოდ მოწყობილ მიწურებში. მტრის თვითმფრინავე-
ბიდან გადმოყრილი მანათობელი ბომბების შუქზე ვაკეთებდით ოპერა-
ციებს. იმ თვითმფრინავებიდან ზოგჯერ ფურცლებსაც ჰყრიდნენ, თქვენი
წუთები დათვლილია, ვინც დაგვნებდებოდა, სიცოცხლეს შეგუნარჩუნებთ,
ვინც არა — სახრჩობელა არ აცდებოთ. ასეთი ულტიმატუმი კიდევ უფ-
რო აორკეცებდა ბრძოლის ჟინს, მტრისადმი სიძულვილს. თუმცა უკვე
ყველა გრძობდა, რომ სევასტოპოლი უნდა დაგვეტოვებინა; თავს ზევით
ძალა არ იყო. დაიწყო ევაკუაცია. პირველ რიგში დაჭრილებს ვაგზავნი-
დით. ნავმისადგომები განუწყვეტლევ იბომბებოდა. ზოგჯერ ჩვენი „მი-
გები“ ჩამოუქროლებდნენ, ზღვის ფსკერისაკენ აგზავნიდნენ ფაშისტთა
„იუნკერსებსა“ და „მესერშმიდტებს“; მაგრამ ძალები უთანასწორო იყო.

ზოგჯერ ჩვენს ჰოსპიტალში განკურნებული მებრძოლი ევაკუაციის
დროს ნავსადგურში, ან გემზე იჭრებოდა და კვლავ გვიბრუნდებოდა.
ერთხელ მხარში დაჭრილი პოლიტბელი ისმაილ გორგილაძე მოიყვანეს.
მეც და ლიდაც კარგად ვიცნობდით მას, ჯერ კიდევ ხულოდან, სადაც იგი
რაიკომში მუშაობდა. მოვუარეთ, დახმარება აღმოვუჩინეთ და ნავსად-
გურში ვაგზავნეთ, მაგრამ იმ დღეს, თუ არ ვცდები, პირველმაისობა იყო
და ფაშისტები განსაკუთრებით აქტიურობდნენ, ისეთი ჯოჯოხეთი დატ-
რიალდა სანაპიროზე, რომ ისმაილის გადარჩენას ძალზე ვეჭვობდით. მხო-
ლოდ ომის დამთავრების შემდეგ შევიტყვეთ, რომ მაინც გაუღწევია
სამშვიდობოზე. ახლა ისმაილ გორგილაძე კვირიკეს საბჭოთა მეურნეო-
ბის დირექტორია.

სარდლობასთან, საერთოდ, გარესამყაროსთან ყოველგვარი კავშირი
შეწყდა. ფაქტიურად ჩვენ ალყაში ვიმყოფებოდით, მაგრამ ტყვედ ჩავა-
რდნაზე არავინ ფიქრობდა, ამის შესახებ კრინტიც არ დაძრულა. ჩვენ ვი-
ცოდით, რა გვევალებოდა, — უპირველეს ყოვლისა, დაჭრილები უნდა

გაგვეყვანა სამშვიდობოზე. შორს მსროლელმა ბატარეებმა შესწყვიტეს ცეცხლი. მხოლოდ ხელყუმბარების ბათქი და ავტომატების კაკანი გვემოძრაობდა. ეს იმას ნიშნავდა, რომ ფაშისტებს ასეული მეტრებილა გვემოძრაობდა. მაინც ველოდით სასწაულს, შველას. ყოველგვარი იმედი რაიმე გასწავლა იწურა, ჩვენი ბატალიონის კომისარმა სერგო სანაკოევმა, პოლიტბელმა არჩილ ბარბაქაძემ გაგვიმარტეს შექმნილი მდგომარეობა, გაგვამხნევეს, გაგვაფრთხილეს, როგორ მოექცეულიყავით ტყვედ ჩავარდნის შემთხვევაში, შემდეგ პარტიული და კომკავშირული ბილეთები გამოგვართვეს და იქვე დაწვეს. ზოგიერთებმა კი დავმალეთ. რადგან მაინც არ ვკარგავდით გადარჩენის იმედს. მაგრამ ჩვენს ზემოთ უკვე ისმოდა ფაშისტთა ყაყანი, ფეხების ტყაპუნი, ზოგჯერ ავტომატებსაც გვიშენდნენ. იარაღი დაპყარეთ და გარეთ გამოდით; ან თეთრი ბაირალი გამოფინეთო, ჩამოგვძახოდნენ.

მაგრამ ჩვენ არ შეგვეძლო ხელებაღმართული ჩავბარებოდით მტერს. არც გასამკლავებელი იარაღი გაგვაჩნდა. უცებ სიჩუმე ჩამოწვა, შემდეგ გარედან სულ ახლოს გაისმა: — „ჰენდე ჰონ!“ შემოსასვლელში ავტომატმომარჯვებული ფაშისტები იდგნენ. ათი სიცოცხლე რომ მქონდეს, ალბათ, არასოდეს დამავიწყდებოდა ეს სურათი“...

* * *

...ქალაქის პირველ საავადმყოფოში ვარ. მეთორმეტე კაბინეტის კარებზე წარწერაა — „ექიმი ორდინატორი“. დერეფანში რამდენიმე ავადმყოფი იცდის. მათ, ალბათ, ისე, როგორც ბევრმა სხვამ, არც კი იციან, თუ როგორი ხვედრი არგუნა ომმა ამ პატარა ქალს, რომელთანაც ისინი დღეს მოსულან რჩევისათვის, იმედიანი სიტყვისათვის. მიღება დამთავრდა. თავდაპირველად ლიდა ტაბალუამ, ალბათ. მეც პაციენტად ჩამთვალა, მაგრამ ვიზიტის მიზეზი რომ ავუხსენი, ცოტათი შეცბა, ან არ მოელოდა, ან კიდევ შეიძლება არც სურდა წარსულის გახსენება. ბოლოს ყინული გალღვა და საუბარიც გაიბა. ჩემთან ერთად მას უსმენდნენ ახალგაზრდა ექთანები, სწორედ იმ ასაკისანი, ლიდა ტაბალუას და ლუბა წეროძეს რომ მოუხდათ სამშობლოს დამცველთა რიგებში ჩადგომა. ოცდაათ წელზე მეტი გავიდა მას შემდეგ, მაგრამ, ალბათ, მესხიერებაში მეტად ღრმად და მტკივნეულად იყო აღბეჭდილი წარსული. როგორც სჩანს, განსაკუთრებით ძნელი იყო მისთვის ფაშისტური ტყვეობის გახსენება. თითქოს გამოსავალი გამონახაო, მითხრა, სახელმწიფო მუზეუმშია ჩემი მოგონებანი, იქ ყველაფერი დაწვრილებითაა აღწერილი, თუ რა გადაგვხვდა ფაშისტურ ტყვეობაში მე და ლუბასო.

აჭარის სახელმწიფო მუზეუმში არის საბჭოთა ხალხის დიდი სამამულო ომის განყოფილება, რომლის ექსპონატებიც ძირითადად ასახვენ აჭარის წარგზავნილთა საბრძოლო საქმეებს. სხვებთან ერთად მუზეუმი

დაინტერესებულა სამამულო ომის მონაწილე ქალებით. ჯერჯერობით ისინი ოცამდნა. ლიდა ტაბაღუას და ლუბა წეროძის ფრონტული ფოტოები გვექონდა, ამიტომ მათი მოძებნა არ გაგვიძნელებია და აი, ექვთიმე ლიდამ ეს რვეულები გადმოგვცაო, გვეუბნება მუზეუმის მესვეურის ნამშრომელი საშა ლეკვიშვილი, რომელსაც საკუთარი ხელით გადაუწერია ეს მოგონებანი. დედანი მის პატრონს უნდა დაუბრუნოს, ვინაიდან პირველი რვეულის თავფურცელზე ასეთი წარწერაა — „სახსოვრად ჩემს შვილს — ზურიკოს დედისაგან“. ამ რვეულში, სადაც ყველა სტრიქონი გამსჭვალულია სამშობლოსადმი ერთგულებით, მტრისადმი სიძულვილით, ბრძოლის წყურვილით, ორი ბათუმელი ქალიშვილის მთელი ფრონტული ცხოვრებაა მოთხრობილი.

რამდენიმე ეპიზოდი ლიდა ტაბაღუას მოგონებებიდან:

...ბინტითა და ბამბით სავსე პატარა ჩანთას წამოვაველე ხელი და სხვებთან ერთად გარეთ გამოვედი. ხელები არ აგვიწვევია. ვითომ ვერ მივხვდი. რას ნიშნავდა „ჰენდე ჰობ“. გერმანელი ოფიცერი მომიახლოვდა, შემათვალეირა, გაბრაზებულმა რაღაც ჩაილაპარაკა, სიტყვა „კომუნისტი“ ახსენა, ოფიცრის ვარსკვლავიანი ქამარი შემომხსნა, „პილოტკიდანაც“ მოაძრო ხუთქიმიანი ვარსკვლავი. ჩვენიანებიდან ვილაცამ უბრალო ჯარისკაცული ქამარი გამომიგზავნა, მაგრამ ის ოფიცერი ისევ მომვარდა, ქამარი გამომგლიჯა, მიბიძგა და დაიყვირა, ხედავთ, რა ჯიუტია, სტალინის გაზრდილი აბა რა იქნებაო! ეს იყო პირველი აბუჩად აგდება. თავმოყვარეობაშელახულმა ვიფიქრე, ვეცემი, ამას მიინც ამოვკორტინ თვალებს, ყელს ვამოვგლეჯ-მეთქი, მაგრამ გამახსენდა ჩვენი კომისრის სანაკოვეის სიტყვები, ქალიშვილებო, ტყუილა უბრალოდ თავი არ შეაკლათ მტერს, თქვენ კვლავ დასჭირდებით სამშობლოსო. ალბათ სწორედ მაშინ ვაიფიქრე, სადაც არ უნდა ვიყო, რა მდგომარეობაშიც არ უნდა აღმოვჩნდე. ფაშისტების სასარგებლოს არაფერს გავაკეთებ-მეთქი. ეს იყო უხმო ფიცი, რომელიც დავდეთ მე და ლიდამ და რისთვისაც, მგონი, არ გვიღალატნია. ქალაქისაკენ წაგვიყვანეს. ჩვენს შორის მსუბუქად დაჭრილები იყვნენ. მძიმედ დაჭრილები ადგილზევე გაანადგურეს. უჭირდათ სიარული. მეზღვაური ანატოლი სმირნოვი ბარძაყში იყო დაჭრილი, ძლივს მიაბიჯებდა ყავარჯნებით. დაიღალა და ჩამოჯდა. ავტომატმომარჯვებული გერმანელი დაადგა თავზე წამოდექიო. სმირნოვმა წამოდგომა სცადა. მაგრამ ვერ შესძლო. მაშინ ფაშისტმა ავტომატის ჯერით დაცხრილა. ახლაც ყურში მიწივის ანატოლი სმირნოვის უკანასკნელი სიტყვები, „ტოვარიშიჩი, პომავიტეო“.

სევასტოპოლის ციხეში მიგვიყვანეს. ჩემთან ერთად იყვნენ ლუბა წეროძე. ქუთაისელი ჯულიეტა მამარდაშვილი, გრიშა ჯანხოთელი, ოთარ გვასალია, საშა სოლოდოვნიკოვი, გრიშა სვანიძე (ახლა აჭარის ჯანმრთელობის დაცვის სამინისტროში მუშაობს. ა. ჩ.) და სხვები. თქვენს დაჭრილებს



თვითონ მოუარეთო, გვითხრეს, მაგრამ არც მედიკამენტები არც შესახვევი მასალა. მშივრები ეყარნენ ცემენტის იატაკზე. ყოველდღე იხოცებოდნენ, ჩვენ კი ვერაფერს ვშველოდით, იმედოვნობდით. ტყვიტ ვამხნევებდით მხოლოდ. ჩვენი კომისარი სანაკოევი და პოლიტ-ხელი ბარბაქაძე შემდეგ აღარ გვინახავს, პოლიტხელის მოადგილემ, სან-ინსტრუქტორმა ბონდო გერსამიამ გვითხრა, ორივე დახვრიტესო. ალ-ბათ ვინმემ გასცა. რამდენიმე დღის შემდეგ გერსამიაც წაიყვანეს და მერე აღარ დაბრუნებულა. ერთ დღეს უამრავი ებრაელი მორეკეს. სევა-სტოპოლის კომენდანტს თურმე ბრძანება გაუცია, სხვა ქალაქში უნდა გა-დაგიყვანოთ და მხოლოდ ერთი ჩემოდანი იქონიეთ თანო. თავისთავად ცხადია, იმ ერთ ჩემოდანში ყველაზე ძვირფას ნივთებს ჩადებდა კაცი. ოთახი გამოყვეს ციხეში, ჩემოდნები იქ დაწყობინეს, შემდეგ კი ის ებ-რაელები, ასე 500 კაცი და ქალი იქნებოდა, წაიყვანეს და ყველანი დახ-ვრიტეს.

არასოდეს დამავიწყდება სევასტოპოლის მოქალაქეების პატრიო-ტული, ადამიანური დამოკიდებულება ჩვენდამი. ისინი ატყუებდნენ ფა-შისტებს, იმ მოტივით, ვითომ ციხეში მისი ახლობელი, ნათესავი იყო. ჩვენთვის მოჰქონდათ სურსათი, მედიკამენტები. მაგრამ ამან თანდათან ისეთი მასობრივი ხასიათი მიიღო, რომ ციხის კომენდანტმა აკრძალა ყო-ველგვარი კავშირი გარესამყაროსთან.

ამდენი ნერვიულობა, არზადამიანურ პირობებში ყოფნა იმით დამთა-ვრდა, რომ მუცლის ტიფით გავხდი ავად. ეს რომ ფაშისტებს გაეგოთ, სიკვდილი არ ამცდებოდა, მაგრამ ჩემმა მეგობრებმა დაარწმუნეს მეცი-ხოვნენი, რომ ვითომ გრიბი დამემართა და მოახერხეს ჩემი ცალკე ოთა-ხში გადაყვანა. შემდეგ ფილტვების ორმხრივი ანთება მოიგონეს და ყვე-ლაფერი გააკეთეს ჩემს გადასარჩენად.

...ორი თვე დაყავით სევასტოპოლის ციხეში. ერთ დღეს საკანში, სადაც ლუბა, ჯულიეტა და მე ვიყავით, ციხის კომენდანტი შემოვიდა. თქვენთან სტუმრები არიანო. გაგვიკვირდა, ასეთ პირობებში სტუმრიანო-ბას არ ველოდით. თავზარი დაგვეცა, როცა ოთახში გერმანელი ოფიც-რის ფორმაში გამოწყობილი სამი ახოვანი ვაჟკაცი შემოვიდა. ერთმანეთს მივეკარით და კუთხეში მივეყუყუეთ. ნუ გეშინიათ, გოგოებო, ჩვენც ქარ-თველები ვართო, გვითხრეს. ცოტათი დავმშვიდდით, მაგრამ სასიკეთოს არაფერს მოველოდით იმათგან. სახელი და გვარი არ უთქვამთ, ემიგრან-ტები ვართ, შვეიცრეთ, ციხეში ქართველი ქალიშვილები არიან და თქვენს დასახმარებლად მოვედითო. ძალიან გვენატრება საქართველო და ზედნიერი ვართ, ქართველ ქალებს რომ ველაპარაკებოთ, გვინდა, დაგეხ-მაროთ, ამ გაჭირვებიდან დაგიხსნათ და საფრანგეთში წაგიყვანოთო. ჩვენ ვუთხარით: საქართველო ის აღარაა თქვენ რომ დატოვეთ, თუ კი მართლა გიყვართ სამშობლო, ჩვენს მტრებს, გერმანელებს რატომ ემსა-

ხურებით; რა უნდა ვაკეთოთ ჩვენ საფრანგეთში, სადაც არავის ვიცნობთ; მართალია, ახლა ტყვეები ვართ, უფლებააყრილი ადამიანები, ისიც არ ვიცით, რა მოგველის, მაგრამ უცხოეთში დაღმინებულ ცხოვლებს, მშობლიურ მიწაზე სიკვდილი გვირჩევია. ჩვენმა ყოფილმა მანამაღმამთ-ლებმა ბევრი გვარწმუნეს, გვირჩიეს, რა არ დაგვიბრდნენ, მაგრამ ვერაფრით ვერ დაგვითანხმეს და ძალზე განაწყენებული წავიდნენ.

სექტემბერში ტყვეები ქალაქში გაიყვანეს ნაღმების გასაუვნებლედ. ექიმებიც თან ახლდნენ, რადგან ყოველ წუთს იყო მოსალოდნელი უბედური შემთხვევა. ჩვენი ამხანაგი საშა სოლოდოვნიკოვი მანამდე ხელზე მოსამსახურედ აიყვანეს გერმანელებმა. მისი საშუალებით ვიგებდით, თუ რა ხდებოდა გარეთ, ზოგჯერ სურსათი და მედიკამენტებიც მოჰქონდა მალულად. ერთ დღეს, ჩვენი თვითმფრინავების მორიგი იერიშის დროს, როცა განგაში გამოცხადდა და სირენა აზუზუნდა, საშას დახმარებით დავაღწიეთ თავი ციხეს და ტყეს მივაშურეთ. ყოველ ნაბიჯზე შეიძლება წავწყდომოდით ფაშისტებს, ან ნაღმს. მაგრამ უფრო ადრე შევეფეთეთ მოხუც ქალს, რომელსაც მარია ჰქვია. იმის საშუალებით სამი-ეწინი შეგვიფარა სევასტოპოლელმა ივანე პრიშჩევმა. ჩვენი მასპინძელი იყო იმდროინდელი რუსი პატრიოტის ნამდვილი განსახიერება. თითქმის სამი თვის განმავლობაში გვინახავდა იგი, გვმალავდა ქალაქის ცენტრში, გვიყოფდა ლუკმაპურს, საკუთარს თავს ხიფათში აგდებდა. ვინაიდან გაქცეული ტყვის, ან პარტიზანის შეფარებისათვის სასჯელი ერთადერთი იყო — დახვრეტა. მაგრამ ბოლოს მაინც მოგვაგნეს ფაშისტებმა; ვფიქრობ, იმ მარიამ გაგვცა. ნავაზებით დაგვაღვინენ ავტომატიანი გერმანელები. თავი მოვიკატუნეთ, დავიბენით, ბანაკს ვერ მივაგენით-თქო. არ ვიცი, დაგვიჯერეს თუ არა, სხვებთან ერთად გემზე მიბმული კარჭაპით ოდესაში გაგვაგზავნეს, საიდანაც პოლონეთში, სედლეცის სამხედრო ტყვეთა ბანაკში ამოვყავით თავი. აქ კიდევ უფრო საშინელი მდგომარეობა დაგვხვდა. შიმშილისაგან დაოსებულნი პატიმრები ბუზებივით წყდებოდნენ. აქაც შევეცადეთ თავის დაღწევას, მაგრამ გაგვიძნელდა მავთულხლართების გარღვევა, თითებიც და კოვზებით მიწის ამოთხრა. შემდეგ ვლასოველები გვეწვივნენ და ქალებს ფაბრიკა-ქარხნებში მუშაობა შემოგვთავაზეს. საკუთარი ხელებით უნდა დაგვემზადებინა ჩვენიანების გასანადგურებლად გამიზნული საჭურველი, ამასთან ხელი უნდა მოგვეწერა ფიცზე, რომელიც საბოტაჟის, ან შეგნებულად რაიმეს გაფუჭებისათვის დახვრეტას გვიბრდებოდა. მაგრამ ჩვენ საკუთარი ფიცი გვქონდა დადებული, ამიტომ ლუბამ, ჯულიეტამ და მე, აგრეთვე კიდევ რამდენიმე ქალმა უარი განვაცხადეთ მუშაობაზე, რისთვისაც კარცერებში მოგვათავსეს. შემდეგ ვარშავის პოლიტიკურ ციხეში გადაგვიყვანეს, მაგრამ არც იქ გავაჩერეს, ვაგონებში ჩავსხეს და ესესელთა თანხლებით გზას გაგვიყენეს. მხეცურად გვექცეოდნენ, ხმის ამოღებისათვის ადამიანის მო-

კვლა მათთვის ჩვეულებრივი ამბავი იყო. გაქცევაზე ფიქრი უკვე აღარ შეიძლებოდა; რომც მოგვეხერხებინა, გერმანიის ტერიტორიაზე ვეღარ შეგვიძლია და ჩვენი პატრონი ვილა იქნებოდა.



...14 დღის მგზავრობის შემდეგ რავენსბურკის საკონცენტრაციო ბანაკში აღმოვჩნდით. სისხლის ანალიზი აგვიღეს, თავი გადავკპარსეს, პატიმრის ზოლიანი კაბა და ხის ქოშები ჩავაცვეს, შემდეგ დავგნომრეს. აქ ვნახეთ პირველად ელექტრონის სკამი, მხრჩოლავი გაზებით ადამიანის გასაგუდავი სპეციალური ავტომანქანა და სახრჩობელა... ყოველ დღით ბანაკიდან გადიოდა ადამიანთა გვამებით სავსე მანქანები...

თუ კი რამე გვმატებდა ძალას და გვინარჩუნებდა სიცოცხლეს, ეს იყო სხვადასხვა გზით ბანაკში შემოღწეული ხმები, რომ ჩვენები წინ მოიწევენ, საბჭოთა არმიის ნაწილებს გადმოულახავს გერმანიის საზღვარი, გაიხსნა მეორე ფრონტი, რომ გერმანელთა აღსასრული დგება და განთავისუფლება გვიახლოვდება. მით უფრო აღარ გვინდოდა სიკვდილი, ველოდით გამარჯვებას. ფაშისტები კიდევ უფრო გაავდნენ. ალბათ ჩვენს სახეზე, ჩვენს თვალეში ამჩნევდნენ სიხარულს, შურისძიების ცეცხლს. აპრილის ერთ-ერთ ბოლო დღეს, როცა უკვე გარკვევით მოგვესმა ჩვენი ჯარების ძლევამოსილი გუგუნი, ესესელებმა ავტომატებისა და ტყვიამფრქვევების ცეცხლით გვაიძულეს დაგვეტოვებინა ბანაკი. გზაში ჩვენი თვითმფრინავები წამოგვეწივნენ, მაგრამ ისინი ხედავდნენ ათასობით სამხედრო ტყვის კოლონებს და ამიტომ დაბომბვას ვერ ახერხებდნენ. თანდათან ქვემოთ დაეშვნენ და ზუსტი სროლით გაფანტეს ფაშისტები. კოლონები დაიშალა; ტყვეები დაიფანტნენ; ვისაც როგორ შეეძლო, თავს უშველა. ლუბამ, ჯულიეტამ და მე ტყეს შევაფარეთ თავი..."

* * *

აი, მხოლოდ რამდენიმე ეპიზოდი ლიდა ტაბალუას მოგონებებიდან. ლეონიდ კისელიოვი იყო ის პირველი საბჭოთა ჯარისკაცი, რომელიც განმათავისუფლებლად მოევლინა სასომიხდილ, განაწამებ ტყვეებს. სწორედ იმ დროს იდინა პირველად თვალთაგან დაგუბებულმა ცრემლმა. ისინი ხომ სულ ოცდახუთიოდე წლისანი იყვნენ, თანაც ქალები, ქალები კი ზოგჯერ ტირიან. მაგრამ ეს ბედნიერებისა და სიხარულის ცრემლები იყო...

გერმანული ქალაქის — მალხოვის კომენდანტად ქართველი ოფიცერი გიორგი ჭიაურელი დაინიშნა. მან უპატრონა ლუბას, ლიდას და ჯულიეტას, მცირე შესვენებისა და ძალღონის მოკრების შემდეგ ქალიშვილებმა ისევ ჩაიცვეს თეთრი ხალათები და სამხედრო ჰოსპიტალში შეუდგნენ შეწყვეტილი მოვალეობის შესრულებას.

ამ დღეებში ერთხელ კიდევ მომიხდა ნიურნბერგის პროცესის სქელი ტომების გადათვალეობა. ისევ გაცოცხლდა მესხიერებაში არნახუ-

ლი, თითქმის დაუჯერებელი საშინელებანი და მათ შორის ისეთი, რო-
საც ადამიანის გონება ვერაფრით ვერ ეგუება, — ფაშის ტყვეობის
ცდები ცოცხალ ადამიანებზე, როგორ ასწავლებდნენ ისინი სულგონს-
რად ჩვილ ბავშვებს, უნარკოზოდ აკეთებდნენ ამპუტაციას და მუცლის
ღრუს ოპერაციას, მიკრობებიც გამოიყვანეს და, რომ დაცლოდათ, მილი-
ონობით ადამიანს გაავლებდნენ მუსრს. ამ უკაცრავად პასუხია, „მედი-
კოსებს“ კი „ჰიპოკრატეს ფიცი“ ჰქონდათ მიცემული. თუ რა მოჰყვა ამ
ფიცს და კვლავ მრავალი სხვა კანონის, კონვენციისა და ადამიანური უფ-
ლების ფეხქვეშ გათელვას, საყოველთაოდაა ცნობილი. ამის დავიწყება
არასოდეს არ შეიძლება. მომავალ თაობას სჭირდება ეს.

სევასტოპოლის იმ სკოლიდან, სადაც ერთ დროს 388-ე დივიზიის
საველე ჰოსპიტალი იყო მოთავსებული და ტყვიის ქარცეცხლში თავის
მაღალ მოვალეობას ასრულებდნენ „ჰიპოკრატეს ფიცის“ ბოლომდე ერ-
თგული საბჭოთა მედიკოსები, ბათუმელი ექიმები ლუბა წეროძე და ლი-
და ტაბაღუა ხშირად ღებულობენ მოლოცვისა და მოკითხვის ბარათებს.
იწერებიან სევასტოპოლის დაცვის 250-დღიანი ეპოპეის მონაწილეთა
შვილები და შვილიშვილები, რომლებსაც შეიძლება არასოდეს უნახავთ
ამ სკოლის ომისდროინდელი ბინადარნი, მაგრამ ყველაფერი იციან მათ
შესახებ და ოცნებობენ იყვნენ ისეთები, როგორიც იყვნენ ლუბა წერო-
ძე და ლიდა ტაბაღუა, სხვა მათი თანამებრძოლები.

აკაკი შონია

გ ა მ ო ს ა რ ხ ლ ე ბ ა

ერთი შეხედვით უბრალო, ცხოვრებისეული ფაქტი ზოგჯერ ზღვრული სიციხადით ავლენს ადამიანის შინაგან ბუნებას, ხასიათს, საგნებთან და მოვლენებთან მის დამოკიდებულებას.

ეს პატარა ამბავი, რომლითაც ამ წერილს ვიწყებთ, ჩვენი საუკუნის ოცდაათიანი წლების დამდეგს ეკუთვნის... შინდელი ურამემარცხენების ჯგუფის ერთ-ერთი წარმომადგენელი, ახალგაზრდა პოეტი, რომელიც, ვითომ კლასობრივი პოზიციიდან, ბევრ ჩვენს კლასიკოსს ახალი საზოგადოებისათვის მიუღებლად და გადასაგდებადაც კი თვლიდა, ბათუმში გამართულ ლიტერატურულ საღამოზე უდიერად, აუგად ახსენებს ილია ჭავჭავაძეს. დარბაზი ღელავს. პრეზიდენტში ფიცხლად დგება კაცი „იშვიათი პროფილით“ და ენერგიულ პროტესტს აცხადებს, შემდეგ კი განმარტობას არჩევს. ეს იყო გამოჩენილი ქართველი ბელეტრისტი ნიკო ლორთქიფანიძე, რომელიც მუდამ მშვიდად, მოთმინებით ისმენდა საკუთარი ნაღვაწ-ნამოქმედარის კრიტიკას და არასდროს გულში არ გაივლებდა ვინმესთვის სამაგიეროს მიგებას. „დანგრეული ბუდეების“ მხატვარიცა და ჭირისუფალიც უწოდეს უმატებულოდ, მაგრამ არც ამაზე აუტეხია

განგაში. ჩვეულ სიმშვიდეს მხოლოდ მაშინ კარგავდა, როცა ვინმეს, მით უმეტეს ერის მოამაგეს, შეურაცხყოფდნენ. ასე იყო აქაც, ლიტერატურულ საღამოზე — ვერ აიტანა ერის მამად აღიარებული შემოქმედის დამცირება, შემოქმედისა, რომლის მძლავრი ფრთების ქვეშ იბარტყა თვითონაც და გულში ღრმად ჩაინერგა ადამიანისა და სამშობლოს სიყვარული.

ილია მისი ქაბუკური შემოქმედების თემაც იყო.

ნოველაში „გული გულს იცნობს“ ილია გამოყვანილია მონადირედ, რომელსაც ირემი თითქმის ზედ თავზე წაადგა, მაგრამ მისი მშვენებით დატყვევებულმა, ვერ გაიმეტა, ის კი არა, მზად იყო მოხვეოდა, გულში ჩაეკრა, ყვარლის მთებისთვის ამბორი გაეგზავნა.

ხანი გამოხდა.

წიწამურის გზაზე აებედითი თოფი გავარდა.

კივილი მისწვდა ნადირის სმენას.

კაცთა სიმხეცის დაუბრუნებლად გაჰყვა გზატყვეცილს. იქ გაჩერდა, სადაც ცხედარს ეძინა... ცრემლები დააფრქვია, კელაპტარივით ჩამოქნილი რქები ზე აღაპყრო, როგორც ხელთუქმნელი ქანდაკება,

იწვევდა იგი მთელ ბუნებას... საგლო-
ვად.

ილიას ბუნების სილამაზე და ჰარმონია
კაცთა მოდგმის იდეალად მიაჩნდა და
ამიტომაც ათქმევინა მწერალმა — ამ
ღალ ბუნებას ამაყი შვილი ვერ წავარ-
თიო. ნიკო ლორთქიფანიძემ მონადირი-
სა და ირმის უფაქიზეს ინტიმში ხორცი
შეასხა ადამიანისა და ბუნების ერთი-
ნობის, ჰარმონიის ესთეტიკურ იდეას.
ეს იდეა განუყოფელი იყო მშობლური
მიწის სიყვარულთან.

არანაკლები ემოციური ძალისაა ნოველა
„ტლუ ბიჭი“, რომელშიც ილია წარმოგ-
ვიდგება როგორც სამშობლოს ჭირვა-
რამის მტვირთველი. ტლუ ბიჭი საბარგო
მატარებლის ვაგონში მოკალათებულ
მგზავრებს უკითხავს ილიას ნაწარმოებს.
ისინი, მდაბიოთა შვილები, სთხოვენ ხე-
ლმეორედ წაიკითხოს, და იგიც დაუზა-
რებლად ასრულებს ამ თხოვნას.

„მამული! ეხლა ეს დიდებული სიტყვა
თვითულის ჩვენგანის უძრავ ქონებას
ჰნიშნავს და არა მთელის ხალხის სამ-
შობლო ბინას... განეთვითეთუდით და
თვითულის ზურგმა ვეღარ ზიდა ის დი-
დი აზრი მამულისა, რომელიც ყველასა-
თვის ადვილად საზიდაია. თვითულობით
ტეინი ამოშრა, შევიწროვდა, მაგ სიტყ-
ვის დიდი მნიშვნელობა ვეღარ იტვირ-
თა... დაეაქციეთ მამათა ჩვენთა სამარე,
შვილთა ჩვენთა აკვანი, დიდი „მამული“
დაეშალებთ, პატარები გავიკეთეთ.“

ეს იყო სიმართლე.

დიდი სიმართლე.

მკაცრი სიმართლე.

უცილობლად უნდა იყო დიდი ბუნე-
ბისა და დიდი მოწოდების ადამიანი,
რომ ასეთი სიმართლე პირში ახალო
შენს ხალხს.

მწერალმა ილია მისივე სიტყვებით
ალაპარაკა და საკუთარი ვარამიც გამო-
ხატა. ეს ისე არ უნდა გავიგოთ, რომ
ნიკო ლორთქიფანიძე „დიდ ზურგს“
ამოეფარა და მკითხველს პირი აარიდა.
არა, იგი უაღრესად პირმართალი, სპე-
ტაკი, დიდსულოვანი პიროვნება იყო და

ეს ძვირფასი ადამიანური ღირსებები
ველთვის იჩენდა თავს მის ნაღველ-ნაბო-
ქმედარში. რუსეთის პირველი რევოლუ-
ციის დამარცხების შემდეგ, მკაცრად
ციისა და აუტანელი დესპოტიზმის პი-
რობებში დაუბრუნებლად, ყოველგვარი
მხატვრული შენიღბვის გარეშე, სააშკა-
რაოზე გამოქჷნდა სოციალური და
ეროვნული ჩაგვრის ამაღლებელი სუ-
რათები, თავის მგზნებარე გულს ზედ
აწურავდა უბედურ სამშობლოს.

„იყიდება საქართველო. მინდორ-ვე-
ლით, მთა-გორით, ტყით, ვენახით, სათე-
ლით; წარსულის ისტორიით, მომავალი
სვებედით; მშვენიერის ენით; ნაქარგი
ფარჩა-ხავერდით; ვაჟაკურის ხასიათით,
სტუმართმოყვარეობით; დიდებულის სა-
ნახაობით, წმინდა ჰაერით; ნამამაგვი სა-
ხლით და კარით; ჩუქურთმიანი მონასტ-
რებით და ეკლესიებით; მჩქეფარე ნაჯ-
დულებით; ლურჯის ზღვით; მოწმენდილ-
მოკაშკაშებული ცით; ეროთ. ბერით...
იყიდება საქართველო დედით და მამით,
შვილით და ძირით, ძმით, დით, ცოლით
და მათესაგ-მოყვრებით.“

ჰყიდის ყველა: თვადი, მღვდელი, ვა-
ჭარი, ავაზაკი, დიდი და პატარა, ჭკვიანი
და სულელი, ლოთი და პირაკრული.

იყიდება ყველგან: ქუჩაში და სახლში,
თეატრში და სასამართლოში, სასწავლე-
ბელში, სატუსაღოში, ეტლში, მატარე-
ბელში, დილით და ღამით, სიცხეში და
სიცივეში, დარში და ავდარში... იყიდე-
ბა პატარ-პატარა ნაჭრებად, ვისაც რამ-
დენი სურს და როგორც უნდა: ნისიათ,
უფასოდ, ნაღდათ, დროებით და სამუ-
დამოდ; ბანკის საშუალებით და ჩვენის
დახმარებით.

იყალბეთ ბარემ მთლად, გაწეწეთ და
გაგლიჯეთ, რასაც საქართველო ერქვა
და რაც დღეს ოხრად დარჩენილი აძლებს
ყორნებს და გულს უკლავს უძლურ ჭი-
რისუფალს! („სამშობაო მინიატურები“).

რა ერთგულება და რაინდული სული
უნდა ჰქონდეს ადამიანს, რომ ამხელა
სიმართლეს, ამხელა უბედურებას ასე
გაუსწოროს თვალი და მუშტივით შეკუ-
მშულად დაანახოს ყველას, ვისთვისაც

ძვირფასია სამშობლოს ბედი: რაოდენ ძალმოსილი უნდა იყოს შემოქმედის სიტყვა, რომ ასე ვაღმოვადოს მღელვარება და მძაფრად ვანგაგედვეინოს ქვეყნის „უძლური ჭირისუფლის“ დიდი სულიერი ღრამა!

* * *

ნიკო ლორთქიფანიძე ჩვენი საუკუნის დიდი ისტორიული მოვლენების მარტო მოწმე როდი იყო. მას მოწამებრივი ბედიც ერგო. უკმაყოფილებისა და შეურიგებლობის გრძნობით გულანთებულმა ჰაბუტყმა მონაწილეობა მიიღო ხარკოვის უნივერსიტეტის სტუდენტთა რევოლუციურ გამოსვლებში, რისთვისაც უნივერსიტეტიდან გარიცხეს, შემდეგ კი დააპატიმრეს, მან საპრობილეში იწვნია ადამიანის უფლებებისა და ღირსების აყრის, საშინელი ცინიზმის მთელი სიმწარე. ალბათ, ამითაც უნდა აიხსნას, რომ მისი ნაწარმოებების ბევრმა პერსონაჟმა საკუთარი გამოცდილებით იცის, რა არის სატუსაღო — „ყველას და ყოვლისადმი სიძულვილით აღვსებული, სამარცსავით ჩუმი, უნაყოფო და უგულლო“. ერთ-ერთ ადრინდელ ნაწარმოებში, რომელსაც „ომიდერალი“ ჰქვია, მწერალმა „სთისთების, სიმართლის და სიყვარულის სამეფო-ტაძარი“ დაუპირდაპირა „შურისძიების, სიმკაცრის და ამა ცხოვრების ყველა ცდუნების საუკეთესო სასწავლებელს — საპრობილეს“. ამ ნოველაში ტაძარიცა და საპრობილეც პერსონიფიცირებულია, მაგრამ ეს უკანასკნელი უფრო გაცოცხლებულია იმით, რომ მის ერთ-ერთ საკანში ზის შეჩაქვული ტუსაღი, აჭარელი ბეგი, კაცის მკვლელი.

ადამიანებზე რა უნდა თქვა, როცა, თურმე, ღმერთებიც არ იძლეოდნენ სთისთების მაგალითს. ამის საბუთად ჰელვეციუსს მოაქვს იუპიტერის ისტორია, მისი თავგადასავლები და განსაკუთრებით მისი დამოკიდებულება მამასთან — სატურნთან. ნიკო ლორთქიფანიძე ღმერთისაგან მიტოვებულ და შერისხულ ადამიანს ვგაცოდებს. იგი არასდროს არ ყო-

დილა იმნაირი ფილანტროპი, რომ სხვათა ღვთაური მკვლელობა დანაშაულად მიიჩნია, ჭრისტეს მცნება „არა, არა, არა“ პრინციპად დაესახა და ბოროტების მართ მღელვარე პროტესტი ცხოვრების სიბრძნედ ელიარებინა.

ბანდიტებს, კაციკამიებს გრძნობები დამუნჯებული აქვთ და დიდი მწუხარებისა და დიდი სიხარულის ვანცდებს მოკლებული არიან; არც ეტირებათ, არც ემღერებათ. აჭარელი ბეგი მათ კატეგორიას არ ეკუთვნის. იგი მღერის. და არ შეუძლია, არ იმღეროს. დაღამდება თუ არა, მიწვება იატაკზე და ნელა დაიწყებს ღლინს. ჯერ ხმა მისი უბრალო წუხილია, უსაზღვრო და უიმედო გოდება. ხმა მალე იკარგება ჰაერში, მაგრამ ღლინი უფრო და უფრო უახლოვდება სიმღერას, ხმას ძალა ეძლევა, სიტყვები ცას წვდება...

ზედამხედველი აჩერებს. „აქ სიმღერა აკრძალულია, აქ უსიტყვოდ უნდა იტანჯო, რაც დაგემართება გულში უნდა ჩაიმაჩხო, ადამიანური თვისება — ბოღმის, დარდის გამოთქმა უნდა დაივიწყო“.

ასეთია დესპოტიზმის არსი.

მწერალი თითქოს გვისურათებს მარტო სატუსაღოს კი არა, მთელს თვითმპყრობელურ იმპერიას, რომელსაც ვ. ი. ლენინმა ხალხთა საპყრობილე უწოდა.

სულისსემეზოთველ გარემოში. მით უმეტეს — სატუსაღოში, ადამიანის გრძნობები ჩლუნგდება. „სატუსაღოს კარებთან წორდება ყველას სინდისის ქენჯნა და გამოსვლისას ძვირათ თუ ვისმე ხელმეორედ გაეღვიძება“. აქ მხოლოდ შურისძიების გრძნობა უფითარდება ადამიანს. აჭარელი ბეგი ნანობს, რომ მან მხოლოდ ერთი „ძალი“ მოჰკლა, მეტი ვერ მოასწრო. მაგრამ იმედი არა აქვს გადაწურული, თუ გაიქცა, ბევრ „ძალს“ დახოცავს.

ვინ არიან ეს „ძალები“?

იქნებ ბევრი პირადი მტერი ჰყავს აჭარელ ბეგს!

ავტორის სიმპათია თავისი ნოველის პერსონაჟისადმი გვაფიქრებინებს, რომ

აპარელს პირად ინტერესებზე უფრო მაღალი და სანუკვარი მოზანი ამოძრავებს. მართალია, ამ მიზნისაკენ მიმავალი სწორი გზა არა აქვს არჩეული, მაგრამ ხომ იბრძვის, ხომ იტანჯება და ეს იწვევს მისდამი სიბრალულსა და თანაგრძნობას.

ტანჯვაში იწვის ბოროტება!

კიდევ ბევრი რამ შეიძლება ვთქვათ ისეთი, რაც ამ პატარა ნოველაში პირდაპირ არ არის გაცხადებული, მაგრამ ქვეტექსტებში ამოიკითხება. ეს საერთოდ ახასიათებს ნიკო ლორთქიფანიძის შემოქმედებას. იგი ასახავს ასადროს არ ცვლიდა აღწერილობით. შიგადაშიგ ცნობიერად ტოვებდა ხარვეზებს, რომ მკითხველს თვითონ ეფიქრა და აშოევსო, თითქოს თანაგებორად იხდიდა, ააქტიურებდა.

ნიკო ლორთქიფანიძის ქვეტექსტი იკითხება თავისუფლად, მაგრამ არც მიშვებულია და ინტუიციას მინდობილი; გამომდინარეობს გმირის მოქმედების ლოგიკიდან, ხასიათის განვითარების ტენდენციიდან, ხასიათის მთლიანობისა და მისი შინაგანი წინააღმდეგობრივი ბუნების ღრმა ცოდნიდან. ნაწარმოების ქვეტექსტი ემყარება ზუსტი და ბევრის მომცველი სიტყვის მტკიცე საძირკველს, თუმცა მოკრძალებული, მორიდებული ნახევარფრაზებიც გვხვდება. მკითხველი ატყობს, რაღაც მზადდება, გრძნობის წიაღიდან რაღაცა იკავავს გზას და სადაცაა ზედაპირზე ამოვა. ასე მომზადებული მოქმედება უფრო შთამბეჭდავი, წარუშლელია. საიდუმლო და მოღრმინი რომ არა, მხატვრულ ლიტერატურას, ისე როგორც თვით ცხოვრებას, ცხოველყოფელი ინტერესი დაეკარგებოდა.

ნიკო ლორთქიფანიძის შემოქმედების თავისებურებაზე, სტილზე ბევრი ითქვა და დაიწერა, მაგრამ მაინც თვით მწერლის აზრია უფრო საინტერესო. 1910 წლის დათარიღებულ ნოველაში „უღალკნოდ“ მას განუზრახავს თავისი მხატვრული პრაქტიკისათვის ერთგვარი თეორიული სარჩული მიეცა. ამ ნაწარმოების ერთ-ერთი პერსონაჟი მწერლებს უსაყვედურებს, რომ „გმირის ცხოვრ-

ბას თუ მიჰყვები ხელი, დაიწყებენ იმ წამს მიდან, როცა პირველ აახილა თვალს მოქმედმა პირმა, და ჩაყვებიან ექვემდებარებულ სიტყვათა ფრქვევა ეამივით შეგაქმლებს გმირსაც და მის ბიოგრაფსაც“. ეს რომ არ მოხდეს, „მკითხველს მეტი ადგილი უნდა დაეთმოს ფანტაზიისათვის, შემოქმედებისათვის... მკითხველს მოსწყინდა ყველაფერი უკვე შემუშავებული, თავთავის ადგილზე კპოვის“.

შაბლონი, მოსაბეზრებელი თხრობა ამბებისა და პრიმიტიული სენტენციები, ნაცნობი სტანდარტები პერსონაჟებისა და ყოველგვარი თარგი შეუთავსებელია მკითხველის მალალ გვემონებასთან. ნიკო ლორთქიფანიძემ იმთავითვე გადაუხვივა ლატეკნილ გზას და თავისი ბილიკით შეუყუვა აღმართს. პირველ მინიატურებსა და ნოველებშიც ჩანს კომპოზიციის ახლებური გრძნობა, არა მარტო სიუჟეტის, არამედ თვით ფრაზის აგების ახლებური პრინციპი, ლაპიდარობა, ლაკონიზმი.

პირველ რიგში მხატვრული სიმართლე იყო მწერლის შემოქმედების უმაღლესი კანონი, რომელსაც ახორციელებდა სინამდვილის ღრმა ცოდნით, საგნებისა და მოვლენებისადმი საკუთარი, მხოლოდ მისთვის დამახასიათებელი მიდგომით, წერის თავისებური, ყველასაგან გამოჩეული მანერით. და მთელი ეს სიახლე საიმედოდ ემყარებოდა მრავალსაუკუნოვანი ქართული ლიტერატურის დიდებულ ტრადიციებს. ნიკო ლორთქიფანიძეს არ ეშინოდა თავის წინამორბედებთან თემატიკური სიახლოვისაც კი, რადგან სულ სხვანაირად, სხვა გზითა და ხერხით განაცდევინებდა მკითხველს ადამიანური გრძნობების მთელ შესაძლო გამას, გონებისა და ემოციის ძალას. იცოდა მთავარის, არსებობის შემჩნევა და გამოყოფა, სწორედ მას მოაქცევდა ხედვის ფოკუსში, ძალუმაღ მიანათებდა თავისი გზნების შუქს და ისე შეარჩევდა საღებავებს, ისე გაანაწილებდა ფერებს და ერთმანეთთან შეახამებდა, ისეთი მო-

შპირნობით ხმარობდა გამომსახველობით საშუალებებს, რომ რამდენიმე გვერდზე შექმნილი მხატვრული სახე სქელტანიან რომანებსაც შეშურდებოდათ. მართო „თავსაფრინი დედაკაცი“ კმარა მაგალითად. მაგრამ ჯერ იქამდე არ მივსულვართ, ის უმაღლესი მწვერვალია მწერლის მხატვრული დიდებისა.

დავუბრუნდეთ „მომღერალს“.

რატომ აქვს ასეთი სათათური ნოველას, რომლის ერთადერთი ცოცხალი მხატვრული სახე არის შეჯახველი ტუსალი, უმძიმესი ცოდვით ქედმოხრილი, მაგრამ არა საბოლოოდ გათელილი, არა ბრძოლის უნარს მოკლებული ადამიანი.

იგი მღერის, თითქოს უნდა გასწიოს სატუსალოს ბნელი კედლები, გააფართოვოს პატარა სარკმელი, რომლიდანაც მოჩანს ლურჯი ზეცის სულ მცირე ნაჭერი. რაც მთავარია: როცა სიმღერას ვიშლიან და მიინც მღერი, ის ბრძოლის ფორმას იღებს, ბრძოლაში კი ადამიანი იწმინდება.

ძველ ბერძნებს სჯეროდათ, რომ ადამიანები სიმღერით იწმინდებიან აფექტებისაგან. პითაგორელები რეკომენდაციას აძლევდნენ ტანვარჯიშს სხეულის განვითარებისა და მუსიკას სულის განწმენდისათვის. ნიკო ლორთქიფანიძეს სწამს კათარზისი.

ადვილია ფიზიკურად მოსპო თუნდაც ის „გამხეცებული“ ადამიანი, რომელმაც მიწისძვრის დროს საერთო ნგრევითა და დაბნეულობით ისარგებლა, სატუსალიდან გამოვარდა და ქუჩაში საშინელი დანაშაული ჩაიდინა — უმანკო ბავშვი მოჰგულა („ესეც თქვენ“), მაგრამ ძნელია განწმენდა სულისა ბოროტებისაგან, ძნელია საერთოდ ბოროტების ამოძირკვა, მას ღრმა სოციალური ფესვები აქვს. ამ საქმეში უძლურია ქრისტეს წამებასა და ქალწულ მარიამის სიწმინდეზე, როგორც სიბრძნის ქრისტიანული იდეალის გამოხატულებაზე, დამყარებული ქადაგება.

ამ ნოველის წაკითხვის შემდეგ ქუჩაში ან ბაღში მკერდალედოდ ბიჭუნას რომ შეხვდები და მიუალერსებ, ძალა-

უნებურად თვალწინ დაგიდგება „მხატვრული სურათი — ნელნელა როგორ იქუმება თითო ყელზე შემოსხვილი მხატვრული თითები ტუსალისა, მისი მხატვრული“ ადამიანისა, როგორც ავტორი უწოდებს.

— ესეც თქვენ! — თითქოს მთელს სამყაროს მიუვდო უმანკო მსხვერპლი სამყაროდან გარიყულმა, შურისძიებით გონებაამღერეულმა მარტოსულმა.

მას სამყაროსთან არაფერი აკავშირებს.

არავინ არ ჰყავს.

არაფერი არა აქვს.

მიწისა და ცის შორის არის მისი საკანი.

საკუთარ ფიქრებთან, არეულ ფიქრებთან განმარტოებულს, ყველასაგან მიტოვებულს, ბნელეთში გამოწყვდევულს ადამიანთან შეხვედრის წარმოდგენაც კი შიშსა ჰკვრის.

ყველაზე დიდი აღიარება: „მიწა ჩემს დღეში არ მყვარებია“.

ბოროტების საწყის-სათავე მინიშნებულა.

მიწას და ცას უპირისპირებს ერთმანეთს: „სამოსელს მოკლებული მიწა საზარია, ცა კი სხვა! რაც უფრო მოკლებულია ტანსაცმელს, მით უფრო მშვენიერია“. ცა მისთვის მარტოდენ სანახაობაა, ცა მისგან არაფერს მოითხოვს, მიწა კი, გატიტვებულ მიწა უნებლიეთ სამოქმედოდ იწვევს.

მაშინ, საშინელი ნგრევის ჟამს, უმწეო პატარამ შეველა რომ სთხოვა, წამით ვაღივდა მასში ადამიანმა, კედელზე აცოცდა, გულში ჩაიხუტა ბავშვი და ნაზად, ფრთხილად ჩამოიყვანა. თითქოს ჰმოვა ვარესამყაროსთან კავშირის დამყარების, ადამიანებთან და თვით ღმერთთან კონტაქტის აღდგენის საშუალება.

— ნუ გეშინია, — ამშვიდებს ბავშვს ტუსალი, — დედასაც მოგინახავ და მამასაც, ნუ გეშინია.

ვინ იცის, რამდენი ხნის შემდეგ, მას კვლავ ეწვია სიხარული:

— მე მყავს!

— მე მაქვს!

წამიერი იყო ეს სიხარული.

რამდენჯერმე ნახად შემოუსვა ხელი ბავშვის ყელს...

„ბოროტში ვინ შეგვედაროსო“, ათქმევინებს მედვას ვერიბიდე საერთოდ ქალების შესახებ, რომ მეითხველი წინასწარ შეამზადოს შვილების მკვლელი დედის სახის დასანახავად. ნიკო ლორთქიფანიძის ნოველის პერსონაჟი კი ამბობს, ჩემს დღეში მიწა არ მყვარებიაო, და თავის ონტოგენეზს ვვიმჩელს, ვისაც მიწა იმთავითვე შეაქულეს, მისგან ყველაფერია მოსალოდნელი.

„გამხეცებული“ ადამიანი (მას სხვა სახელი არა აქვს ნოველაში) ანტაგონისტური საზოგადოების ნაყოფია, გულისა და სულის მღრღნელი მარტოობის, მტრულ სამყაროში არსებობის უმძაფრესი განცდის გამოსახულებაა.

* * *

მწერალი მძაფრად გრძნობს ადამიანის შემოქმედებით მოწოდებას და იცის, რომ ადამიანის არსი ბუნებასთან, სხვა ადამიანებთან, თვით მის მიერ შექმნილ ღმერთთან მართებაში უნდა იკვლიოს.

ნიკო ლორთქიფანიძის ნაწარმოებებში გამოსახული ღმერთი ისეთია, როგორც მას სჭირდება ადამიანის ბუნების, მისი ხასიათის გავებისა და მხატვრული სახის შექმნისათვის.

ნიკო ლორთქიფანიძის ადამიანი ღმერთს არაფერში ებუება. მას ღმერთად ყოფნას ადამიანად ყოფნა ურჩევნიაო, გვისახულებს ნოველაში „უკვდავება“. აქ იგი უზუნაესთან დაპირისპირებით ავლენს ადამიანის ძალმოსილებას, პირველ რიგში კი სულიერ სიმაღლეს.

ადამიანი მთის თხემიდან დაბლა ეშვება თმაგაწეწილი, ფეხშიშველი, ავადმყოფი და მინც უხარია, რომ მწვერვალის ნისლსა და ბურუსს დააღწია თავი და მიწაზე ადგამს ფეხს.

ღმერთი კი პირიქით — აღმართ-აღმართ მიდის და ნისლსა და ბურუსში უნდა გაეხვიოს, იქ უფრო ედგომება, მოფარებულში.

ისინი ბილიკზე ხვდებიან ერთმანეთს. ადამიანი ღმერთს ხოტბას ასხამს, კოვლისმძლეობას უქებს, მაგრამ უკონფიანო სღამი სიბრაულს გამოხატავს უკონფიანობა.

— „ღიახ მეცოდები! შენ ყოველისფერს ხედავ და მეცოდები; შენ უკვდავი ხარ და მეცოდები... უდიდესი ჩემი უბედურება ვერ შეედრება შენს აუტანელ მდგომარეობას: რაც უნდა შეგქულდეს თავი, შეგეზოლოს თავი, რაც უნდა ისურვო გაჰქრე, მოისპო — არ შეგიძლია. შენ უკვდავი ხარ! მეცოდები უფალო; ჩემს უმწვერვალეს ტანჯვაშიც შენი ბედი მანუგეშებს — უფალო, მეცოდები. ხარ! ჭეშმარიტად, უფალო, მეცოდები. რომ შეიძლებოდეს, მაინც არ გაგიცვლიდი ბედს“.

ამ ნოველის დაწერიდან ექვსი-შვიდი ათეული წლის შემდეგ, ახლაც, უდიდესი სამეცნიერო-ტექნიკური რევოლუციის ეპოქაში, დედამიწაზე აქეულ მილიონობით ადამიანს ღმერთი უკვდავსი სიკეთის სიმბოლოდ მიაჩნია და ცოცხლობს იმედით, რომ რაც აქ არ ეღირსა, იმას იქ, იმ ქვეყნად მიიღებს „ღვთის შეწევნით“.

ნიკო ლორთქიფანიძის ადამიანი კი მამხეციერისაგან არაფერს მოეღოს; ფეხშიშველია, ავადმყოფია და მაინც არაფერს თხოვს. ქება-დიდებას კი უძღვნის, მაგრამ არა იმისათვის, რომ რაიმე გამოჩნდეს, პირიქით — ებრალებს. და ამ სიბრაულში ჩანს დიდი ოსტატობით გამოხატული ირონია: ღმერთს იმის უფლებაც არა აქვს, როცა თავი მობეზრდება, გაჰქრეს, მოისპოს. ადამიანი კი ბედნიერია, ბედნიერი, — იგი უფლებამოსილია აღიგავოს პირისაგან მიწისა, უკვალად დაიკარგოს.

უკვდავება ღმერთს ბოჭავს, არსებობასთან აჯაჭავს.

ადამიანი კი მოკვდავია და ეს მას ხელფეხს უხსნის, როდესაც მოესურვება მასინი გაეცალოს ამ ბოროტებით აღსავსე ქვეყანას. მანამდე კი „სიამოვნებით უყურებს განათებულს, ცოცხალს სოფელ-ქვეყანას“. მას გარიყულად ცხოვრება არ

შეუძლია. მისი ადგილი აქ არის, ქვევით, საზოგადოებაში და არა ზევით — ღმერთთან.

ღმერთი მხოლოდ ადამიანთან მიმართებაში არსებობს. ადამიანზე კი აქვთ თავისი მიმართება ღმერთთან. აჭარბული ბეგი ერთხელაც არ ახსენებს ალაჰს. მისთვის, შეჯავშული კაცისთვის ყველაფერია სიმღერა — გულის ჭაგრის ამომყრელი ჰანგი. „გამხეცებულმა“ ადამიანმა მიწისძვრის პირველსავე ბიძგზე ახსენა ღმერთი, მაგრამ გვერდით ამოუყენა ეშმაკი და ორივეს თხოვა, ერთიანი ძალით დაანგრიონ. ვააცამტვერონ ეს ქვეყანა.

ღმერთს თავისი არსებობის გასასამართებლად ეშმაკის არსებობაც სჭირდება, მაგრამ ადვილად როდღე უკავშირდება მას. ცნობილი გამოთქმა — ღმერთი იმდენად ეშმაკია, რომ შენ თვითონ ხელი თუ არ გაანძრევ, არაფერს მოგცემსო, ნათელს ჰფენს მის რაობას. იგი არც მშენებელია და არც მანგრეველი, უმოქმედოა. ადამიანს კი მხოლოდ მოძრაობასა და ქმნადობაში თუ წარმოვიდგენთ. სწორედ ამ მხრივ არის საინტერესო ნიკო ლორთქიფანიძის ნოველა „გულთახილავის მსჯავრი“.

ორი ადამიანი წარსდგა ღმერთის წინაშე.

ერთს წაუკითხავს ბიბლია, შეუსწავლია სახარება, სამოციქულო, წმინდა მამათა ცხოვრება, ზებირად იცის საგლობელი და ლოცვები; მუდამ ვიდოდა გზით სიმართლითა, საპყართა ვანიკითხავდა; უყვარდა ძმა თვისი ვითარცა თავი თვისი; მხოლოდ ერთს — ღმერთს სცემდა თაყვანს; ათი მეწიდან არცერთი არ დაურღვევია არასდროს.

მეორეს არაფერი არ წაუკითხავს, არაფერი იცის; მოუკლავს ორფეხი ცხოველი, ადამიანს რომ ეძახიან; ტყუილი არ უთქვამს, მაგრამ უხეშ სინამდვილეს რომ აფერადებდა და ლამაზ ოცნებად ხდიდა, ისეთი კი... ბევრი; არ უმართუშია, თუმცა სატრფოსთან ერთარსებდა კი, გარდაქმნილა; ღმერთი არ უგმია, ის ძალა კი, — რომელიც ადამიანს უკუღმართ გზაზე დააყენებს, სიცოცხლეს გაუმწარებს,

ერთ ღმერთს სცემდა თაყვანს — ღმერთს სიყვარულისას, იმედისას, მოწვევით სიხარულისას.

პირველმა ითხოვა — „გასწავლესსა“ ვილსა ყვეთილოვანსა!“

მეორე სდუმდა. არაფერი უთხოვია. მათხოვარი არც ღმერთს უყვარსო, ამბობს ხალხი. აქაც გამართლდა. უფალმა მეორე დააჯილდოვა ყოველგვარი სიკეთით, პირველს კი უარი უთხრა: შენ ჭერ არ გიცხოვრია, შენ ჩემს არტახანში იყავი გაკრულიო.

ღმერთს არ მოსწონს მისივე არტახანში გაკრული კაცი.

სხეულზე სულის ქრისტიანული „ამაღლებით“ კი არა, „ემოციური კასტრიის“ გზით კი არა, ამქვეყნიური სისხლქარბი ცხოვრებით შეიძლება ადამიანი ეზიაროს ბედნიერებას. ასეთი იყო მწერლის რწმენა, რომელსაც ის სიტყვაში ანივთებდა.

ადამიანობა შეგუებასა და მორჩილებას კი არა, გარკვეული წინააღმდეგობის დაძლევისა და გადალახვის ნიშნავს. ადამიანი უმაღლეს ბედნიერებას პოულობს შემოქმედებით შრომაში და არავითარ ტკობას და ნეტარებას არ ელის გარედან. ბრძოლაშია ადამიანი მომხიბვლელი. „მხოლოდ ტალღათა შორის მებრძოლ ხომალდს აქვს მიმზიდველობა. ნავსაყუდელში იგი უღამაზო სახლიაო!“, წერს ერთგან ნიკო ლორთქიფანიძე. იგი ადამიანობასთან შეუთავსებლად თვლის მონურ მორჩილებას, თვით ღმერთსაც მოუხმობს: „მრისხანე იყავ ლაჩარ მონისადმიო“. ეს აზრი უფრო მკაცრადაა გამოხატული მინიატურაში „მუნა“.

— „გასწორდი წელში; ასწიე მადლა, ამაყად თავი; მიიღერე კისერი; თავისუფლება მიეც გულ-მკერდს — ჰსუნთქე მსუბუქი ჰაერი; ნუ ჩამოგიშვია ცხვირი; დაიჭირე მზის სხივები, მიაპყარ სმენა გალობას, დასტები ვარდთა ყნოსვით!

— მე მონა ვარ!..

— რა ვუყოთ! იბრძოლე! განთავისუფლდები..

— ჩე სუსტი ვარ..

— თავისუფლების სიყვარული მოგ-

ცემს მოსეს კვერთხს და დავითის შუ-
რდულს.

— არ მაქვს იმედი...

— არაფერია, ბრძოლაში იმედიც და-
ბადდება.

— მეშინია უარესის...

— მონობაზე უარესი რაღა იქნება.

— სიკვდილი... შიმშილი...

— მონა ხარ მართლაც, ქემშარიტად
მონა... ნაკლებად საცოდავი, ვიდრე სა-
ზიზღარია“.

მთელი ეს დიალოგი წარმოადგენს იმ
საკუთვლათოდ ცნობილი აზრის მხატვ-
რულ ილუსტრაციას, რომელიც ჰეგელმა
ასე გამოთქვა: „ვისაც არა აქვს ვაჟკა-
ცობა, თავი გაიმეტოს თავისუფლების
მისაღწევად, იგი იმსახურებს იმას, რომ
ღარჩეს მონად“.

ნიკო ლორთქიფანიძის შემოქმედებას
ნათელ ზოლად გასდევს ერთი იდეა: მო-
ნობიდან, მათხოვრული მდგომარეობიდან
თავის დაღწევის და ადამიანად ამაღლე-
ბის ერთადერთი გზა არის აქტიური მო-
ქმედების, ბრძოლისა და . შერთვის გზა.
ეს ხაზი შეიძლება ყოველ მონაკვეთზე
ერთნაირად არ იყოს გამართული, გან-
საკუთრებით ახალგაზრდობის წლებში,
როცა მწერალს ადამიანის ცხოვრება ესა-
ხებოდა დასაღუპავად განწირულ უიალქ-
ნო ნავად და უიმედობას ეძლეოდა, მაგრამ
შემდეგ საზოგადოებრივი მოვლენების
განვითარებასთან, პროგრესის ძალების
ზრდასთან ერთად უბრუნდებოდა ადამი-
ანის რწმენა და ბედთან არშერიგების,
სიკეთის დასამკვიდრებლად ბოროტებას-
თან ბრძოლის განწყობილება ეუფლებო-
და.

ნიკო ლორთქიფანიძის მართალი, აზ-
რობრივი და ემოციური ბრწყინვალეობით
გამორჩეული სიტყვა მკითხველის გულ-
ში პოულობდა ბინას და სამინელი ტი-
რანის, სოციალური და ეროვნული და-
მონების, ქართველი ხალხისათვის მე-
ტად ძნელბედობის პერიოდში ადამიანს
საკუთარი ღირსებისა და ძალისადმი
რწმენას განუმტკიცებდა.

„მინც რაა ადამიანი?“

ეს კითხვა და მისი პასუხი არაერთ-
ხელ გვხვდება მწერლის ნაწარმოებებში.

ეს კითხვა საუკუნეების მანძილზე მო-
სვენებას უკარგავდა უდიდესი კლასიკოს-
ნებს. ხალხმა და წიგნებმა შემოგვინა-
ხეს უამრავი პასუხი — მიოთოსის წიაღი-
დან გამოტანილი თუ მეცნიერული, პოე-
ტური თუ პროზაული... მათ თანამად შე-
იძლება გვერდით ამოვუყენოთ ნიკო
ლორთქიფანიძის პასუხი, რომელიც მო-
ცემულია ლეგენდში „დადიანის ასული
და მათხოვარი“.

შემთხვევამ შეახვედრა ისინი. დასაღუ-
პავად განწირული კუზიანი, კოჭლი, ძო-
ნძებში გახვეული ბებერი მათხოვარი
დადიანის ასულმა უკან მოისვა ცხენზე
და ფონიც არ უძებნია ისე გადაეშვა
ადიდებულ მდინარეში. „მომხვეე მაგ-
რად წელზე ხელი, არ გადავარდე, ნუ
გეშინიაო“, ამხნევებდა დადიანის ასული
მათხოვარს, და გაიყვანა სამშვიდობოს.

რათ გაიმეტა თავი საცოდავი არსები-
სათვის, რომელსაც სათხებოში ძინავს და
ლორის სწორდოს ნატრულობს? რა ჰპო-
ვა მასში ფასდაუდებელი?

— ადამიანი! — თვითონ მათხოვარი
იძლევა პასუხს.

ასე აინთო მათხოვრის სულში საკუ-
თარი ადამიანური ღირსების გრძნობა.

აი რა ძალუქს სიკეთეს.

„ოდიშის სხვადასხვა კუთხეში კიდევ
დიდხანს ისმოდა მათხოვრის სიტყვები:
„მოიღეთ მოწყალება“, „განიკითხეთ სა-
პყარი“, მაგრამ, როცა მუსაიფში ჩაებ-
მებოდა, იგი დინჯად ამბობდა: „გამხდარ
თხას, დაკოჭლებულ ცხენს, ჩახმახდამტ-
კრეულ თოფს ფასი ეყარგება; ადამიანს
კი ერთი და იგივე ფასი აქვს ყოველთ-
ვის და ყველგან, იმერეთის მეფობას არ-
გუნებს თუ დანელიას მელორედ გააჩენს
უფალი. დადიანის სასახლე ათას ფაცხა-
ში არ გაიცვლება; ადამიანი კი იმდენივე
ღირს, რაც მთელი კაცობრიობა, ადამია-
ნის არც ვაცვლა შეიძლება, არც დაფა-
სება, არც გამრავლება, არც გამოკლება.
იგი უფასოა. იგი ერთია, მუდამ ერთი.

ადამიანი მუდამ ადამიანია — არც მე-
ტი, არც ნაკლები“.

ბრბოს ეს სიტყვები აკვირვებდა, აცინებდა და თან მაღამოდ ხედებოდა და ბეჩავებულ გულზე“.

ამა ქვეყნის ძლიერთ კი ნემსივით ესობოდათ...

ოდისის მთავარი, ქართლ-კახეთის მეფე, თვით ყაენი სპარსეთისა და ხონთქარი ოსმალეთისა ისეთივე ადამიანები არიან, როგორც მაწანწალა მათხოვარი. მაშინ ამაზე მეტი კადნიერება რა იქნებოდა. ესეც რომ არ იყოს, მათ თავისუფალი, ამაყი, ძლიერი ადამიანი ხელს არ აძლევდა. მონასთან, პასიურ არსებასთან დამოკიდებულება, ანგარიშის გასწორება ადვილია. ამიტომაც იყენენ დინტერესებული, ადამიანში სული მონისა ჩაედგათ.

* * *

ქართული მიწის გულში საუკუნეების მანძილზე გროვდებოდა

სისხლი,

ოფლი,

ცრემლი.

მზადდებოდა დიდი ფეთქებადი მასალა.

მოდიოდა ახალი ძალა, რომელსაც ჩვენი მრავალტანჯული სამშობლო უნდა გამოეყვანა თავისუფლებიდან და პროეტისის ფართო გზაზე, ხოლო ადამიანი განეწმინდა „ძველთა ცოდვათგან“, ჩაება ისტორიაში ყველაზე ჰუმანიური საზოგადოებრივი ურთიერთობის ფერხულში.

ასე უყურებდა ნიკო ლორთქიფანიძე ჩვენი ერის ისტორიას, მის მომავალს, ადამიანის ბედს.

განწირულთა უკანასკნელი განკითხვა — ასეთი პირობითი სათაურით შეიძლება გავაერთიანოთ მწერლის ისტორიული მოთხრობები „მრისხანე ბატონი“ და „ჟამთა სიავი“, რომლებიც სკრუპულოზური სიზუსტით, თითქოს ხელისგულზე გვიხატავენ ფეოდალიზმის ნგრევის, ფეოდალური წოდების უკიდურესი დეგრადაციის, გახრწნის ამაზრზენ სურათებს. მებატონეთა ცხოველური მრისხანება, საღიზი, ზნედაცემულობა, აღვირახსნი-

ლი პარტიკულარიზმი და ეროვნული გალატი მკითხველს აფიქრებინებს, რომ მათ ერთობ დაავიანდათ ისტორიული არენიდან გასვლა, სიღამლისა და მონიერის სუნით მოშხამეს ერი, დააძაბუნეს მისი ყველაზე უფრო სიცოცხლისუნარიანი ნაწილიც კი — გლეხაცობა.

იშვიათი თანმიმდევრობითაა გახსნილი მრისხანე ბატონის — ლევანის საღისტური ბუნება. იგი საშინელი წამებით ჰკლავს შიკრიკს, რომელმაც დავით ბატონიშვილის ნაცვლად რევაზ ბატონიშვილი დაიფიცა. ასევე უსწორდება დევივით ვაჟაკს მხოლოდ იმისათვის, რომ ირემზე ინადირა. უბედურ მამას აყურება შვილის წამება და თან გააფრთხილა: „წადი და ყველას უთხარი: რომ ბატონი ლევანი მოწყალეა, მაგრამ მისი სურვილის წინააღმდეგ თუ ვინმემ საკუთარი წამწამი შეარბია, ურჩევნია თვითონე დაითხაროს ორივე თვალა“.

აქედან ფსიქოლოგიურად და ლოგიკურად შორს არ არის ნოველის ფინალი — ლევანის მეორე ცოლის ციცინოს და ლევანის ძმისწულის ვახტანგის სიკვდილით დასჯის სურათი, ავკაცობისა და საშინელი შურისძიების შემზარავი სურათი.

„თვალაბმული, დამორკილი მოზერები გამოიყვანეს. ხარების ზურგზე გადაგდებული ციცინო და ვახტანგი პირაღმა იყვნენ. ხელები გადაეწიათ და ხარების ყელის ქვევით შეეკრათ. ციცინოს ფეხები ხარის მარჯვენა ფეხზე იყო მიკრული; ვახტანგის ფეხები — ხარის მარცხენა ფეხზე.“

ქალს გული წასვლოდა. შავ გახვეწილ ხარს ძლიერ შევნოდა ეს თეთრი სამკაული. ყოველი ნაკვთი ათასწილ გამშვენიერებულოყო, თითქოს უკანასკნელ ძალას ხმარობსო“.

ამ საერთო შავ ფონზე მკვეთრად გამოიყოფა „თეთრი სამკაული“. ამ სიტუაციაში ეს ორი ფერი სრულიად საკმარისია. კონტრასტების უბადლო ოსტატს ახლა თეთრი და შავი ფერები ჰყოფნის მძაფრი ტრაგიკული სურათის დასახატავად. მოზერების შერკინების მთელს ეპი-

ზოდში რქებით დახანჯლული საცოდავი არსებების სხეულზე, არც რქებზე სისხლის ფერი არსად ჩანს. პალიტრის ერთგვარი შეზღუდვა, ალბათ, იმისთვისაა საჭირო, რომ უაღრესად დაძაბულ მომენტშიც შენარჩუნებულ იქნას თხრობის შინაგანი სიმშვიდე. ეს უფრო აძლიერებს ტრავიზმს.

მატერული სახე „თეთრი სამკაული“ იმიტაც არის საყურადღებო, რომ ის ციციუნოს ბუნებაზეც მიგვანიშნებს. ლევანის ოჯახში იგი სიყვარულის საგანს არ წარმოადგენდა, იყო ძვირფასი სამკაული, ნივთი, რომელმაც იცოდა თავისი სილამაზის ფასი და ზოგჯერ საოცარ, ველური ინსტიქტებით ნაკარნახევ სურვილებსაც ისრულებდა. ეს მოზერები მას მოუყვანეს საჩუქრად, რომ მათი შეკრინებით, ველური სანახაობით დამტკბარიყო. პირუტყვებს საგანგებოდ ამზადებდნენ: ბნელ პალატში ცალ-ცალკე ასუქებდნენ მარილწყალში დამზალი სიმინდით და ქვრით. მზის სინათლეს არ აკარებდნენ. ამბობდნენ, ისეთი გაველურებული არიან, თავისი კუდიანაც კი ეში-ნიათო.

სწორედ ისინი, ეს მოზერები არიან ახლა მრისხანე ბატონის მიერ მოწყობილ არენაზე.

„ხელოვნურად შეკრული ბორკილი და თავსაბური ორივე მოზვერს ერთად შორიდან, უცბად მოაშორეს. მზის სხივმა, ქვეყნის სანახაობამ მხოლოდ ერთი წუთით დააბნია, გააბრუა ცხოველები. ორივე დაიღუნა, დაყნოსეს მიწა და ერთმანეთისაკენ გაემართნენ ნელის, წყნარის ნაბიჯით, ზურგზე მყოფ ადამიანებს, მგონი, ვერც კი ამჩნევდნენ, ვეღარ გრძობდნენ: სინათლე, სივრცე და წინმდგომი რაღაც არსება მთელ მათ გონებას იკავებდა. მივიდნენ ერთმანეთთან, დაყნოსეს ერთიმეორე და შუბლით მიაწვენეს ერთმანეთს. დაქვიმათ ძარღვები, თავს უფრო და უფრო ზრიდნენ, ფეხები გააბჯინეს, არცერთი არ უთმობდა ადვილს.

სამარისებური სიჩუმე იყო.

ლევანი გაქვავებულვით იდგა აივანზე

და ჭიდილს უტყუროდა. მოზერებმა მიატოვეს ერთმანეთი და ახლდნენ. მათხს უგემურად წიწკნა დაუწყეს უტყუარდ შემოტრიალდნენ, დადგნენ ერთმანეთს წინ და ჭენებით ერთმანეთს ეცნენ.

ერთი მოზვერი განზე გაუსხლტა მეორეს. რქით ოდნავ დასჭრა მტერი.

მოზვერები წამით შეჩერდნენ, გაზომეს ერთიმეორე და გაექანენ ერთიმეორისაკენ.

ახლა მთლად მიწაზე მიჭქონდათ თავები. ერთმა მაინც მოახერხა თავი ნიჩქეში ამოეკრა; მოასწრო უკანა ფეხზე დადგომა. მკერდში მიმიზნებული რქები ხარბ ბეჭში მოხვდა და ციციუნოს ძუძუ რქაზე შერჩა.

— ა, ვაი, — დაიკვილა ქალმა.

ქალის კვილით, ჭრილობის ტკივილით გაცოფებული ხარი უკან აღარ დაბრუნებულა და გვერდიდან თავშებრუნებული ეკვეთა მტერს. ერთმა რქამ ვახტანგს მუცელი გაუფატრა და წელები გამოაყრევინა, მეორე ღრმად ჩაერქო მოზვერს გვერდში.

ახლა ხარმა თითქოს სამაგიერო უხლოვო, გაიქცა უკან, შემობრუნდა და გაჩერდა. ორივე ხარი უკანასკნელ სასიყვდილო შეტაკებისათვის ემზადებოდა.

ვახტანგმა ვეღარ მოითმინა. ერთმა უნებლიეთ აღმოხდენილმა ხმამ თან წაიყოლა კრულვა ქვეყნისა, გმობა უფლისა, უშვერი გინება და გაჩენის დღის წყევლა.

ვერცერთი ხარი ვერა ჰბედავდა პირველი ნაბიჯი გადაეღვა. ამ ნაბიჯის შესაფერი ხერხის მოგონება სურდა ორივეს. დღხანს უცდიდნენ ერთმანეთს. ბოლოს ერთი გადახტა, მეორეც იმავე წამს დაიძრა ადვილიდან. დატაკების დროს ერთმა უტყუარდ შეაბრუნა თავი და ერთი რქა მტერს შუა შუბლში ღრმად ჩასცა. რქა გადატყდა. ორივემ საშინლად იბღაველა. ორივეს ენა გადმოუფარდა. შუბლგამობილმა ხარმა კიდევ მოასწრო თავისი რქები კისერში ჩაეკრა მტრისათვის, სადაც ოდნავ სულისმდავავი ყელი იდო ციციუნოსი, დატორტმანდა და წაიქცა. ზევიდან დაადგა მტერი და ხან ერთ აღ-

გილს ჰკრავდა მთელად დარჩენილ რქას, ხან მეორე ადგილას.

ვახტანგი ხარს ქვეშ მოექცა.

იგი კი არ ყვიროდა, კი არ იძახდა, ხრიალებდა უფრო ხშირად გაუგებარს“.

ეს ებიზოდი თითქმის მთლიანად იმიტომ შოვიტანეთ, რომ არა მარტო ამ მოთხრობაში, ნიკო ლორთქიფანიძის მთელს შემოქმედებაში განსაკუთრებული ადგილი უჭირავს და საერთოდაც შეიძლება ჩაითვალოს მხატვრული სიტყვის შედევრად. აქ ყოველი შტრიხი ფიზიკურად თვალდასანახია და ხელშეახეზბი. ასე გგონია, წიგნს კი არ კითხულობ, სინამდვილეში ან ეყრანზე ხედვს საშინელ შერკინებას, სადაც ადამიანთა ბედი წინასწარ არის გადაწყვეტილი.

ასეთი „სპექტაკლი“ შტრისძიებისა და ბოროტებისა შეეძლო მთელი მხოლოდ იმას, ვინაც აღრევე თქვა: „მისი სურვილის წინააღმდეგ თუ ვინმემ საკუთარი წამწამი შეარხია, ურჩევნია თვითონვე დაითხაროს ორივე თვალი“.

მრისხანე ბატონმა განწირა ძმისწული, უდანაშაულო ადამიანი. ასევე სასტიკად მოექცა „უამთა სიავის“ გმირი იულონი მშობელ დედას, თავისი ხელით მოჰკლა იგი და ზედ დააკლა ამ თავზარდამცემი ამბის შემთხვევითი მოწმე, საცოდავი გლეხი, რომ საიდუმლო არ გამჟღავნებულყო. სხვებს მოაკლევინა თვალი არჩილი. თვითონ იულონს კი, როგორც მეფის მოღალატეს, თვალები დასთხარეს...

არავინ არის ცოდვა-მადლის გამკითხავი. ფეოდალური პარტიკულარიზმი ნთქავს ქვეყნის სასიცოცხლო ძალებს. არ არსებობს ერთიანი, ძლიერი ცენტრალისტური ხელისუფლება, არ არსებობს ისეთი ძალა, რომ იხსნას მოლიპულ გზაზე დაქანებული ქვეყანა.

დუხჭირი პირობებშია გლეხკაცობა.

იულონის სსახლეში ნადიმის დროს საჭიდაოდ გამოსულ გლეხის ბიჭს გოგიელას ურჩევენ, გაიხადე თორემ მოწინააღმდეგე ადვილად ჩაგჭიდებს ხელსო. იგი უარზეა.

— „რა გავიხადო, რომ მეტი არაფერი მაცვია?“

გოგიელამ გაიმარჯვა. იულონს ორივე მოჭიდავე აიტაცა. ვილაცას უკვირს:

— „კაცო, რავე წიწილები გეჭიქუნენ ორი კაცი“.

— „მეც მაჭამე მაგასავით და, ვინ იცის, იქნებ მე სამივე ავიყვანო, — მწუხარე დუმლით თქვა იქვე მდგომმა, ძლიერ მალაღმა, კონკებში გახვეულმა ახალგაზრდამ, რომლის მოწყენილი უსიკოცხლო სახე მაგარი, მსხვილი ნაკვთები მოწმობდნენ, შიმშილით შესუსტებულ ბუნებრივ ბუმბერაზობას“.

ნამახვილეველი ტყაბლაძე, იმავე „უამთა სიავეში“, მეფეს შესჩივლებს, გასაციადდ წამოღებული დათვის ტყავი გზაში წამართვესო... „ჩემს ოჯახში წელიწადია მარული აღარ ყოფილაო“.

მეორე გლეხი, რომელსაც შვილი გაუტვატიურეს და ვერსად სიმართლე ვერ ნახა, სიმართლის დამცველებზე ამბობს, „სასაცილოდ იღებენ ღმერთსაც და ადამიანსაცო“.

ამ ბნელთ მოცულ სინამდვილეში მაინც ჩანდა იმედი ხსნისა. იყვნენ ადამიანები, რომლებიც მომავლის რწმენას ჩააგონებდნენ ხალხს. ასეთი იყო მწიგნობარი ოტია, რომელიც ვერ გატეხა ვერც უამთა სიავემ, ვერც ომში ცალი ხელის დაკარგვამ, ვერც სიღარიბემ და წმინდა ოცნებით გამსჭვალული დარჩენილ ხელს ამოქმედებდა, რათა შთამომავლობისათვის გადაეცა თავისი პატრიოტული ნაფიქრ-ნაგრძნობი.

— ეპ, ფინიკიელები ვაჭრები იყვნენ, — გვკობნიდნენ მოხერხებით — დაილუპანენ; ჩვენ დავრჩით; ძლიერნი იყვნენ ჯარში რომაელნი — გვძლიეს; მაგრამ ჩვენ დავრჩით. სილამაზის მარად მსახურნი ბერძენნი გადაშენდნენ. ჩვენ კი ვართ, როგორც ჰადარი სხვა ხეთა შორის... ჩვენ ვაჭრებიც ვართ, მემომარნიც და ქურთმნიც მშვენიერებისა, მაგრამ არაფერში ვაჭარბებთ... ჩვენი დღეც დადგება ოდესმე, უეჭველია...“

ამას ამბობს ბრძენი, ისტორიაში ღრმად ჩახედული, სამშობლოსათვის თა-

ვდადებული კაცი, რომელსაც პარტიკულარიზმის ალაგმვა მიაჩნია საქართველოს ძლიერების აღდგენის მთავარ პირობად.

ნიკო ლორთქიფანიძე არ ეკუთვნის მწერალთა იმ რიცხვს, რომლებიც ამჟვეყნად ბარბაროსობისა და ბოროტების მეტს ვერაფერს ხედავენ და მკითხველს მარტო ველურ ინსტინქტებზე ელაპარაკებიან, აქაოდა „ცხოვრების სიმართლეს“ ხომ ვერ ვულაღატებთო. მართალია, მასში ჭარბობს არაადამიანურის შხილების პათოსი, მაგრამ ამით ემსახურება ადამიანურის დამკვიდრებას, ცხოვრების პოზიტიური მხარეების გაძლიერებას, სიკეთისა და პროგრესის ძალების ზრდას.

ერთიან, ძლიერ საქართველოზე მეოცნებე მოხუცი მწიგნობარი ოტია „ჟამთა სიკვემი“ ერთადერთი პერსონაჟია, რომელსაც მოეთხოვება ჭკუა, პატიოსნება და პასუხისმგებლობა ერის წინაშე, მაგრამ მწერლის სხვა ნაწარმოებებში მრავლად გვხვდებიან ადამიანები, არსად, არც ბრძოლაში და არც შრომაში რომ არ კარგავენ საკუთარ მეობას. ამ მხრივ მეტად საინტერესოა ისტორიული მოთხრობა „რაინდები“. აქაც შინაური შფოთი, ჭიშობა, მტრობა, ცალკეულ სამთავროთა შორის ომია პერსონაჟთა მოქმედების განმსაზღვრელი. ამ ორომტრიალში გამოკვეთილი მათი ხასიათი, ინდივიდუალობა.

იმერეთის მეფე ოდიშის მთავარს ეხმარება აფხაზთა მთავრების წინააღმდეგ. აქ ხედვის ფოკუსში მოქცეულია არამარტო საომარი ბატალიები, არამედ რაინდული წესები, რომლებსაც მეომრები საოცარი გულმოდგინებით იცავენ. პირველ რიგში ყურადღებას იქცევს იმერეთის მეფის მხატვრული სახე თავისი უბრალოებით, უშუალოებით, გამჭრიახობით, მეომრული შემართებითა და ეთიკით.

იმერეთის მეფე ომში იმარჯვებს არა მარტო ხმლით, არამედ კეთილშობილებითაც. ბრძოლის დამთავრების შემდეგ წაღიშვებ, სადაც დამარცხებულთა წარ-

მომადგენლებიც არიან, მეფის ძმა / არჩილი აფხაზთა მთავრის შვილს ეკითხება — „გულახდილად თქვი, რატომ არ შეეცატი მეფეს, როცა ერთმანეთს შეხვეყნებ ხომ კი ეძებდით მას? —

ბატონიშვილმა თავი ჩაღუნა და მეფეს შეხედა, თითქოს ჰკითხავდა, ვთქვაო?

— ბრძანე, ბრძანე...

— მირონცხებული მეფე, — მორცხვად წარმოსთქვა ყმაწვილმა, — ჩემზე ხნითაც უფროსია და გვარიშვილობითაც უმაღლესი — პირველად მას უნდა ენებებია ხმლის მოქნევა...

— ყოჩაღ!

— დაველოცა სიტყვა-პასუხი!

— ვენაცვალე შენს ვაჟაკობას.

ისმის აქეთ-იქით.

შემდეგ არჩილი მიმართავს თავის ძმას.

— ძმაო-ბატონო, ახლა შენ უნდა გვითხრა, რატომ არ შეებრძოლე ბატონიშვილს?..

— როგორც კი პირველად შევხედე, გაგიფიქრე: ასეთი ვაჟაკის გაფუჭებას ღმერთი არ შეუდნობს კაცს-თქო და ჩავუარე გვერდი... მეორედ რომ ვუახლოვდებოდი ერთმანეთს, დავუპირე ხმლის მოქნევა, მაგრამ საბედნიეროდ ცხენს ფეხი დაუსხლტა...

— და წაქეულს კი არ იკადრე შეხებოდი. შენი ჭირიმე, შენი, — აღტყინებით იყვირა ვიღაცამ ბოლოში“.

ასეთივე რაინდულ ტაქტს იჩენს იმერთა ჯარის სარდალი გიორგი აგიაშვილი. იგი სასიკვდილოდ დაჭრილ ინალიბას გადასარჩენად სასწრაფოდ უხმობს ექიმს.

მეფეცა და სარდალიც ვაჟაკობით აფასებენ ყველას, მტერსაც და მოყვარესაც, სხვებიც მათ ბაძავენ და მეომრულ თავდადებასთან ერთად რაინდულ თავაზიანობასა და ზრდილობას იჩენენ.

ომში თავი გამოიჩინეს ყმა გლეხებმაც და მათ შორის ლაზიკამ, რომელთანაც მეფე ისეა, როგორც ახლობელ ადამიანთან. ეს არა მარტო მეფის ადამიანური თვისებებით, თვით ლაზიკას გამრჯობითა და სიცოცხლისუნარიანობით აიხსენება. ომში მამაცობასთან ერთად მოხერხებულობასაც იჩენს, იშოვის ღორს, კა-

მეჩს, ცხენსაც. აბა რა ქნას, შინ მშვიერი ბავშვები ელოდებიან. ისინი ხომ უნდა დააპუროს, გამოზარდოს.

მოთხრობის ეპილოგში ვგებულობთ, რომ განდევნილმა მეფემ უცხოეთში დალია სული. სხვა მთავარი მოქმედი პირონიც დაიხოცნენ. მხოლოდ ლაზიკას აზრი და საქმე გამოდგა სიცოცხლისუნარიანი.

„მისი ცხენი, ისე როგორც თვით ლაზიკაც, შეიქმნენ მეჩაღვადრეების წინამორბედნი: მათი შთამომავალი იყვნენ, ქიათურიდან რომ პირველ ქარავნად წამოვიდნენ შავი ქვით დატვირთულნი“.

აი, საით მივყავართ ისტორიული პროცესების განვითარების ლოგიკას; არუნაზე უნდა გამოვიდეს ახალი ძალა — მუშათა კლასი, რომელსაც დაკისრებული აქვს დიდი მისია:

ადამიანს მოუპოვოს თავისუფალი შრომისა და ცხოვრების უფლება, პირობები, რომ მიწის გულში არ გროვდებოდეს

სისხლი,
ოფლი,
ცრემლი.

საზოგადოების განვითარების ლოგიკის ცოდნა გამოსჭვივის „დანგრეულ ბუდეებშიც“: ნგრევებსა და გაპარტახების, სულიერი დაცემის, სრული გადაგვარების გამომსახველ ბრწყინვალე პასაჟებთან ერთად აქ ისეთი შტრიხებიცაა, ახალი დროის ქროლვას რომ მიგვანიშნებს: „პროლეტარიატის ძირითადი მოთხოვნის უბანი...“ „ჩვენთვის საჭიროა სოციალისტური რესპუბლიკა“...

მწერლობა არ არსებობს დიდი სოციალური პრობლემების გარეშე. ნიკოლორთქიფანიძეს ცხოვრება და მოღვაწეობა უხდებოდა ისეთ ეპოქაში, როცა ეს პრობლემები თვითონ ითხოვდნენ გადაწყვეტასა და გვერდის ავლა არ შეიძლებოდა. ერთ-ერთი ასეთი პრობლემა ჩვენს სინამდვილეში იყო სოფლად კაპიტალიზმის შემოჭრა, პატრიარქალური ოჯახის ნგრევა და გლეხის ფსიქოლოგიის გარდაქმნა, მისი ორმაგი ბუნების ყველაზე ცუდი მხარის გააქტიურება. ამ

პრობლემას მიუძღვნა ნიკოლორთქიფანიძემ მოთხრობა „კერიასთვის“ ხაზარაძე შეილები ოჯახის მთელი ისტორიის გაყრის მომენტიდან მინაიას, ამ ნაწარმოების მთავარი გმირის, ფიზიკურ და სოციალურ განადგურებამდე, არის რევოლუციამდელი ქართული სოფლის დუხჭირი ცხოვრების ისტორია.

ამ ისტორიას ფონიც შესაფერისი აქვს. „ხრიოვი, მოწითული, თხანარევი სერები... გვიმრა-გაცივითლებული... გადაჭრილი, ვადაჩეხილი ბუჩქნარი... ფულურო ეოლის ხეები... დაქლქებული, უფოთლო შტოებიანი მუხა... ღორი ჩიჩქნის ამ უნაყოფო მიწას... ფერდებჩაღწვილ ვირს ყურები მწუხარეთ ჩამოუშვია... გაბურძგენილი, გამხდარი ძროხა ცდილობს მოიბალახოს... მუწუქებით საცხე მოზუხნული ბავშვი, თითქმის ტიტველი, ტირის და ფეხის გულში შენასობ ეკას ეძებს... მუნიანი ძალი ხარბად უყურებს ბავშვის კალთაში ჩამალულ მჭადის ნატეხს. ფერდობს ზევით ისლით დახურული ქოხი მოჩანს, ვადახრილია სიბერისაგან, უხმოთ იხვეწება, დამასვენეთო, ბურთულიდან ამოდის კვამლი ნაზი, თხელი... თითქოს საკმეველია ცაში გაგზავნილი სათხოვრათ:

გეშინ და გაგვადლოთ!...“

ეს დილით ადრე ქალაქში ბედის საძებნელად მიმავალ მინაიას თვალებით დანახული სურათია. ასეთი დასტოვა მან ის და ასეთივე დახვდა რამდენიმე წლის შემდეგ, საკუთარი კერიის გასაჩაღებლად რომ ჩამოვიდა.

ბედმა სად არ ატარა იგი — მეფის არმიამი, შორეულ გადასახლებაში... და სადაც არ უნდა ყოფილიყო, არსად არ ასვენებდა ფიქრი კერიაზე, იქიდანაც სულს უბერავდა თავის კერიას, რომ ცეცხლი უგეჩაღებინა. როგორც იქნა ჩამოვიდა, ოჯახი ფეხზე დააყენა, ეკონომიურად მომძლავრდა, მაგრამ სწორედ ამ დროს დაღუპა წოდებრივი აღზევების ცდუნებამ. ლოთი და უქნარა აზნაური შემოიყვანა ოჯახში სიძედ. მან მინაიას სიმწრით ნაშოვნი ქონება გაანიავა, სახლი გააყიდვინა. მინაია დამბლით გარდაიც-

ვალა. მის საფლავს ასე დისტირის უბედური მეუღლე: „საწყალო, კერია წავართვეს, მაგრამ სამინდღეოთი გაც. შენი კერია ვერ შეირჩინე, სანამ საფლავში არ ჩადი... ერთი ქვა, ერთი ხის ჯვარი მაინც დამადგმევია შენს თავზე...“

ასე ტრაგიკულად დამთავრდა ცხოვრება კაცისა, რომელიც ფრჩხილით, კბილით, ყველაფერი ებღალტებოდა კერიას და მაინც ვერ შეინარჩუნა.

ქრონოლოგიურად ამ მოვლენებს მოსდევს ნიკო ლორთქიფანიძის ვრცელ მოთხრობაში „ბილიკებიდან ლიანდაგზე“ ასახული 1905 წლის რევოლუციის წინაპერიოდის ამბები. ეს ნაწარმოები საბჭოთა წყობილების დამყარების შემდეგ, ოციანი წლების მეორე ნახევარში შეიქმნა და ამ დროის იდეური სიმაღლიდან არის დანახული რევოლუციური წარსულის სურათები.

მოთხრობა იწყება იმით, რომ სოფელში მოუსავლიანობა და სწორედ ამ დროს ფარნაოზს მარგველაძეს ქალაქიდან ეწვია ძმა პარმენა ცოლშვილით... ძმების დიალოგი ნათეს ჰფენს მაშინდელ ვითარებას და ხალხის განწყობილებას.

— „მაინც რა ამბავია ქალაქში? — ეკითხება პარმენს ძმა.

— რა ვიცი, ფარნაოზ ჩემო, ამბობენ მიწებს დაურიგებენო ხალხსო... გადასახადი არ იქნებაო.

— მერე ხელმწიფე რას ამბობსო?

— იმას ქე ჩამოაგდებენ...“

ფარნაოზს ეს არ სჯერა. მას თავისი დარდი აქვს, რით გამოყვებოს ოჯახი.

ძმები და ქალაქიდან ახლად ჩამოსული მუშა-ბოლშევიკი ვაიოზ ლაბარდავა ტყეში მიდიან სამუშაოდ.

ფარნაოზი კატასტროფის შედეგად იღუპება. მის დაკრძალვაზე ვაიოზი გამოდის სიტყვით. გლეხები აქ პირველად ისმენენ „პოლიტიკურ სიტყვას“.

აქედან ვითარდება მოვლენები.

მოძრაობაში ებმება ფარნაოზის დაობლებული შვილი შაქრო. მოთხრობის დასასრულს იგი რკინიგზის ინჟინერია

და აქტიურად მონაწილეობს რევოლუციურ მოძრაობაში.

ნიკო ლორთქიფანიძე იყო პირველი ქართველი მწერალი, რომელმაც კომუნისტების ბრძოლა არა მხოლოდ რიზმისა და კაპიტალიზმის, არამედ მენშევიზმისა და სხვა მტრული მიმდინარეობების წინააღმდეგაც. კომუნისტში მწერალი ხედავდა ზნეობრივად და ესთეტიკურად სრულყოფილ ადამიანს.

ადამიანის შემოქმედებითი ძალებისადმი, მისი მაღალი დანიშნულებისადმი რწმენითაა შთაგონებული აგრეთვე საბჭოთა წყობილების პირველი წლების ცხოვრების ამსახველი ნოველა „მოქანდაკე“. მკითხველის აღტაცება იწვევს აღმასკომის თავმჯდომარის გულითადი მოპყრობა სილატაკისა და სიბნელეში ობლად გაზრდილი ბიჭისადმი, მისი გულწრფელი დაინტერესება ამ ნიჭიერი ყმაწვილის მომავლით. ახალი წყობის, ახალი ადამიანების მეშვეობით, მატერიალური და მორალური დახმარებით ეუფლება ნოველის გმირი მხატვრული შემოქმედების ოსტატობას.

იმ აზრის საწინააღმდეგოდ, რომ ადამიანს თავისი მიწიერი ბუნების გამო თითქოს არ შეუძლია აღიქვას და გამოხატოს სიკეთის, ქეშმარიტებისა და მშვენიერების ერთიანობა, რომ ეს არის ღმერთის პრივილეგია და იგი უნდა ვალიაროთ „უმაღლეს მხატვრად“, — ვ. ი. ლენინი ახალი საზოგადოების უმნიშვნელოვანეს ამოცანად აყენებდა ადამიანში მხატვრის გაღვივებასა და განვითარებას, ესე იგი, უნივერსალური უნარის განვითარებას — შემოქმედებით დამოკიდებულებას ცხოვრებისადმი.

ნიკო ლორთქიფანიძე სწორედ ამაში ხედავდა ადამიანის ბედნიერებას, კომუნისტები მიაჩნდა ბედნიერების მქედლებად, ცხოვრების ახლებურად, რევოლუციურად, მაღალი იდელების მიხედვით გარდაქმნის ორგანიზატორებად.

* * *

ეს წერილი რომ გადავიკითხოთ, ერთობ გვებევრა მწერლის ნაწარმოებები-

დან მოტანილი ადგილები. იქნებ შეიძლება მათი სხვა სიტყვებით, მოკლედ გადმოცემა, შეკუმშვა? არა. როგორც კარგი ლექსის სხვანაირად თქმა, ასევე ნიკო ლორთქიფანიძის ნაწარმოებთა პასაჟების სხვანაირად გარდათქმა შეუძლებელია. იგი იმდენად დიდი ოსტატი იყო თითოეული ფრაზის, პასაჟის, სიუჟეტის, მთელი კომპოზიციის კონდენსირებისა, რომ ამ მხრივ მის პროზას მხოლოდ პოეზია თუ გაუწევს მეტოქეობას.

ამის ბრწყინვალე ნიმუშები:

- „ბებრები“;
- „ტრაგედია უკმიროდ“;
- „თავსაფრიალი დედაკაც“.

მხოლოდ ქრონოლოგიურ პრინციპს ევდებთ საფუძვლად ამ ნაწარმოებების ასეთი თანმიმდევრობით დალაგებას. სამივე ნოველა შექმნილია 1920-1925 წლებში, მწერლის შემოქმედებითი ენერჯისა და ოსტატობის მაქსიმალური სრულყოფის პერიოდში.

სულ რაღაც ორი გვერდი დასჭირდა ნიკო ლორთქიფანიძეს იმისათვის, რომ მომხიბლავი ბუნებრივობითა და იშვიათი სიზუსტით დაეხატა მოხუცი ცოლ-ქმრის ოჯახი, კარმიდამო, მთელი ავლადილება, გარემო, ღრმა პატივისცემითა და სიფაქიზით აღბეჭდილი ურთიერთობა, ზაფხულის გაგანია სიცხეში ძილის ბურანიდან გამოსვლა, ტკბილი სიზმარი, კიდევ უფრო ტკბილი მოგონებები პირველი შეხვედრისა, ნიშნობის დღისა...

აზნაურ ბეგლარის ფრჩხილის ოდენა ეზო, წნელის ღობე, მაცყლით გადახლართული კენძები და ყორე, ყვარაყრილი ორსართულიანი პატარა ოდა, ცალი ხარი და ქალბატონ ეკატერინეს უშობე-ლი, დაუღლელი ღორი, კედელზე ჩამოკიდებული სასროლი ბაღე და მოძველებული ეკხი... სრულ წარმოდგენას გვაძლევს ნოველის გმირების მარტო დღევანდელ ყოფაზე კი არა, წარსულზეც.

ოდის წინ ნიგვზის ძირში გაფენილი დაგლეჯილი ჭილოფიც, ზედ ბეგლარი რომ წევს, საერთო სურათის დამახასიათებელი დეტალია.

აქ არავითარი ნიშანწყალი არ არის ისეთი, რომ ამ ოჯახს მემკვიდრე ჰქონდეს. ცოლ-ქმრის დიალოგიც ამას მოწმობს. მათ შვილი არ ჰყოლიათ, თორემ... „ქალბატონ ეკატერინეს უშობელს“ გვაცნობენ, იქ შვილის „გადამალვა“ წარმოუდგენელია.

ისინი მარტოდ არიან ერთმანეთის შემყურენი, სხედან ნიგვზის ჩრდილში და იგონებენ ახალგაზრდობას, ნიშნობის დღის უნეტარეს წუთებს, მოძრაობის ყოველ დეტალს, გარეგნობას, ჩაცმულობას...

„მუსიაფის დროს ბეგლარი ხელს მოხვევს; ეკატერინე თავს გულზე დაადებს; მოგონებათა ბურუსში გახვეული ჩუმათ სხედან, და ძნელი გამოსაცნობია, სთვლინენ თუ გაქვავებულან“.

თითქოს მოქანდაკეს გამოუტერწავს ერთმანეთის მოსიყვარულე, მოგონებებით დამტკბარი ბებრების წარუშლელი სახეები!

„ბებრები“ ლირიკული ნოველაა, ოპტიმისტური ხასიათისა, მაგრამ მაინც აზის წარმავლობის განცდის ბეჭედი და სევდასაც გვაპარებს.

სულ სხვა ხასიათისაა „ტრაგედია უკმიროდ“.

მისი გმირია შიმშილი.

ადამიანის ამ ყველაზე ცხოველურ გრძნობაზე ნიკო ლორთქიფანიძეს ბევრი რამ აქვს დაწერილი („ბრმა თერძი“, „შევირდი“, „ბედნიერება“), მაგრამ არცერთი არ არის ნამდვილი ტრაგედიის დონემდე ასული. შიმშილის დახასიათებაც არ არის არსად მოცემული. „ტრაგედია უკმიროდ“ კი შიმშილს წარმოგვიდგენს პერსონაჟად, რომლის გარშემო ტრიალებენ მამა, შვილები და ნეზობელი.

მამამ მეზობლისაგან ისესხა ნახევარი ჯამი ფქვილი.

— „მამა ფქვილი მოიტანე? — ახრი-ალდენ ბავშვები

— გვაჭმევ?

— კი, შვილო, კი, ბიჭო. — ეუბნებოდა ხან ერთს და ხან მეორეს.

ბავშვებს უთქმელად მოჰქონდათ ფიჩ-

ხი, ანთებდნენ ცეცხლს, აწყობდნენ და ასწორებდნენ კეცებს“.

ბავშვების მოუთმენლობამ მოაგონა, რომ კარგი იქნებოდა ქალების გამოცხობამდე მათი თავიდან მოშორება, და ისინი ოხრაბუხზე გაგზავნა.

„ქადის სუნმა მამა აიტაცა. კეციდან ქადი აიღო, გატეხა, გასაგრილებლად დაბერა და „გასასინჯად“ ლუკმა პირში ჩაიღვა. მთელ სხეულს განუზოპელი მალა აღეძრა...“

მეორე ლუკმა...

სწვავდა ენას და მიინც ქამლა.

ბავშვები შემოვარდნენ.

— მომეცი, მამა!

— მეც!..

— ვადით თქვე გასაწყვეტლებო!

— მამა, მამა!..

— მამა, ერთი ლუკმა!

ბავშვები ცალი ხელით მილახა და ლფაროში გაყარა. იქედანაც თვალზე ცრემლშემმხმარი ბავშვები ძალღებვივით ენაოდნენ და იძახდნენ:

— მამა, გვაჭამე!

ყურადღებას არ აქცევდა...“

გვიან მოვიდა გონს: „მე შეეჭამე... ბავშვებს არაფერი ვაჭამე... რა ვქენი! დედა ხომ არ იზამდა!...“

„მამა წამოიჭრა. ეზო გადაირბინა. ვენახში მოხვდა. გაბმული ცხვარი სძოვდა. ახსნა. გავიდა ხეზე. დაჯდა. ბაწარი ტოტს მაგრად მიაბა, მარყუჟი გამოსკვნა მეორე ბოლოში, გაშინჯა — კისერზე თუ მომიჭერსო და...“

საბრალო მამა ერთი წუთით გამოითიშა, ცხოველურმა ინსტინქტმა სძლია, შვილების წინაშე მოვალეობა დააფიქსა, ადამიანის სახე დაკარგა, მაგრამ როგორც კი გონს მოეგო, თავის თავს მკაცრი განაჩენი გამოუტანა და დაუყოვნებლივ მოიყვანა სისრულეში.

ადამიანური სისუსტე მკაცრად დაისჯა. ამ ნოველაში მამის სისუსტეს ღრმად უსვამს ხაზს თვით მისივე სიტყვები: „დედა ხომ არ იზამდა!“

ჩვენ ეს გვჯერა.

ამაში გვარწმუნებს „თავსაფრიანი დედაკაცი“.

...ქალიშვილის უხიაგი სიტყვებით განაწყენებულმა გაიფიქრა: „აღარაგნისთვის ვარ საჭირო, სრულიად არააჭიროა სრულიად ზედმეტი... დიდი ხანია ჩემ კაცთან უნდა წავსულიყავიო...“

და ჩუმად, ფეხბარფით გამოვიდა ნაქირნახულვად ქოხიდან.

უღარსმა შვილებმა კარგა ხანს ვერ გაიგეს დედის გადაკარგვა. როცა გაიგეს, შეწუხდნენ — „მოგვეჭრა თავი სოფელქვეყანაში... რას იტყვიან, მოხუც დედას ვერ მოუარესო?!“

დედას გულმა უგრძნო და ამ უხერხულობიდანაც გამოიყვანა შვილები. ჩამოთხოვილი ფულით დაზღვეული, მისი ნაკარნახევი, სხვისი დაწერილი ბარათი გაგზავნა და შვილები დააშოშმინა — ნუ შექმბთ, სალოცავად ვარ წასულიო.

ამას, ალბათ, ყველა დედა არ იზამდა. ისე როგორც ყველა მამა, თუნდაც ერთი წუთით, შიმშილით სიყვდილისაძვის არ განწირავდა შვილებს.

„თავსაფრიანი დედაკაცი“ დედობის, ადამიანური სიამაყის საგალობელია.

თუ ნიკო ლორთქიფანიძის შემოქმედებას დიდებულ ტაძრად წარმოვიდგენთ, „თავსაფრიანი დედაკაცი“ ამ ტაძრის გუმბათია. და, ალბათ, გადამეტებული არ არის, რომ მას ილია ქაქავაძის „ოთარანთ ქვრივის“ გვერდით აყენებენ.

თავსაფრიან ქალს აქვს ჩვეულებრივი ბიოგრაფია, რომელსაც ამშვენებს საერთოდ ქართველი ქალისათვის დამახასიათებელი ადამიანური თვისებები: თავშეკავება, პატოსნება, ოჯახის ერთგულება და სიყვარული, ჭირსა შიგან გამაგრება, შვილებისათვის თავგანწირვა...

მწერალი თავიდანვე სწორედ იმას უსვამს ხაზს, რომ ყველაფერი დაიწყო ჩვეულებრივად, ძველებურად...

„გაძვრა-გამოძვრა მაქანკალი.“

ნამალევით შორიდან დაანახა ქალი; მოაწყო „ქალის ნახვა“ და მიაცემინა შარნა.

და მერე?

მერე ძმადებმა სამჯერ შეხცვალეს

ბეჭედი, თავს დაახურეს ოქროს კაბები-
ანი გვირგვინი;

გავარდა დამბაჩა და მაქახელა.

აქიყინდა ზურნა“.

აქ ყოველ სიტყვას აქვს დიდი აზრო-
ბრივი და ემოციური დატვირთვა. ერთი
ხაზის მოსმით თვალნათლივ არის დახა-
ტული რევოლუციამდელი ქართული სო-
ფლისა და ყოფის დამახასიათებელი მა-
ქანკლობის, გამზივებისა და ქორწინე-
ბის უაღრესად კოლორიტული სურათები.

ახალგაზრდა ცოლ-ქმარი შეუდგა ცხო-
ვრების მძიმე უღელს.

— „კაი ნოვროს გამოდგენ:

სამი წელი —

სამჯერ გამოწეული მუცელი და შეზ-
ნეპილი წელი;

სამჯერ ჭორფლი და მყავე კიტრი;

ჩქარობდნენ თითქოს!“

ოჯახს გამოეცალა ბურჯი. სენმა და
სიკვიდილმა გაანიავა ყველაფერი. თავსა-
ფრიანი ქალი მარტოდ მარტო ეწევა მძი-
მე უღელს და სწორედ აქ, მძიმე განსა-
ცდელის ჟამს გამოჩნდება მისი ქალობა,
მაღალი სულიერი თვისებები.

„იმბატა ობლების მტერმა, იკლო მოყვა-
რემ, და იგი დადის

პოლიციაში,

სასამართლოში,

მეზობლებთან,

მამასახლისთან,

თავმდაბალი,

საჩივრით,

მუდარით,

ისე რომ ვერ აჩერებს კედელი,

მარკა,

სიშორე —

გადაიფრენს, იშოვის, გაივლის, გას-
ცურავს, მიიფრენს,

თავისას კი მიადწევს:

ბავშვებს სიმართლეს მოუნახავს,

დახმარებას გამოითხოვს,

მავრამ ოჯახს არ უმტყუნებს,

კერიას არ გააცვივებს“.

მწერალმა ასე ლაბიდარულად დაკვი-
რება დაბალი ფენიდან გამოსული, უილ-
რესად მიწიერი, ძლიერი, სიკეთარნი მისი
ვსე ადამიანი, რომლისთვისაც ვერაფერს
ბოძს გადაულახავი დაბრკოლება წმინ-
დათა წმინდა მიზნისაკენ მიმავალ გზაზე.

„თავსაფრიანი დედაკაცი“ ძლიერია,
ამაყია, მშვენიერია იმიტომ, რომ მართა-
ლია.

ნიკო ლორთქიფანიძე ყველა ვითარე-
ბაში, წყვილიდმოც კი, ცდილობს მიაკვ-
ლიოს ადამიანობის თუნდაც სულ მცირე
ნიშანწყალს. ამაზე მეტყველებს შეჯავშუ-
ლი აჭარული ბეგის სევდიანი სიმღერა
საპყრობილეში; „გამხეცებული“ ადამიან-
ის „გამოჭერა“ სიტუაციაში, სადაც წა-
მიერად იღვიძებს ადამიანობა; ციციხის
ცდა — თავი დააღწიოს ვარყენილების
ბუდეს, ვახტანგისთან ერთად გაიქცეს
და „ერთი წმინდა სიყვარული, ერთი
წმინდა ცხოვრება“ იგემოს...

არც მონა!

არც ღმერთი!

მხოლოდ ადამიანი!

არა გაღმერთება, არამედ ამაღლება!

ასეთი იყო ნიკო ლორთქიფანიძის შე-
მოქმედების აზრი.

საბჭოთა წყობილების გამარჯვების შე-
მდეგ ამ აზრმა უფრო კონკრეტული მხა-
ტერული სახე მიიღო.

ახალგაზრდა ხელოვანი, მწერლის ერთ-
ერთი ნოველის გმირი, რომელიც ხალხის
წიაღიდანაა გამოსული, უწინარეს ფიქ-
რობს, უბრალო მშრომელი ადამიანი გა-
აუქვდავკოს ხელოვნების ძეგლში.

ეს მიზანი ამოძრავებდა თვით ნიკო
ლორთქიფანიძეს.

მთელი მისი ცხოვრება და შემოქმე-
დება, — ეს იყო ადამიანისა და სამშობ-
ლოს გამოსარჩლება.

ერთ-ერთ აღრინდელ ნაწარმოებში წე-
რდა:

„ვაჟაკი წლებს შეაღვეს დედა-მამას,

წლებს სამშობლოს, მეცნიერებას, ხელო-
ვნებას, წლებს ცოლ-შვილს... როცა სი-
ცოცხლის დღენი მიეწურება, — სულე-
ლია თუ იფიქრებს, რომ ვინმე მოეფერე-
ბა, დააშოშმინებს: და იგია გმირი, თუ
დინჯის ნაბიჯით, გულდამშვილებით გა-
სწევს სპარისაკენ, გზაზე მთროლოვარე

ხელით კიდევ ეცდება დარგოს ხე, როცა
გამგლეღმა ხილი იხილოს, ქრქვევს ქრქ-
რდილოს“.

ზინბლინიშვილი

ასეთი გმირი იყო თვითონ ნიკო ლო-
რთქიფანიძე, — უკანასკნელ ამოსუნთ-
ქვამდე წერდა ადამიანისა და სამშობ-
ლოს სადიდებელს.



პაპეი ჯოკბენაქი

ეპოქა, თეატრი, მაყურებელი

არც ისე დიდი ხნის წინათ ბევრი ლაპარაკობდა თეატრის კრიზისის, მისი კვდომის შესახებ მხოლოდ იმიტომ, რომ მას მაყურებელი მოაკლდა. მაგრამ ბოლო წლებში თეატრმა კვლავ მიიზიდა მაყურებელი, თეატრი აღმავლობის გზას დაადგა. სხვანაირად წარმოუდგენელიცაა. ერის კულტურული სახის განმსაზღვრელი თეატრიც არის. მსოფლიოში არ არის კულტურული ერი, რომელსაც მდიდარი თეატრალური ტრადიციები არ ჰქონდეს. თეატრმა თავის დროზე დიდი როლი ითამაშა ერის კონსოლიდაციის საქმეში, ხალხთა გამათავის უფლებელ ბრძოლაში, ერის კულტურულ განვითარებაში. იგი, შეიძლება ითქვას, ერის კულტურული მაჯისცემის მაჩვენებელია, სხვა ხალხებში ეროვნული კულტურის გატანის საუკეთესო საშუალებაა. თეატრი

ასევე თანამედროვე იდეოლოგიური ფრონტის მოწინავე ხაზია, იგი მოწოდებულია ადამიანი უფრო ადამიანური, კეთილშობილი გახადოს, ხელი შეუწყოს საზოგადოების მახინჯი მოვლენების ძირფესვიანად ამოკვეთას, რაც ასეთ აქტუალურ საკითხად იქცა ჩვენს რესპუბლიკაში. თეატრს მუდამ პასუხსავები ამოცანა ჰქონდა დაკისრებული. ახლა კი მან უფრო ძალმოსილი სიტყვა უნდა თქვას წინააღმდეგობებით სავსე თანამედროვე ცხოვრებაში, პროგრესულ ტენდენციათა დამკვიდრება-დანერგვაში.

რა თქმა უნდა, ხელოვნების ისეთმა პოპულარულმა დარგებმა, როგორცაა კინემატოგრაფია, ტელედადგმები და ტელევიზიები, თეატრს წაართვა მაყურებელთა გარკვეული რაოდენობა, მაგრამ კინო და ტელევიზია მექანი-

კური სამომხმარებლო საშუალებათა, ხოლო თეატრს აქვს ადამიანთან — მსახიობთან განუმეორებელი სინქრონული კონტაქტი. თუ კინოში, ტელევიზორში ჩვენ ვხვდებით ფირზე ფიქსირებულ გარდაცვლილ მსახიობებსაც კი, სცენაზე კონტაქტს ვამყარებთ ცოცხალ ადამიანთან, ასევე ცოცხალ, მიმდინარე დროში, რომლის ფიქსირება მექანიკური საშუალებით არ ხდება და, როგორც ყოველი ცოცხალი ორგანიზმი, სპექტაკლი მისი რეპერტუარიდან მოხსნის შემდეგ კვდება. მაშასადამე, მსახიობს მაყურებლის გარეშე არ შეუძლია სცენაზე გამოვიდეს, ილაპარაკოს, განსახიეროს, რადგანაც ვინმეს ხომ უნდა ელაპარაკოს, ვინმეს ხომ უნდა „უჩვენოს“. მაშასადამე, თეატრში ყველაფერი აგებულია მსახიობისა და მაყურებლის კონტაქტზე. თანამედროვე თეატრიც უნდა ეძებდეს ამ მჭიდრო კონტაქტის დამყარების ახალ გზებს. და თუ ეს განხორციელდა, თეატრის არსებობასაც არავითარი საფრთხე არ ელოდება.

კინემატოგრაფისა და ტელეფილმების მიმზიდველი ძალა სწორედ იმაში მდგომარეობს, რომ ისინი იძლევიან სინამდვილის მაქსიმალურ ილუზიას: მოქმედება ხდება ნამდვილ ტყეში, ქალაქის ქუჩებში, ზღვაზე და ა. შ. კოსტუმებიც, მსახიობთა გარეგნობაც, მეტყველებაც უფრო „ნამდვილი“, უფრო „ბუნებრივია“, ვიდრე სცენაზე. მაგრამ ეკრანზე

მოძრავ და მოლაპარაკე სურათთებთან ერთად თანამედროვე მაყურებელს სჭირდება დათქმული ფილოს ადამიანისათვის სიათებელი, თუნდაც თანდაყოლილი უნარი — თამაშში მონაწილეობის სურვილი, რაც თავდაპირველად გამოიხატა საწესხვეულებო თამაშებში, მასობრივ გუნდურ სიმღერა-ცეკვებში, სახიობაში. ამ სურვილს მაყურებელი იკმაყოფილებს მსახიობებთან ცოცხალი კონტაქტით. მაყურებელი დრამატურგის, განსაკუთრებით კი რეჟისორისა და მსახიობის თანაშემოქმედი ხდება: მას ესა თუ ის არ მოსწონს, ან მოსწონს, ამა თუ იმ სცენას განიცდის, სხვას კი გულგრილად უყურებს. რეჟისორი და მსახიობები დარბაზის რეაქციის მიხედვით გრძნობენ, გამოვიდა თუ არა სპექტაკლი, შესაბამისად, თანდათანობით შეაქვთ მასში კორექტივები, და სპექტაკლიც კინოფილმებისაგან განსხვავებით გამუდმებით იქმნება, იხვეწება. ეს არის სწორედ შემოქმედების განუწყვეტელი პროცესი, სპექტაკლის არსებობა დროში.

მიუხედავად დიდი პოპულარობისა, კინოფილმებმა და ტელედადგმებმა მაინც ვერ შესძლეს მთლიანად თავის თავზე აღლოთ თეატრის ფუნქცია და მისი თავისებურებანი. ხელოვნების ყველა დარგს აქვს თავისი სპეციფიკა, ამდენად დამოუკიდებელი არსებობის უფლებაც და ერთის პოპულარობა მეორის სიკვდილს

როდი ნიშნავს. თეატრს, კინემატოგრაფს და ტელევიზიას შეუძლიათ მშვიდობიანი თანაარსებობა და ურთიერთშევესება: თეატრი აწვდის კინემატოგრაფსა და ტელევიზიას რეჟისორებს, მსახიობებს, მხატვრული განსახიერების ამა თუ იმ საშუალებას, კინემატოგრაფი და ტელევიზია თავის მხრივ თეატრს უშინადებს მაღალესთეტიკურ მომთხოვნ მაცურებელს. რამდენადაც პარადოქსალური არ უნდა იყოს, კინემატოგრაფისა და ტელევიზიის კონკურენციამ თეატრი წინ წასწია, დაუსახა მას განვითარების ახალი გზები. მსოფლიოს ყველა თეატრში ამჟამად მიმდინარეობს ახალი მხატვრულ-გამომსახველობითი საშუალებების ძიება და მათი დამკვიდრება სცენაზე. რაც შეეხება ი. ჭავჭავაძის სახელობის ბათუმის სახელმწიფო დრამატულ თეატრს, მას ბოლო წლებში გარკვეული წარმატება აქვს, რის შესახებაც დაიწერა როგორც ადგილობრივ, ისე რესპუბლიკურ პრესაში. გულთბილად მიიღეს მაცურებლებმა ისეთი დადგმები, როგორცაა „მოსამართლე“, „დარისპანის გასაჭირი“, „თვალი პატიოსანი“, „ჭრილობა“, „გზა, ყარამანს ცოლი მოჰყავს!“ და სხვა. რაც მთავარია, გამოცოცხლდა ჩვენი ქალაქის თეატრალური ცხოვრება. იგრძნობა მაცურებელთა დაინტერესება ახალი სპექტაკლებით, ხშირად ეწყობა სპექტაკლების განხილვა საწარმო-დაწესებულებებში. ბათუმის თეატრის საჭირბოროტო სა-

კითხვებს მიეძღვნა აჭარის თეატრალური საზოგადოებია ჩიქოტა რებული მაცურებელთა საქალაქო კონფერენცია. ერთი უმჯობესი კარგი პერსპექტივები დაისახა ბათუმის თეატრის კოლექტივის წინაშე და მაცურებელიც ახალი სეზონისათვის მოელის კარგ, იდეურად გამართულ და მაღალმხატვრულ სპექტაკლებს.

მაგრამ აქ გვინდა ყურადღება გავამახვილოთ არა იმდენად თეატრის მიღწევებზე, რაზეც ბევრი ითქვა და დაიწერა, არამედ იმ ცალკეულ საჭირბოროტო, თეატრისათვის მტკივნეულ საკითხებზე, რომელთა გამოსწორებას ახალი სეზონისათვის უკვე შეუდგა თეატრი, და აგრეთვე მაცურებელთა პრეტენზიებზე თეატრის მიმართ და, პირიქით, თეატრის პრეტენზიებზე მაცურებელთა მიმართ.

კინემატოგრაფის, ტელევიზიის, თეატრალური დადგმების, პროფესიული სტატიებისა და რეცენზიების წყალობით ძალზე მორავღლდნენ „ყოვლის მცოდნე“ თეატრალეები, ე. წ. „ვისტუბლენცები“, რომლებიც გამოსვლებში თუ სტატიებში ცდილობენ გვიჩვენონ თავიანთი ერუდიცია, გვაგრძნობინონ, რომ ყველაფერი იციან, თავიანთ მოსაზრებებში უცოდველნი არიან და მედიდურად, ნილილისტურად უდგებიან თეატრის დასის დაძაბულ შრომას, ქვას ქვაზე არ სტოვებენ იმ სპექტაკლების განხილვისას, რომლებიც მათ უნახავთ. ასეთი „ვისტუბლენცის“ როლში გამოსვლა

არც თუ ისე სახარბიელო საქმეა: უარყოფა მუდამ ადვილია, ნგრევა ერთის ხელის მოსმით შეიძლება. აშენება, შექმნა კი გონების, მთელი ინტელექტუალური ძალების კოლოსალურ დაძაბვას მოითხოვს. რა თქმა უნდა, სუსტი მხარეები საკმაოდ ბლომად გააჩნია ბათუმის თეატრს, მაგრამ ამიტომ კი არ უნდა ვუკივინოთ, მედიდურად კი არ უნდა მივუდგეთ თეატრის გასაჭირს, არამედ ერთიანი ძალით, პრაქტიკული ქმედითი საქმიანობით დახმარების ხელი გავუწოდოთ თეატრის კოლექტივს. ნიშნებს სენტენცია — თუ კაცი იქცევა, უბიძგო, ჩვენ არ გამრგვადებმა.

დავიწყოთ თუნდაც თეატრის რეპერტუარიდან. თვით თეატრის ხელმძღვანელობა იძულებულია აღიაროს, რომ თეატრის რეპერტუარი გავსებულია გარეშე თუ ადგილობრივი დრამატურგების იდეურად და მხატვრულად არასრულყოფილი პიესებით. რა თქმა უნდა, ყველაფერი არ შეიძლება გადავებრალოთ თანამედროვე ქართულ დრამატურგას, რომელიც არც ისე უხვად ამარაგებს ჩვენს თეატრებს მაღალმხატვრული პიესებით. ბრალი მიუძღვის თვით თეატრის ხელმძღვანელობასაც, რომელიც უნდა იჩინდეს მაღალ პრინციპულობას, რეპერტუარის შერჩევისას არ უნდა მიდიოდეს არავითარ კომპრომისზე, არავითარ დათმობაზე, რამდენადაც საკმე ეხება თეატრალურ ხელოვნებას, ხელოვნება კი ყოველგვარ

მიეკრობებით სუბიექტურ შექმნებს გამორიცხავს და მოითხოვს მხოლოდ და მხოლოდ მათგან, ვინც ურ და მაღალმხატვრულ მოვებებს. რა თქმა უნდა, ყველა პიესა, ყველა სპექტაკლი არ იქნება სათანადო მხატვრულ დონეზე. ეს შეუძლებელიცაა. ჩვენ ხომ საკმე გვაქვს ცოცხალ შემოქმედებასთან, და ხელოვანს, რომელიც მუდამ რალაც ახალს, განუმეორებელს ქმნის, არ შეუძლია ხელოვნის მსგავსად ნიმუშების, სტანდარტების მიხედვით „აკეთოს“ (თუმცა, რატომღაც ამ ბოლო დროს თეატრალურ ხელოვნებაშიც ფეხს იკიდებს ხელოვნებისათვის საეხებით შეუფერებელი გამოთქმა: „სპექტაკლები მსოფლიო სტანდარტის დონეზე“). კარგი სპექტაკლი საერთოდ თითზე ჩამოსათვლელია. მაგრამ ეს უფლებას როდი აძლევს თეატრის კოლექტივს არ იზრუნოს რეპერტუარის გაუჯობესებაზე, თავის საქმიანობაში ახალი ნოვატორული მხატვრულ-გამომსახველობითი საშუალებების დანერგვაზე.

ბათუმის თეატრში ამ ბოლო დროს კარგი ტენდენცია დაისახა. თეატრის ხელმძღვანელობა გაბედულად ანდობს თეატრალურ ახალგაზრდობას ახალი სპექტაკლების შექმნას. ამ მხრივ მეტად საგულისხმო მოვლენა იყო დებიუტანტ დრამატურგის ლ. თაბუკაშვილის პიესის „ჭრილობა“ განხორციელება თეატრის სცენაზე. საერთოდ, ახალგაზრდობას საკმაოდ დიდი წვლილი შეაქვს თა-

ნამედროვე დრამის განვითარებაში. თუნდაც გავიხსენოთ, როგორ ჩაუყარა საფუძველი მთელს მიმართულებას 50-იანი წლების ინგლისურ ლიტერატურაში დამწყებმა დრამატურგმა ოსბორნმა. ასევე გარკვეულ კვალს ავლენენ ახალგაზრდული თეატრები ევროპის სხვა ქვეყნებში, განსაკუთრებით პოლონეთში, გერმანიის დემოკრატიულ რესპუბლიკაში და ჩვენშიც.

გულწრფელად, ახალგაზრდული უშუალობითა და გატაცებითა დაწერილი ლ. თაბუკაშვილის პიესა „ჭრილობა“. მაგრამ ახალბედა დრამატურგი გამოდევნებია იაფფასიან ეფექტებს, უცდია გარკვეულიყო ისეთ საკითხში, როგორცაა მკვლევობის მიზეზი და მკვლელის ფსქოლოგია, რისთვისაც, სამწუხაროდ, თავი ვერ გაუბრძოლა. ამიტომაც სპექტაკლში საკმაოდ ბევრი მოგონილი, ფსქოლოგიურად შეუქმნადებელი ადგილია. ავიღოთ თუნდაც მკვლევობის ეპიზოდი: რომანტიკულად კი ჟღერს, მაგრამ დაუჯერებელია, რომ დასახმარებლად გაწვდილი ხელის გამო მკვლელს შეეძლო სასიკვდილო დარტყმა ეგემებია ჭაბუკისათვის, რომელიც ცდილობდა ფათერაკს აეცდინა იგი, და ეს ხდება მაშინ, როცა კონფლიქტი თითქმის ჩამქრალია. მხატვრულობის ცნებას სცილდება თვით მკვლელის, ასევე რეჟისორ-კომენტატორის ცდა ბოროტმოქმედება გადააბრალონ მთელ საზოგადოებას, მკვლელი

კი მის უდანაშაულო მსხვერპლად გამოიყვანონ. ამიტომაც მკვლელის საკმაოდ გრძელი, მხატვრულად დაუჯერებელი, ყაფიყაფი ტიკური მონოლოგი ასევე მსხვერპლად რეაქციას იწვევს მაყურებლებში: იქ, სადაც ტრაგიკული, დაძაბული მომენტი უნდა იქმნებოდეს, დარბაზში სიცილი გაისმის — მაყურებელს არ სჯერა. ეს კი ყველაზე საშინელი რამ არის, როგორც დრამატურგის, რეჟისორის, ისე მსახიობისათვის.

მაგრამ, უნდა აღინიშნოს, რომ სპექტაკლი „ჭრილობა“ ჩვენი თეატრალური ახალგაზრდობის ძალების მოსინჯვის ერთ-ერთი ცდა იყო. თეატრის ხელმძღვანელობა სწორად მოიქცა, რომ ახალგაზრდობას გზა არ გადაუღობა; მიუხედავად ცალკეული სუსტი ადგილებისა, სპექტაკლი ნიჭიერად დადგმულია რეჟისორული გადაწყვეტისა და მსახიობთა თამაშის თვალსაზრისით. ამ სპექტაკლმა გვიჩვენა, რომ თეატრში მოვიდა ნიჭიერი ახალგაზრდობა. სხვა გზა ახალგაზრდა მსახიობების აღზრდისა არ არსებობს. ეს პირველი ნაბიჯია, პირველი ნაბიჯი კი არასოდეს არ არის ისეთი, როგორც იქნება შემოქმედებითი გზა შემდგომში: ახალგაზრდებმა იგრძნეს, რომ მათ შეუძლიათ თავიანთი მხრებით აიტანონ მაღალიდებული და მაღალმხატვრული სპექტაკლი, თუ ამის საშუალებას მისცემს კარგად დაწერილი პიესა.

ჯერ კიდევ მე-17 საუკუნის გამოჩენილი დრამატურგი ლოპე დე

გეგა ამბობდა: „სიმართლე, სიმართლე, არაფერი სიმართლის გარდა! არავითარი სიყალბე არც კაუის სწავლების გამო, არც ხელოვნების „კანონებისა“ და „წესების“ გამო! მაგრამ არა პატარა სიმართლე, არა უმნიშვნელო სიმართლე, არამედ დიდი, მნიშვნელოვანი, სიმართლე დიდი პრობლემებისა, დიდი განზოგადოებებისა, მთელი ხალხის ცხოვრების სიმართლე“.

თეატრის ჯადოსნური ძალა სწორედ იმაში მდგომარეობს, რომ შეიყვანოს მაყურებელი სინამდვილის ილუზიაში. მთლიანად დაეუფლოს მას, გახადოს სცენაზე მომხდარი ამბების თანამონაწილე, დააეწიოს, რომ იგი თეატრშია. მაგრამ როცა ასეთი ილუზია ირღვევა, მაყურებელი არა მარტო თავს გრძნობს თეატრში, არამედ სცენის სიყალბით ნირწამხდარი, გრძელი მონოლოგებითა და სენტენციებით გაღიზიანებული უფრო მაყურებლებს, ან დარბაზის ინტერიერს ათვალიერებს, ვიდრე უყურებს მსახიობების თამაშს. ამ მხრივ ერთობ მოიკოჭლებს სპექტაკლი „ჩვენ ყველანი“. პიესა აგებულია არა ცხოვრებისეულ მასალაზე, არამედ უკვე ნაცნობ ლიტერატურულ ან კინემატოგრაფიულ წყაროებზე, შაბლონად ქცეული თავისი კომპონენტებით, როგორცაა მანქანით ადამიანის გატანა, მილიციელის, გამომძიებლის და მოსამართლის ჩვეულება, უკვე მოსაბეზრებელი ფიგურები. პიესაში ერთმანეთზე დახობო-

ლავებული უამრავი შემთხვევითობა: დაბადების დღესთან დაკავშირებული ქეიფი შემთხვევით ფასანაურის რესტორანში, ღვინვით ღდება, მთვრალი ჭაბუკები შემთხვევით კაცს გაიტანენ, შემთხვევით ეს კაცი ბოროტმოქმედის მამა აღმოჩნდება. ასევე არადამაჯერებელი, ფსიქოლოგიურად შემზადებელია აბელის უარი შეცვალოს ნამდვილი მკვლეელი. აქამდე მას პატიოსნებაზე არ უფიქრია, ახლა კი რატომღაც ჩაფიქრებია თავის საქციელს. ყოველივე ეს გათვალისწინებულია იმისათვის, რომ ეფექტი მოახდინონ დაბალი ესთეტიკური დონის მაყურებელზე, იმას კი არ აქცევენ ყურადღებას, რომ თეატრის ერთ-ერთი მრავალეობაა აღზარდოს თანამედროვე მაყურებელი. რაც შეეხება მორალიზებას, იგი თეატრის გარეშე და საერთოდ ხელოვნების გარეშეც შეიძლება. მიუხედავად რეჟისორის ცდისა, ცალკეულ მსახიობთა ოსტატური თამაშისა, სპექტაკლი სუსტი გამოდგა. უნდა გვახსოვდეს, რომ სპექტაკლის ლიტერატურული ნაწილი, ე. ი. დრამატიული ტექსტი სპექტაკლის ძარღვს წარმოადგენს, განაპირობებს მის აკარგინაობას. მაყურებელზე ზემოქმედება თვით ტექსტში უნდა იყოს ჩაქსოვილი. თეატრში ყველაფერი დრამატურგიით იწყება. ამიტომაც ამ ხელოვნებას დრამატიულ ხელოვნებას უწოდებენ.

რაც შეეხება ა. გეწაძის პიესას „გზა, ყარამანს ცოლი მოჰყავს!“

უფრო გასართობი კომედიაა, ვიდრე პიესა, სადაც დასმული იქნებოდა სოციალური უღერადობის სერიოზული თემა. მაგრამ მხიარული მიუზიკლის ფორმით გადაწყვეტილი ეს სპექტაკლი რეჟისორული ჩანაფიქრით, მხატვრული და მუსიკალური გაფორმებით, მსახიობთა ოსტატური თამაშით კარგ შთაბეჭდილებას ტოვებს, მაყურებელმაც გულთბილად მიიღო იგი. მასში იგრძნობა ახლის ძიება, მომიჯნავე ხელოვნებათა ცალკეული ელემენტების სინთეზი, სპექტაკლის ყველა კომპონენტის ორგანული შერწყმა და კომპაქტურობა. მსახიობებსაც უხვად ეძლევათ საშუალება სცენური ვარდასახვისა. მაგრამ ასეთი სპექტაკლით მაყურებელთა ესთეტიკურ დონეს ვერ ავამაღლებთ. თანაც სპექტაკლში აქა-იქ გაისმის უხეში ხუმრობა; უხაზობაში გადადის ფინალში საწინახელის სცენა, არის სპექტაკლში იაფფასიან ეფექტებზე აგებული სცენებიც — გაბმული კვილი, ზედმეტი, ყურისწამლები ყვირილი და ა. შ.

ბოლო ათეულ წლებში ერთობ საყურადღებო ტენდენცია დაისახა ქართულ დრამატურგიაში: გამოვა თუ არა რომელიმე რომანი, რომელიც თავისი იდეურ-მხატვრული დონით ასე თუ ისე მკითხველთა ყურადღებას იპყრობს, მაშინვე იგი დრამად იქცევა და იწყება მისი ახალი ცხოვრება თეატრის სცენაზე. მაგრამ ყველა რომანის გაცენიურებას როდი

მოაქვს სასურველი შედეგი. რომანის ეპიკური წყობის შემდეგად (თუ ეს ნამდვილი რომანია) ხელში გვრჩება შიშველი ეპიზოდები, იკარგება მთავარი — ავტორი-მთხრობელი, რომელიც რომანის ეპიკური წყობის, მისი იდეური შინაარსისა და მხატვრული ღირსების ძირითადი ღერძია. ამიტომაც დრამად ქცეულ პიესაში გადატანილი რომანისეული შინაარსი, მის მხატვრულ სამკაულთა სიმდიდრე მეტად გაღარიბებული სახითაა წარმოდგენილი. ვერც ერთი რომანის ინსცენირებამ ვერ იცოცხლა სცენაზე ხანგრძლივი სცენური სიცოცხლით. ასეთი დრამად ქცეული რომანები ქართული დრამატურგიის კლასიკად ვერ იქცევა, მით უმეტეს, თუ ეტაპური ნაწარმოებებია, რომლებიც მათში დასმული პრობლემების გადაწყვეტის შემდეგ დაკარგავენ თავიანთ აქტუალობას. ვინ იგებს ასეთ შემთხვევაში — ავტორი თუ მაყურებელი? ერთი რამ უდავოა: ავტორი-ეპიკოსი ჰკარგავს თავის სახეს. ამიტომაც ბევრი რომანისტი, რომლებიც უფროხილდებიან თავიანთ რეპუტაციას, არ თანხმდებიან მათი რომანის ეკრანიზაციასა თუ ინსცენირებას. მაყურებელიც თავის მხრივ, ჩვეულებრივ, უკმაყოფილო რჩება, როცა ერთმანეთს ადარებს წაკითხული რომანის შინაარსსა და ნახულ სპექტაკლს.

რომანის ინსცენირებისას ავტორ-მთხრობელის ფუნქციას თა-

ვის თავზე იღებს თეატრალური ხელოვნება და ამიტომაც გასცენიურებული რომანის მიხედვით დადგმული სპექტაკლი იმდენად არა ავტორის ღირსებაზეა დამოკიდებული, რამდენადაც თეატრალური დასის შემოქმედებით პოტენციალზე, მის მონღომებაზე.

ამ მხრივ კარგი შთაბეჭდილება ვერ დატოვა ნ. დუმბაძის პიესის „საბრალდებო დასკვნის“ მიხედვით დადგმულმა სპექტაკლმა. ეს პიესა დაიდგა რესპუბლიკის რამდენიმე თეატრის სცენაზე. იგი თავის რეპერტუარში შეიტანა ბათუმის თეატრმაც. აქ თავისთავად იბადება კითხვა: რამდენად მიზანშეწონილია დაიდგას სპექტაკლი, რომელსაც ისეთი პატარა რესპუბლიკის ფარგლებში, როგორცაა საქართველო, ერთდროულად რამდენიმე თეატრი ახორციელებს, საგასტროლოდაც დააქვს და ტელევიზიითაც უჩვენებენ. ასეთი სპექტაკლის კვლავ დადგმა გულისხმობს სხვა თეატრებთან შემოქმედებითი პაექრობის გამართვას, ან ქმნის ეპიგონობის საშიშროებას. ნ. დუმბაძის „საბრალდებო დასკვნის“ დადგმის გამო ბათუმის თეატრს ეპიგონობას ვერ დავწამებთ, მაგრამ მას ამ სპექტაკლის არც ისეთი ორიგინალური გადაწყვეტა უჩვენებია. ასეთი „კვლავ გამორებები“ ორიგინალურ სახეს ვერ შეუქმნის თეატრს, მის რეპერტუარს.

სპექტაკლში „საბრალდებო დასკვნა“ დასმულია ჩვენი რესპუბლიკისათვის მეტად აქტუალური

პრობლემები, მიმართულია იმ გაციური მოვლენების უჩვენებლად, რომლებმაც ჩვენი რესპუბლიკის გარკვეული ნაწილი გადაგვარებამდე მიიყვანა, და სპექტაკლის ღირსებაც ამ აქტუალურ შაში მდგომარეობს.

შოქმედება ხდება მაყურებლისათვის უჩვეულო ადგილას. წინასწარი პატიმრობის საკანში, სადაც გამოფენილია ბოროტმოქმელთა მთელი გალერეა, რომელთაგან ყოველი მათგანი ცალკე ფსიქოლოგიურ ერთეულს წარმოადგენს: აქაა კაცის მკვლელი, ქურდი, გამფლანგველი, საფლავებით მოვაჭრე, მეჭრთამე, სპეკულანტი და სხვა. ერთი სიტყვით, საკანი დანაშაულებრივი სამყაროს მინიატურულ სურათს წარმოადგენს. ავტორს მიზნად დაუსახავს თითოეული მათგანის ფსიქოლოგიის, ცხოვრებისეული ფილოსოფიის გახსნა-ჩვენება, და სწორედ აქ იჩენს თავს ჩვენი მსახიობების სისუსტე: სცენური სახის ღრმა ფსიქოლოგიური გახსნა-ჩვენების ნაცვლად ისინი, ჩვეულებისამებრ, ცდილობენ მიენდონ გარეგნულ, ზედაპირულ ეფექტებს, დავიდნენ დაბალი ესთეტიკური გემოვნების მაყურებელთა დონეზე.

სპექტაკლში მსახიობთა კარგი ანსამბლია შერჩეული. მაგრამ თითქმის ყველა განასახიერებს თავის როლს უკვე გამომუშავებული მხოლოდ სახასიათო როლებისათვის გამოსადეგი თამაშის მანერით, რაც ხშირად მოცემულ სცენურ სახეს არ შეესაბამება. თუნ-

დაც ავიღოთ შოშია გოგოლაძის სცენური სახე. ავტორის ჩანაფიქრით ეს არის საზიზღარი, გაიძვერა ტიპი, რომლისთვისაც გამოძალვის, მიტაცების მორალის შეტეა ამქვეყნად არაფერი არსებობს. მსახიობი კი წინ წამოსწევს მის, როგორც ენამწარე ტაკიმასხარას ხასიათს, რაც ზიზღის, აღმფოთების ნაცვლად მაყურებელში უდარდელ სიცილს იწვევს. ასევე ხუმარა და უდარდელი კაცის შთაბეჭდილებას ტოვებს კაცის მკვლელი ტიგრან გულოიანი, სრული ფსიქოლოგიური დატვირთვით არაა გახსნილი ზაზას, გამომძიებლების და სხვათა როლები. ასე რომ, დაძაბული, ტრაგიკული ატმოსფეროს შექმნის ნაცვლად სუბექტური უფრო კომედიურ ხასიათს იღებს, წინასწარი პატიმრობის საკანი კი თავმესაქცევი, სალაზნადარო ოთახის შთაბეჭდილებას ტოვებს. დაუჯერებელია ისიღორე სალარიძის გასამართლების ინსცენირება თვით პატიმრების მიერ. ეს ძალზე „თეატრალური“ პირობითობა სიყალბეშია გადაზრდილი. განა უფრო ბუნებრივი, უფრო ეფექტური არ იქნებოდა სალარიძეს ისე მოეთხრო თავისი ამბავი, როგორც ეს ჩვეულებრივ ხდება, ხოლო პატიმრებს შენიშვნებითა და რეპლიკებით კომენტარი გაეკეთებიათ მისი დანაშაულისათვის? ასევე მოსაწყენი, ერთფეროვანია მუნჯი სცენები: თითქოს მსახიობები რიგში იდგნენ და ელოდნენ დროს, როდის დადგება მათი ჯერი. განა მუ-

ნჯი სცენები მართლაც მუნჯი და უმოძრაო უნდა იყოს? თეატრის მხატვრული განსახიერებების საშუალება არ გააჩნია გარდა სცენისა, ხოლო სცენაზე ყველა კომპონენტი გამოყენებული უნდა იქნეს სახის გასახსნელად, მუნჯი სცენებიც კი.

თანამედროვე დრამა განიცდის ეპიზაციის მძლავრ პროცესს, დრამაში იჭრება ეპოსის ელემენტები. მაგრამ, სამწუხაროდ, ეპიზაციის ახალ მხატვრულ-გამომსახველობით ხერხებს ნაკლებად იყენებენ ბათუმის თეატრის სპექტაკლებში. განსაკუთრებით ეს ეხება რომანების ინსცენირებას. როგორც ზემოთ იყო აღნიშნული, რომანის ინსცენირება ბევრ რამეს კარგავს თავის პირველწყაროსთან შედარებით იმის გამო, რომ მას აკლია ავტორ-მთხრობელი, რომანის ეპიკური წყობის შემდღებელ-კომენტატორი. ამიტომაც ამ ხარვეზის ამოსავებად თანამედროვე თეატრს გააჩნია სცენისათვის გამოსადეგი ეპიკური საშუალებებიც, რაც რომანისაგან დრამად ქცეული პიესის კომპაქტურობის საშუალებას იძლევა, რასაც ჩვენი თეატრის დამდგმელები ერთობ სკეპტიკურად უყურებენ. ასე, მაგალითად, საერთოდ კარგად დადგმული სპექტაკლი „ნატვრის თვალი“, ძალზე გადატვირთულია ზედმეტი ეპიზოდებით, რომლებიც ვერ ჯდებათ სპექტაკლის საერთო ქარგაში. იგი ბევრი რამით მოგებდა, ეს ეპიზოდები რომ ამოგდებულიყო და სხვა, ძი-

რითადი ეპიზოდების შესადუღებლად გამოყენებულიყო მთხრობელ-კომენტატორის, ან დიქტორის ეპიკური სახე, რაც სპექტაკლს უფრო კომპაქტურს და დინამიკურს გახდიდა.

გარკვეული პრეტენზიები გვაქვს მსახიობთა მიმართაც. მთელი პასუხისმგებლობით ყველა როდი უდგება თავის განსასახიერებელ როლს, განსაკუთრებით თუ ეს როლი მეორეხარისხოვანია. ზოგიერთი მსახიობი ვერ იჩენს სათანადო პრინციპულობას და თანხმდება ისეთ როლზე, რომლის სიყალბეში ეჭვი არ ეპარება. ამ მხრივ ყოველი მსახიობი უნდა უფრთხილდებოდეს თავის რეპუტაციას. ზოგიც კი, თუ გარკვეულ წარმატებას აღწევს, ეძლევა თვითდამშვიდებას, ხელოვნებაში კი თვითდამშვიდება შემოქმედებით თვითმკვლელობას ნიშნავს. იგრძნობა აგრეთვე სპექტაკლების დაყოფა პრემიერად და პრემიერის შემდგომ სპექტაკლებად. პრემიერაზე მსახიობები მთელი დატვირთვით განასახიერებენ სასცენო სახეებს, შემდეგ კი მათი ენერჯია, შესაძლებლობანი მეტად დუნე, უფერულ ხასიათს იღებს, მაშინ როცა სპექტაკლი თანდათანობით უნდა იხვეწებოდეს, უფრო სრულყოფილი ხდებოდეს და მასში კორექტივებიც იყოს შეტანილი. სპექტაკლი კინოფილმისაგან სწორედ იმით განსხვავდება, რომ მას აქვს განუწყვეტელი ზრდის საშუალება. ცნობილი კინომსახიობები თავიანთ საშემსრულებლო

ოსტატობას თეატრის სცენაზე ხვეწავენ.

მეტად შემაშფოთებელ სპექტაკლიდან სპექტაკლში ერთი და იმავე მანერით სხვადასხვა, დამეტრულად საპიროსპირო როლების განსახიერება. თვითგამოხატვის თეორია, თავისი ფიზიკური და ფსიქიკური მონაცემების წარმოჩინება, საკუთარი ინდივიდუალობის დამკვიდრება ყველა შემთხვევაში როდი გამოდგება. ყოველივე ეს კარგია, როცა მსახიობი მხოლოდ თავისი ამპლუათი თამაშობს, მაგრამ სხვადასხვა სახასიათო როლების განსახიერებისათვის მსახიობს გარდასახვის კარგი უნარიც უნდა გააჩნდეს, რაც, რა თქმა უნდა, დიდ მსახიობს არ უკარგავს მის განუმეორებელ, ინდივიდუალურ სახეს. ყოველ სასცენო სახე-ხასიათს თავისი საღებავი სჭირდება და თუ მსახიობს პალიტრაზე არ მოეპოვება ფერთა მრავალფეროვანი გამა, ის მსახიობადაც ვერ ივარგებს.

მთელ რიგ შემთხვევაში არ იგრძნობა მსახიობთა ანსამბლურობა. უსიამოვნო შთაბეჭდილება რჩება, როცა საერთო ანსამბლიდან ამოვარდნილი მსახიობი სცენაზე თავისუფლად დადის და უგულოდ ათვალიერებს მაყურებლებს. ასევე ძალიან უხერხული სიტუაცია იქმნება, როცა მსახიობი სცენაზე ისწორებს გრიმს. იყო ასეთი შემთხვევაც, როცა მსახიობი განუწყვეტლივ ხელს იღებდა მიწებებულ ცხვირზე და დრო და დრო ამოწმებდა, ცხვირი

თავის ადგილზეა თუ არაო, თითებსაც დაპყრებდა, გრიმმა ხომ არ დამისვარაო. მსახიობს არ უნდა ავიწყდებოდეს, რომ დარბაზში მყოფი მისი რიცხვი, იგი პატივისცემის ღირსია. განა ის მსახიობი მსახიობია, რომელსაც არ უყვარს ცოცხალი კონტაქტი მყოფებელთან და მასზე დაკისრებულ როლს მექანიკურად ასრულებს!

სამწუხაროა, მაგრამ ფაქტია, რომ ზოგიერთი მსახიობი არ მუშაობს თავის თავზე, არ უვარგა სასცენო მეტყველება, დიქცია, სცენაზე თავის დაჭერის უნარი, აქვს უშნო ექსტიკულაცია, აკლია პლასტიკურობა. ერთია, მსახიობს როცა ეს შეუძლია და არ აკეთებს, მეორე კი, როცა მას ამის არც უნარი გააჩნია, არც ნიჭი და არც მოწოდება და საერთოდ შემთხვევითაა მოხვედრილი სცენაზე. ასეთმა მსახიობმა ადრე უნდა შეიგნოს სცენისათვის თავისი უვარგისობა და სათანადო დასკვნაც გამოიტანოს. არის სხვა პროფესიაც, და მეტად სასარგებლო პროფესიაც, და დასაძრახისი არაფერია, თუ ხელმოცარული მსახიობი პროფესიას შეიცვლის. თეატრალური ინსტიტუტის დამთავრება, ამ ინსტიტუტის დიპლომი თავისთავად ბევრს არაფერს ამბობს. რა დასამალია და თეატრალურ ინსტიტუტშიც ხვდებიან მსახიობის პროფესიისათვის შეუფერებელი ახალგაზრდები, ეს ინსტიტუტიც „იძულებულია“ გასცეს დიპლო-

მები, დიპლომიან მსახიობს ძნელია უარი უთხრა სამუშაოზე მიღებაზე. მაგრამ ჩვენ ხომ სურველი გვაქვს შემოქმედებასთან, ხელოვნებასთან, ახლის შექმნასთან, რასაც ვერავითარი ინსტიტუტი ვერ დასწავლის ადამიანს. საჭიროა კი საერთოდ თეატრალური ინსტიტუტი, განა უკეთესი არ იქნებოდა წამყვან თეატრებთან შექმნილიყო სტუდიები, სადაც ჩაირიცხებოდნენ ნიჭიერი ახალგაზრდები და მიიღებდნენ სათანადო წვრთნას?

სპექტაკლების მაღალიდებური და მაღალმხატვრული დონე, უპირველეს ყოვლისა, გაპირობებულია კარგად შერჩეული რეპერტუარით. მაგრამ ესეც საკმაო არაა. თეატრში ტონს აძლევენ, ატმოსფეროს ქმნიან რეჟისორი და მის ირგვლივ შემოკრებილი, მისი ესთეტიკური მრწამსის თანამოზიარე, მსახიობები. ყოველი სპექტაკლი ხელოვნების განუმეორებელი აქტია, ეს არის ახლის ძიება, ორიგინალური გზის დამკვიდრება. როცა ლაპარაკია თეატრის ახალი გზების ძიებაზე, უპირველეს ყოვლისა, ეს რეჟისორს ეხება. რა არის თეატრალური ხელოვნება, თუ არა ახალი გზების ძიების თავისებური ლაბორატორია, დაუსრულებელი ექსპერიმენტები. ასე იქცეოდნენ სტანისლავსკი და მეიერჰოლდი, ასევე ქმნიდნენ კოტე მარჩანიშვილი და სანდრო ახმეტელი. ვერც ერთი თანამედროვე რეჟისორი ვერ მიაღწევს ვერავითარ წარმატებას გატ-

კენილი გზით, მხოლოდ ტრადიციული მხატვრულ-გამომსახველობითი რესურსების გამოყენებით. მხოლოდ ახლის ძიება, გაბედული ჩარევა, პაექრობა კლასიკასთან, საკუთარი ორიგინალური გზების ძიება — აი, რასაც შეუძლია იხსნას თანამედროვე თეატრი. მსახიობებთან ერთად რეჟისორმა სცენაზე უნდა შექმნას „ადამიანის სულის ცხოვრება“, როგორც ამბობდ სტანისლავსკი, და თუ ამას თავს ვერ ართმევს თეატრის დასი, მაშინ თეატრის წინსვლაზეც არ შეიძლება ლაპარაკი. თეატრის იდეური შინაარსი და მისი მხატვრული გაფორმების თავისებური ხელწერა, სპექტაკლის ემოციური მხარე, მსახიობთა შერჩევა რეჟისორის გემოვნებასთანაა დაკავშირებული. ყოველი თანამედროვე რეჟისორი უნდა ცდილობდეს გააკვირვოს მაყურებელი, გააოცოს იგი სიახლით, ორიგინალობით, მოულოდნელობით, რაც განაპირობებს სპექტაკლის წარმატებას.

ჩვენ აღვნიშნეთ, რომ მსახიობები პასუხისმგებელნი არიან მაყურებლების წინაშე. მაგრამ ასევე პასუხისმგებელნი არიან თეატრის, მისი ბედის წინაშე მაყურებლებიც. აქ უკვე ისმება მეტად სერიოზული, გადასაწყვეტად არც თუ ისე ადვილი საკითხი თეატრისა და მაყურებლის ურთიერთობაზე. თეატრის არსებობა, მისი ავკარგიანობა რომ მაყურებელზეა დამოკიდებული, ეს არავითარ დავას არ იწვევს. თეატრი ზრდის

მაყურებელს, იგი უმუშავებს მას ესთეტიკურ გემოვნებას, მაგრამ თეატრს, თუ იგი სათანადო დღე-ღამეზე არ დგას, შეუძლია მხოლოდ ბლის გემოვნება პრიმიტიული გახადოს, გააუხამოს იგი. თავის მხრივ მაყურებელს, თუ არ ზრუნავს თავის თეატრზე, არ აწუხებს მისი მომავალი, არ ზრდის თავის ესთეტიკურ დონეს, შეუძლია გადაგვარებამდე მიიყვანოს თეატრი. გარსია ლორკა ამბობდა:

„თეატრი ერთ-ერთი ყველაზე ბასრი და ქმედითი იარაღია ქვეყნის მშენებლობაში. იგი ბარომეტრია — ერის აღმავლობისა თუ დაცემის მაუწყებელი. ჭეშმარიტ თეატრს, მართალ გზას რომ მიაგნო ყველა ქანრში — ტრაგედიიდან ვოდევვილამდე, — შეუძლია მოკლე დროში აამაღლოს ხალხის სული, ხოლო ზერელე, გამოფიტულ თეატრს, ღორის ჩლიქები რომ ამკობინა ფრთებს, შეუძლია დააჩლუნგოს მთელი ერის მხატვრული გემოვნება, მთვლემარე გულგრილობაში ჩასძიროს იგი. თუ ხალხი არ ზრუნავს თავის თეატრზე, არ ასაზრდოებს მას — ეს ხალხი კვდება ან უკვე მკვდარია“.

ეს შესაძლოა, თეატრალურ ხელოვნებაზე შეყვარებული ადამიანის, დიდი პატრიოტის ცხარედ ნათქვამი სიტყვებია, მაგრამ მათში ჭეშმარიტება ღალადებს.

მიუხედავად კინემატოგრაფიისა და ტელევიზიის პოპულარობისა, თეატრს მაინც ჰყავს იმდენი მაყურებელი, რომ ამ მხრივ მას საფრთხე არ ემუქრება. მაგრამ მა-

ინც, რაც არ უნდა მწარედ გვეჩვენებოდეს ეს სიტყვები, ბათუმის თეატრს არა ჰყავს სტაბილური მსახურებელი, მაღალი ესთეტიკური დონის მქონე მსახურებელთა ბირთვი, რომელიც ტონს მისცემდა ჩვენი ქალაქის საზოგადოებას.

იყო თეატრის მსახურებელი, არც ისე ადვილია. ადამიანს უნდა ჰქონდეს გარკვეული ინტელექტუალური დონე, მსახურებლის განსაკუთრებული ტალანტი, რომ ნამდვილი მსახურებელი იყო. სპექტაკლი შეიძლება ნიჭიერად აღიქვას და უნიჭოდაც, სპექტაკლი სწორად შეაფასო ან შეცდე ამ შეფასებაში. ყოველივე ამისათვის მომზადებაა საჭირო, რაც არც ისე ადვილია. სად უნდა ვეძიოთ გამოსავალი თეატრისა და მსახურებლის ურთიერთობის ჯადოწრიდან? უპირველეს ყოვლისა, უნდა შეიქმნას თეატრალური დასისა და მსახურებელთა მჭიდრო კოლექტივი, რომელიც დაამკვიდრებს თეატრის შემოქმედებით ატმოსფეროს, თეატრს მისცემს საკუთარ სახეს. ეს ერთობ ძნელი საქმეა, რადგან ბათუმის თეატრს საკმაოდ ჭრელი მსახურებელი ჰყავს.

როგორ მიიზიდოს თეატრმა მსახურებელი? ზოგიერთი ამ კითხვას მარტივად უპასუხებს. კარგი სპექტაკლი დაიდვას და მსახურებელიც მოვა. მაგრამ „კარგი სპექტაკლი“ ხომ მეტად პირობითი ცნებაა. თუ ჩვენი მსახურებლების ძირითად მასას მივიღებთ მხედველობაში და დავდგამთ მათთვის, მათ მიერ „კარგად“ გაგებულ სპე-

ქტაკლებს, მივალწევთ კი ხალხურ ველ შედეგს? ან და თუ დაიწყებდა თანამედროვე ინტელექტუალური სპექტაკლები, რომლებიც გონების დიდ დაძაბვას და სათანადო მხატვრულ-ესთეტიკურ დონეს მოითხოვს, თეატრს არ გამოეცლება მსახურებელთა საკმაოდ მნიშვნელოვანი ნაწილი? აი, ასეთი მოკადრობული წრე იქმნება, აი, ასეთი დილემის წინაშე დგას თეატრი. როგორც ვხედავთ, თეატრისა და მსახურებლის ურთიერთობის პრობლემა არც ისე ადვილად გადასაწყვეტია. ამ მხრივ უჭირთ დედაქალაქის თეატრებსაც კი, დედაქალაქისა, სადაც მილიონიანი მოსახლეობა და თანაც უამრავი ჩამოსული სტუმარია. ასეთ პირობებში ბათუმის თეატრს არც ისე კატასტროფული მდგომარეობა აქვს. ჩვენი აზრით, მსახურებელთა გარკვეული რაოდენობის მიზიდვას თეატრი ახერხებს რეპერტუარის გამრავალფეროვნებით.

თეატრი მხოლოდ გასართობი ადგილი კი არ არის, როგორცაა სხვა მასობრივი სანახაობანი — ცირკი, ფეხბურთი და სხვა. თეატრი სვამს პრობლემატურ საკითხებს, რომლებსაც აწვდის მსახურებელს მხატვრულ ფორმაში, ესთეტიკურად სასიამოვნო სახით, რაც თავისთავად შეიცავს გართობის ელემენტებსაც. ამიტომაც, თუ ცირკის, ფეხბურთის მსახურებელს სპეციალური აღზრდა-გაწრთვინა არ სჭირდება, ამას ვერ ვიტყვი თეატრის მსახურებელზე.

თეატრმა უნდა აღზარდოს მაყურებელი, მაყურებელმა კი უნდა განსაზღვროს თეატრის სახე. ამ მხრივ თეატრალური რამპები საბრძოლო ხაზს წარმოადგენს, რომლის ორივე მხრიდან ხდება გემოვნებათა შერკინება-შეჯახება და ამ ბრძოლაში იხვეწება, სრულყოფილი ხდება როგორც მსახიობთა, ისე მაყურებელთა გემოვნება. თეატრის ჯადოსნური ძალა იმაში მდგომარეობს, რომ მას მაყურებელი შეჰყავს გრძობათა, ემოციათა სამყაროში, განაცდევინებს კათარზისს, განმუხტავს ემოციური სტრესისაგან, ძალდაუტანებლად, თავისთავად აიძულებს იაზროვნოს, იფიქროს სპექტაკლში ნახულსა და განცდილზე.


გამოსავალი ერთია — მაყურებელთა იდეურ-ესთეტიკური ღონის ამ აღლება, რაც მხოლოდ კომპლექსური ღონისძიებებით უნდა განხორცილდეს, თუმცა ეს რთული საკითხი ერთ-ორ წელიწადში როდი მოგვარდება. ხშირად ლაპარაკობენ პოლონეთში ინტენსიური თეატრალური ცხოვრების შესახებ, სადაც მაყურებლის პრობლემა თითქმის არც კი დგას. საქმე იმაშია, რომ პოლონურ თეატრს მაყურებელი ბავშვობიდანვე ეზრდება: სკოლებში შემოდე-

ბულია თეატრალური დრამატურგიის სავალდებულო სწავლება.

საკირთა თეატრისადმი უნდობლობის ფსიქოლოგიური ბარიერის დაძლევა, თეატრის მიერ საწარმოო-დაწესებულებათა კოლექტივებთან მჭიდრო კონტაქტი, და, რაც მთავარია, მოსწავლე და სტუდენტი ახალგაზრდობის ფართოდ ჩაბმა ჩვენი რესპუბლიკის თეატრალურ ცხოვრებაში, რომ შემდგომში გვეყვადეს უფრო მომზადებული მაყურებელი. თეატრმა, სათანადო ორგანიზაციებმა ბევრი რამ უნდა გააკეთონ მაყურებელთა მისაზიდად. მაყურებელს განსაკუთრებული ნერვი გააჩნია, თუ შეეხები მას ადავზნებ, იგი არ დაივიწყებს თეატრისაკენ მიმავალ გზას. არავითარ შემთხვევაში არ უნდა შევურიგდეთ იმ ფაქტს, რომ ბათუმის თეატრს ბევრი ფიქტიური მაყურებელი ჰყავს ძალად გასაღებული ბილეთებისა და აბონემენტების წყალობით. თეატრმა და სათანადო ორგანიზაციებმა მიზნად უნდა დაისახონ: ყველა ბათუმელმა და რაიონების მცხოვრებლებმა ერთხელ მაინც ნახონ ესა თუ ის სპექტაკლი. ყოველი სპექტაკლი საზეიმო ვითარებაში უნდა იდგმებოდეს, საზეიმო განწყობილება უნდა იქმნებოდეს თეატრის ფასა-

დის, ინტერიერის მორთულობა-
შიც. თეატრს სჭირდება აგრეთვე
ფართო, გააზრებული რეკლამა,
გემოვნებით გაფორმებული თეა-
ტრის სპეციალური სააფიშო ჯი-
ხურები. აფიშებიც გემოვნებით
უნდა იყოს შესრულებული. რეკ-
ლამა, პროპაგანდა, აი კიდევ რა

აკლია ჩვენს თეატრს. ასე რომ,
მაყურებელი თეატრის ცნობების
კურსში უნდა იყოს და ^{თეატრში} ~~თეატრში~~
მისვლა კი არ ეზარებოდეს, არა-
მედ უზაროდეს ახალი, ორიგინა-
ლურად დადგმული მაღალიდეუ-
რი, მაღალმხატვრული სპექტაკ-
ლის მოლოდინში.



„ჯოკონდა“ ჩვენთან

ღამთვალეობის შთაბეჭდილებანი

სსრ კავშირსა და საფრანგეთის რესპუბლიკას შორის დადებული ხელშეკრულება ითვალისწინებს არა მარტო ეკონომიური ურთიერთობის გაფართოებას, კულტურის სფეროში თანამშრომლობასაც.

წლეულს ხელშეკრულების საფუძველზე ლუვრის მუზეუმიდან მოსკოვს „ესტუმრა“ ხელოვნების უდიდესი ქმნილება მონა ლიზა, ანუ, როგორც მას უწოდებენ, „ჯოკონდა“.

ჩვენსავე ეპოქის გენიალური იტალიელი მხატვრის, მეცნიერისა და ინჟინრის ლეონარდო და ვინჩის სახელი კაცობრიობის კულტურის ისტორიაში გამორჩევით ბრწყინავს. ეს დიდება მან მოიპოვა ხანგრძლივი, დაძაბული შემოქმედებითი შრომით. ცნობილი მოქანდაკის ა. ვეროკიოს სახელოსნოში თავდაპირველად მან შეის-

წავლა ხატვის არა მხოლოდ ელემენტარული წესები, სრულყოფილად დაეუფლა ნახატის ხელოვნებას. ნატურისადმი სიყვარულმა, გონების თვლით სინამდვილის შეცნობის არაჩვეულებრივმა უნარმა მას დაუმკვიდრა დიდი მხატვრის სახელი, მისეული ორიგინალური ხელწერით. შეუქმრდილების თავისებური მანერითა და შტრიხების მონასმებით ლეონარდოს ნახატებს თავიდანვე გამოარჩევდნენ. ხაზების მოძრაობის, მიმართულების მისეული სტილი (იგი ცაცია იყო, მარცხენა ხელით ხატავდა) ყველასათვის ადვილი შესაცნობი გახლდათ.

მის მრავალრიცხოვან ნაწარმოებთა შორის „ჯოკონდა“ დღემდის აღიარებულია, როგორც პორტრეტული ჟანრის განუმეორებელი, ფერწერული ხელოვნების გენიალური ქმნილება.



„ჯოკონდას“ გამოჩენამდე ცნობილი მხატვრების პორტრეტულ ნამუშევრებს, უწინარეს ყოვლისა, ახასიათებდა ღვთაების ან ძვირფასი სამკაულებითა და ტანსაცმლით მორთულ მემამულეთა, დიდი თანამდებობის პირთა ან მათი ოჯახის წევრთ ხელოვნური პოზით წარმოსახვა.

ლეონარდოს ჩანაფიქრი სულ სხვა მხატვრულ ასპექტშია გადაწყვეტილი. მან განიზრახა ეჩვენებია ადამიანური ადამიანი, რომლის მაღალი ზნეობის გამომხატველი შინაგანი სულიერი სამყარო მკვიდრო ურთიერთობაში იქნებოდა გარეგნულ სილამაზესთან, მაგრამ ეს უკანასკნელი ხელოვნურობისაგან თავისუფალი უნდა ყოფილიყო.

ხანგრძლივი ძიების შემდეგ ლეონარდომ ასეთი პორტრეტის მოდელად 25 წლის ქალი, ფლორენციის ერთ-ერთი მაგნატის ფრანჩესკო ჯოკონდას მეუღლე მონალიზა შეარჩია.

ფრანჩესკოს ოჯახი დიდი აღტაცებით შეხვდა ლეონარდოს წინადადებას და თავიდანვე იკისრა უყოყმანოდ შეესრულებინა მხატვრის მოთხოვნები.

ლეონარდო 1503 წელს შეუდგა ხატვას, რაც ოთხი წელი გაგრძელდა. ამ ხნის მანძილზე მხატვარმა მოახერხა დაწვრილებით, ყველა დეტალის გათვალისწინებით შეესწავლა მოდელი. მაგრამ ეს დრო პორტრეტის მთლიანად დამთავრებისათვის საკმარისი არ აღმოჩნდა.

ხელოვნების ისტორიკოსებს დღემდე ვერ დაუდგენიათ ლოს და ბოლოს, რამდენი დრო მოანდომა გენიალურმა მხატვარმა ამ შედეგის სრულყოფას.

ლეონარდოს და მისი „ჯოკონდას“ შესახებ დაწერილია უმრავი გამოკვლევა, მონოგრაფია, სტატია, რომლებსაც ძირითად საფუძვლად უდევს მე-16 საუკუნის იტალიელი ხელოვნების ისტორიკოსის ვაზარის გამოკვლევა. (იგი აგრეთვე ფერმწერი და არქიტექტორიც იყო). ეს ნაშრომი ვაზარიმ დაამთავრა და გამოაქვეყნა 1650 წელს სახელწოდებით „ყველაზე უფრო ცნობილ ფერმწერთა, მოქანდაკეთა და არქიტექტორთა ცხოვრების აღწერა“.

ზოგი ამ გამოკვლევაში გამოკვეყნებული მასალის ნაწილს ეჭვის თვალთ უყურებს და ცდილობს უფრო დააზუსტოს, დაადგინოს ფაქტები. ამ საკითხების გარშემო სჯა-ბაასი დღემდე გრძელდება. ხელოვნებათმცოდნენი კვლავაც დაობენ, ვინ არის პორტრეტში გამოსახული. საკითხს ართულებს ის, რომ ნაკლებად დამაჯერებელია ერთ პიროვნებაში მოცემული იყოს ყველა ის იდეალური თვისება, რაც აღბეჭდილია ამ პორტრეტში. მკვლევარნი ფიქრობენ, ეგზომ დიდი დრო ლეონარდომ სწორედ იმიტომ დახარჯა „ჯოკონდას“ შექმნაზე, რომ მისთვის ერთი პიროვნების მოდელი არ შეიძლებოდა სავსებით დამაკმაყოფილებელი ყოფილიყო. ამ აზრს ჩვენც უნდა ვერწმუნოთ,

მონა ლიზასთან ერთად ლეონარდო უთუოდ იყენებდა სხვა ნატურასაც.

ცნობილია, რომ ლეონარდო ბევრს მოგზაურობდა და მაშინდელი ტრანსპორტის დაბალი ტექნიკის პირობებში იგი არ იცილებდა „ჯოკონდას“, ყოველთვის თან დაჰქონდა. ამ ფაქტს განსაკუთრებულ მნიშვნელობას ანიჭებენ და ორი გარემოებით ხსნიან: ვერ ერთი, როგორც უკვე ითქვა, მას იგი დამთავრებულად არ თვლიდა და სისტემატურად განაგრძობდა მის სრულყოფას; მეორე — ეს ქმნილება ისე განუზომლად უყვარდა რომ უმისოდ ვერ წარმოედგინა თავისი ხიფათებითა და წინააღმდეგობებით აღსავსე ცხოვრება.

როგორც ზემოთ აღვნიშნეთ, „ჯოკონდას“ გენიალობა მის მხატვრულ ტრაქტოვაკაში მდგომარეობს. ჩვენს წინ არის არაჩვეულებრივი ფერების შეხამებით მიღწეული, განუმეორებელ კოლორიტში გადაწყვეტილი პორტრეტო. თქვენ აქ ვერ იპოვით უბრალო დეტალსაც კი, რომელიც ფერწერული გადაწყვეტით დამატყვევებელ, საოცარ, რაღაც ზებუნებრივ ხასიათს არ ატარებდეს.

ახლა პორტრეტის მთავარ ნაწილს — პირისახის გამომეტყველებას დაუვკვირდეთ. „ჯოკონდა“ უბრალო ადამიანი როდია, მოაზროვნე პიროვნებაა. შეხედეთ მის თვალებს, ქუთუთოებს, ცხვირს, თმას და ტუჩებს. თქვენ არ შეიძლება არ მოიხიბლოთ პირისახის საერთო ჰკვიანური გამო-

მეტყველებით და განსაკუთრებით ტუჩებზე აციმციმებული ბუნებრივი ღიმილით. შეიძლება ვთქვათ, არ იცოდეს, თუ რა გზით მასწავლებელი ამას ლეონარდომ.

მონა ლიზას გამომეტყველება საკვებით აკმაყოფილებდა მხატვრის ჩანაფიქრს, მაგრამ მუშაობის პროცესში მაინც აღმოჩნდა ისეთი რამ, რაც მას არ მოსწონდა. ეს იყო ღიმილი. არის ასეთი ვერსია — თითქოს ჩანაფიქრის განსახორციელებლად მხატვარმა მეტად ორიგინალური ხერხი გამოიყენა: სახელოსნოში სეანსების შესრულების დროს თურმე იწვევდა მუსიკოსებს, მომღერალს, მასხარას, რომელთა დანიშნულება იყო თავშესაქცევი, სახუმარო რეპერტუარის შერჩევა და შესრულება.

ლეონარდო მონა ლიზას თხოვდა ყურადღება არ მიექცია მუსიკოსებისათვის, ეუბნებოდა, მუშაობა არ შემოიძლია მუსიკისა და საოხუნჯო განწყობილების გარეშეო. მონა ლიზა, შეპირების თანახმად, ცდილობდა ლეონარდოს ასეთი ახირებული დავალებაც შეესრულებია, მაგრამ იგიც ხომ ადამიანი იყო, და როგორ შეიძლებოდა ნაისზე გავლენა არ მოეხდინა მუსიკას, ოხუნჯობას. მონა ლიზა იძულებული იყო ლეონარდოს გული მოეგო და ყველაფერი ეღობა. რომ განთავისუფლებულიყო საოხუნჯო ატმოსფეროს ზემოქმედებისაგან. ასეთ პირობებში წარმოიქმნა იშვიათი, ბუნებრივი, ოდნავ შესამჩნევი ღიმილი, რაც ხელს

უწყობს იდეალური ადამიანის შინაგანი და გარეგანი სილამაზის შერწყმის შედეგად მიმზიდველი ჰარმონიულობის წარმოსახვას. „ჯოკონდა“ ზედა ტანის ნაწილითაა გამოსახული, ხელებგადაჭდილი, სასტუმრო, მაგრამ არა მდიდრული, ტანსაცმელი აცვია. როგორც პირისახის ცალკეული ნიუანსები, ასევე ტანსაცმლისა და ხელების ყველა დეტალი ერთ მთლიანობაშია გადაწყვეტილი და ზედმიწევნით სრულყოფილია.

„ჯოკონდაზე“ საუბარი რამდენადმე მაინც ამომწურავი არ იქნება, თუ პორტრეტის საერთო ფონს არ შევნიშნავთ.

პორტრეტი გამოსახულია მეტად მრავლფეროვანი და მდიდარი პეიზაჟის ფონზე. ბუნების სურათის გამოყენება, მისი ჩართვა საერთო სიუჟეტში შემთხვევითი არ არის. ლეონარდოს გაგებით, ჰარმონიული სილამაზის ადამიანი შეუძლებელია წარმოვიდგინოთ ბუნების გარეშე. ბუნება აკეთილშობილებს, ზნეობრივ სიფაქიზეს მატებს ადამიანს, იგი სამაგიეროდ ვალდებულია პატივი სცეს, დააფასოს, მოუაროს ფლორასა და ფაუნას. პორტრეტის უკან მცენარეებია წარმოსახული, აქვეა მდინარე, რომელზედაც პატარა ხილია აგებული, გორაკებსა და კლდეებზე ასასვლელი დაკლაკნილი გზა მოჩანს. პეიზაჟის რომანტიული ხასიათი გვეხმარება პორტრეტის შეცნობა-გააზრებაში.

ლეონარდო და ვინჩის „ჯოკონდა“ ხელოვნების მოყვარულ საბ-

ჭოთა ადამიანებისათვის, უმეტესოდ გაცნობის თვალსაზრისით, ერთადერთი ნაწარმოებე ^{ერსტენსტუკე} ამ დიდი მხატვრის ქმნილებები. როგორცაა „მადონა ლიტა“ და „მადონა ბენუა“ დიდი ხანია ლეონარდოს ერმიტაჟის ექსპოზიციას ამშვენებენ. მომცრო ზომის ეს კომპოზიციები სულ სხვა კოლორიტშია გადაწყვეტილი.

„მადონა ბენუა“ ლეონარდოს შექმნილი აქვს ახალგაზრდობის წლებში, როდესაც იგი თავის თავს ჯერ კიდევ არ თვლიდა დასრულებულ მხატვრად.

1478 წელს, 26 წლის ლეონარდომ ჩაიფიქრა ისეთი კომპოზიცია, რომელზედაც გამოსახული იქნებოდა კმაყოფილებით აღსავსე, შვილის მოალერსე დედა.

კომპოზიციური ჩანაფიქრითა და შესრულების ტექნიკით გაცილებით მაღალ მხატვრულ დონეზე დგას „მადონა ლიტა“. იგი შესრულებულია არა ზეთიანი საღებავებით, არამედ ტემპერის ფერებით (კვერცხის გულში გახსნილი საღებავები). ასეთ ფერწერულ გადაწყვეტას ლეონარდო იშვიათად მიმართავდა.

ბენუას მსგავსად ამ სურათშიც მარიამი ბავშვითაა გამოსახული. დედა ჩვილს ძუძუს აწოვებს და სახეზე უხადო კმაყოფილების გრძნობით აღბეჭდილი, ცოტათი თავდახრილი დასცქერის მას. მხატვარმა შესანიშნავად გადმოგვცა დედობრივი მზრუნველობისა და სიყვარულის გრძნობა.

ეს ქმნილება დაახლოებით 80-

იან წლებს განეკუთვნება და ფერწერით და თავისებური კომპოზიციით აღიარეს იმ დროის ახალ სიტყვად.

ლეონარდოს ეს ორივე ნახელავი ერმიტაჟის ცალკე დარბაზშია მოთავსებული და აგვირგვინებს წინა დარბაზებში გამოფენილი იტალიური სკოლის მხატვართა ნამუშევრების ექსპოზიციას. მხატვრისადმი განუზომელი პატივისცემისა და დაფასების ახალი დემონსტრაციაა მოსკოვის პუშკინის სახელობის მუზეუმის მთელს შენობაში მხოლოდ ერთი ნაწარმოების — „ჯოკონდას“ გამოფენა, რომელსაც ყოველდღიურად რამდენიმე ათეული ათასი მაყურებელი ათვალიერებდა.

ამ სტრიქონების ავტორს საშუალება მიეცა ლეონარდოს სამივე ეს შედეგზე პირადად ენახა და ენით გამოუთქმელი სიამოვნება ეგრძნო.

ლეონარდოს მრავალმხრივმა ნიჭმა მხატვრული ლიტერატურის დარგშიც ჰპოვა გამოხატულება. იგი ბევრი საყურადღებო არაქისა და აფორიზმის ავტორია. ზოგ ხელოვნებათმცოდნეს მიაჩნია, რომ აფორიზმების დიდი ნაწილი ლეონარდოს დაწერილი აქვს „ჯოკონდაზე“ მუშაობის პერიოდში. მკითხველს ვთავაზობთ ზოგიერთს.

„ვინც ცხოვრებას არ აფასებს, იგი მისი ღირსიც არ არის“.

„წინააღმდეგობა მე ვერ მომდრეკს. ყოველგვარი წინააღმდეგო-

ბის გადალახვა გამტანობადობის გზით შეიძლება.“

„არ არის ისეთი საქმე, რომელიც მე მომქანცავს!“

„სადაც იკარგება იმედი, იქ აღმოცენდება სიცარიელე“.

„ვინც არ ებრძვის მანკიერებას, იგი მისი ხელშემწყობია“.

„მხატვარი ედავება და მეტოქეობას უწევს ბუნებას“.

„ფერწერა პიეზიაა, რომელსაც ხედავენ, მაგრამ ვერ ისმენენ; პოეზია ფერწერაა, რომელსაც ისმენენ, მაგრამ ვერ ხედავენ“.

ადვილი მისახვედრია, ამ აფორიზმების ავტორის მეტად ღრმა ნიჭიერება და ფართო ჰორიზონტი.


გამოფენის დამთავრების შემდეგ, ლუვრის დაკანონებული წესის მიხედვით, მისმა გენერალურმა დირექტორმა პ. კონიამ „ჯოკონდა“ თითონ თავისი ხელით ჩამოხსნა და ექსპერტების მონაწილეობით შეუდგა ამ შედეგის მდგომარეობის შემოწმებას. ამ ფაქტთან დაკავშირებით შედგენილ სპეციალურ ოქმში ჩაიწერა, რომ მოსკოვის კლიმატს არავითარი უარყოფითი გავლენა არ მოუხდენია და მონა ღიზა შესანიშნავ მდგომარეობაშია.

ექსპერტიზის დამთავრების შემდეგ სიტყვაძენწმა პ. კონიამ კორექსონდენტთა თხოვნა დააკმაყოფილა და მოკლედ განაცხადა: „ჩვენს მეხსიერებაში დიდ ხანს დარჩება მოსკოვში გატარებული დღეები. სანიმუშო იყო გამოფენის ორგანიზაცია. მე აღტაცებით

ვიგონებ საბჭოთა ადმიანების და-
უცხრომელ ინტერესს. ისინი რამ-
დენიმე საათს, ხან კიდევ მთელი
დღით იღვნენ რიგში და მოუთმე-
ნლად ელოდნენ „ჯოკონდას“ ხი-
ლვას“...

რასაკვირველია, ყველა მსურვე-

ლმა ვერ შეისრულა თავისი წა-
დილი. 44 დღის განმავლობაში
იგი ნახა 350 ათასმდე ^{ეროვნულ} ^{საბჭოთა} ^{საქართველოში}
დან ბევრი ჩამოსული იყო მოკავ-
შირე რესპუბლიკებიდან და შო-
რეული რაიონებიდან. მნახველთა
შორის ბათუმლებიც იყვნენ.



ნოღაჲ გოჩრეზიანი

გეოგრაფია კეთილდღეობის განუხრადი კვლევის უაქტორი

საბჭოთა კავშირის კომუნისტური პარტიის მუდმივ საზრუნავს ხალხის მატერიალური და სულიერი მოთხოვნილებების სრულად დაკმაყოფილება წარმოადგენს. „ყველაფერი ადამიანისათვის, ადამიანის ბედნიერებისათვის“ — ასეთია პარტიის პროგრამით აღიარებული სახელმძღვანელო პრინციპი. ამ პრინციპის ცხოვრებაში

პრაქტიკული განხორციელება შესაძლებელი ხდება ლენინური კომუნისტური პარტიის ხელმძღვანელობით, ჩვენს სამშობლოში მომხდარი გრანდიოზული რევოლუციური გარდაქმნების, საბჭოთა კავშირში განვითარებული სოციალისტური საზოგადოების აშენების შედეგად.

პარტია და მთავრობა უდიდეს ყურადღებას უთმობენ წარმოების

განვითარების, მისი ეფექტურობის ამაღლების პრობლემებს. წარმოება საზოგადოების წინსვლის უმთავრესი ფაქტორია. სოციალისტური წარმოების განვითარება საბჭოთა ხალხის კეთილდღეობისა და ყოფაცხოვრების აღმაფლობის საფუძველია. აქედან გამომდინარე სოციალისტური ეკონომიკის განმტკიცებასთან ერთად ვითარდება და მაღლდება საბჭოთა ხალხის მატერიალური კეთილდღეობა.

საბჭოთა კავშირის კომუნისტური პარტიის XXIV ყრილობამ, რომელმაც განიხილა და მიიღო სახალხო მეურნეობის განვითარების IX ხუთწლიანი გეგმა, ხუთწლედის მთავარ ამოცანად ხალხის მატერიალური და კულტურული კეთილდღეობის შემდგომი

მნიშვნელოვანი გაუმჯობესება დასახა. აქედან გამომდინარე განისაზღვრა ქვეყნის სოციალ-ეკონომიური განვითარების ყოვლისმომცველი პროგრამა, რომელშიც მოცემულია: მშრომელთა რეალური შემოსავლის ზრდის, საზოგადოებრივი მოხმარების ფონდების გადიდების, შრომისა და საყოფაცხოვრებო მიმსახურების პირობების შემდგომი სრულყოფის კონკრეტული ღონისძიებები.

სოციალისტური სისტემის უპირატესობა კაპიტალიზმთან შედარებით, იმაშიც მდგომარეობს, რომ ქვეყნის მთელი ეროვნული შემოსავალი ხალხის კუთვნილებას წარმოადგენს და საზოგადოების ყველა წევრის ინტერესების შესაბამისად ნაწილდება. მეცხრე ხუთწლეულის ბოლოს, 1975 წლისათვის ეროვნულმა შემოსავალმა 365-373 მილიარდი მანეთი უნდა შეადგინოს, აქედან მოხმარების ფონდი 272-278 მილიარდ მანეთს მიიღწევს, ხოლო დაგროვების ფონდი 24-26 მილიარდი მანეთი იქნება. ხუთწლეულში ეროვნული შემოსავალი 37-40 პროცენტით გაიზრდება, სამრეწველო პროდუქციის მოცულობა — 42-46 პროცენტით, სასოფლო-სამეურნეო პროდუქციის საშუალო წლიური მოცულობა — 20-22 პროცენტით, მრეწველობაში წარმოების საშუალებათა წარმოების ზრდა 41-45 პროცენტს შეადგენს, მოხმარების საგნების წარმოება კი 44-48 პროცენტით გაიზრდება.

ახლა, როცა საბჭოთა ხალხი წა-

რმატებით ახორციელებს ხუთწლეულის მეოთხე განმსაზღვრელი წლის ამოცანებს, შეიძლება დაბეჯითებით ითქვას, რომ ქვეყნის გადადიდა გრანდიოზული ნაბიჯი მეცნიერულ-ტექნიკური მიღწევების რეალიზაციის საქმეში, რაც უდიდეს ზეგავლენას ახდენს საზოგადოებრივი წარმოების მკვეთრად გადიდებაზე. მეცნიერულ-ტექნიკური რევოლუცია წარმოების რადიკალური გაუმჯობესების, მართვის მეთოდების სრულყოფის განუსაზღვრელ შესაძლებლობებს ქმნის, საფუძველს უყარის სრულიად ახალ დარგებს.

განვითარებული სოციალისტური საზოგადოების პირობებში, საბჭოთა ხალხის მატერიალური და კულტურული ცხოვრების დონის განუხრელმა აღმავლობამ, სოციალისტური საზოგადოების ყველა წევრის მუდმივად მზარდმა მოთხოვნილებებმა განსაზღვრეს სახალხო მეურნეობის ახალი დარგის — მოსახლეობის საყოფაცხოვრებო მიმსახურების წარმოშობა. თანამედროვე ეტაპზე საყოფაცხოვრებო მიმსახურების ერთ-ერთ მსხვილ, უახლესი ტექნიკითა და ტექნოლოგიით აღჭურვილ დარგად გადაქცევა ცხოვრების მიერ ნაკარნახევი გადაუდებელი ამოცანაა. სოციალისტური საზოგადოების განვითარების ობიექტური მოთხოვნილებიდან გამომდინარე სკკპ XXIV ყრილობამ დასახა საყოფაცხოვრებო მიმსახურების არსებითად გაუმჯობესების კონკრეტული ღონისძიებები, ოღ-

მელთა განხორციელება მოითხოვს: უზრუნველყოფილ იქნას მშრომელთა მზარდი მოთხოვნილებების სრულად დაკმაყოფილება მომსახურების ყველა სახეში, შემდგომ ამაღლდეს მომსახურების კულტურა და ხარისხი, შეიციოდეს შეკვეთების შესრულების დრო, მომსახურების სფეროს გაფართოებისა და საწარმოო სიმძლავრეების გამოყენების ეფექტურობის ამაღლების საფუძველზე საყოფაცხოვრებო მომსახურების მოცულობა ხუთწლედში უნდა გადიდდეს მთლიანად 2-ჯერ და მეტად, ხოლო სოფლად 2,8-ჯერ.

მოსახლეობის საყოფაცხოვრებო მომსახურება უშუალოდაა დაკავშირებული ადამიანებთან, მათს ყოველდღიურ ცხოვრებასთან, მშრომელთა კეთილდღეობის შემდგომ სრულყოფასთან. შეიძლება ითქვას, რომ მომსახურების დონე საზოგადოების ცხოველყოფილობის, მისი სიცოცხლისუნარიანობის ბარომეტრია.

საყოფაცხოვრებო მომსახურება, როგორც სახალხო მეურნეობის ახალი დარგი, სოციალიზმისა და კომუნიზმის მატერიალურ-ტექნიკური ბაზის შემადგენელი ნაწილია და არსებით გავლენას ახდენს მისი მშენებლობის ტემპებზე. კარგად ორგანიზებული საყოფაცხოვრებო მომსახურება ხელს უწყობს საბჭოთა ადამიანების კულტურულ-ტექნიკურ ზრდას, მათი მწარმოებლური აქტივობის გაძლიერებას, შრომის ნაყოფიერების ზრდას, მატერიალური და

შრომითი რესურსების უფრო სრულად გამოყენებას, მშრომელთა სფეროს მუშაკთა მომსახურებას უშუალოდ ემსახურება მოხმარების საგნების, სამრეწველო და სასოფლო სამეურნეო წარმოების პროდუქტების მოსახლეობაზე მიწოდების, მოსახლეობის მოთხოვნილებებისა და ინდივიდუალური გამოვნიების მიხედვით სულიერი სიმდიდრის განაწილებას და სხვა. ამით ის ხელს უწყობს მატერიალური და სულიერი სიმდიდრის საბოლოო განაწილების პროცესის სრულყოფის საქმეს.

კომუნისტური პარტიისა და საბჭოთა მთავრობის ყოველდღიური ზრუნვა საყოფაცხოვრებო მომსახურების სრულყოფისა და განვითარებისათვის — ეს ადამიანის კეთილდღეობისა და მისი ყოველმხრივ განვითარებისათვის ზრუნვაა. ეს ამასთან სოციალისტური ეკონომიკის შემდგომი მძლავრი აღმავლობისათვის პირობებისა და წინამძღვრების შექმნის საწინდარია.

საყოფაცხოვრებო მომსახურება ვითარდება მრეწველობის, სოფლის მეურნეობის, ვაჭრობის განვითარებასთან მჭიდრო კავშირში. საყოფაცხოვრებო მომსახურების მოცულობა ძირითადად ქალაქისა და სოფლის მცხოვრებთა რიცხვით განისაზღვრება და დამოკიდებულია მრეწველობისა და სოფლის მეურნეობის განვითარების დონეზე.

სამრეწველო და სასოფლო-სა-

მეურნეო წარმოების განვითარება ფულადი შემოსავლების გასუბრელი ზრდის საფუძველია. აქედან გამომდინარე ვაჭრობის ორგანიზაციის დონე, მოსახლეობაზე მიწოდებული მოხმარების საგნების მოცულობა განაპირობებს მოსახლეობის მოთხოვნილების ზრდას საყოფაცხოვრებო მომსახურებაზე. თავის მხრივ კი საყოფაცხოვრებო მომსახურება გავლენას ახდენს ცალკეული სახის სახმარ ღირებულებათა რეალიზაციის პროცესზე. ასე, მაგალითად, გამჭირავებელი პუნქტების ქსელის, საზოგადოებრივი სამრეცხაოების, ფოტობორატორიებისა და სხვათა განვითარების კვალობაზე მცირდება მოთხოვნილება ხანგრძლივი მოქმედების კულტურულ-საყოფაცხოვრებო და სამეურნეო დანიშნულების საგნებზე, მაგალითად მტვერსასრუტზე, იატაკის საწმენდზე, სამკერვალო და სარეცხ მანქანებზე, კინოაპარატზე, მაცივარზე, ტელევიზორზე და სხვა.

კარგად ორგანიზებული საყოფაცხოვრებო მომსახურება დროის დაზოგვის უდიდესი ფაქტორია. „დროის ეკონომიის“ კანონი, — წერდა კ. მარქსი, — მოითხოვს დროის მიზანშეწონილ დაზოგვას არა მარტო წარმოებაში, არამედ აუცილებელი შრომის სხვა სფეროშიც, ამით საბოლოო ანგარიშით ხდება თავისუფალი დროის გადიდება.

თავისუფალი დრო, კ. მარქსის სიტყვებით, გულისხმობს აუცი-

ლებელ დროს განათლების, ინდივიდუალური განვითარების, მეგობრული ურთიერთობის, კულტურული და ინტელექტუალური ძალების თავისუფალი მოქმედებისათვის და სხვა. თავისუფალი დრო აუცილებელია კომუნისტური საზოგადოების, ყოველმხრივ განვითარებული და განათლებული ადამიანის ფორმირებისათვის. ამგვარად, თავისუფალი დრო არის უდიდესი საზოგადოებრივი სიმდიდრე. როგორც კ. მარქსი მიუთითებდა, უკლასო საზოგადოებაში სიმდიდრის საზომი იქნება არა სამუშაო, არამედ თავისუფალი დრო.

დროის ეკონომიის წყაროა საოჯახო მეურნეობის მართვაზე დახარჯული დრო. გამოანგარიშებულია, რომ საოჯახო თვითმომსახურებაზე მთელი ქვეყნის მასშტაბით წელიწადში 150 მილიარდ საათზე მეტი იხარჯება, რაც 70 მილიონი კაცის წლიური დროის ბიუჯეტს უდრის, ამიტომ საზოგადოებრივ ყურადღებას იმსახურებს ის, რომ მოსახლეობის განსაზღვრული ნაწილი, განსაკუთრებით ქალები, შრომის უნარიან ასაკში ძირითადად ოჯახური მეურნეობით არიან დაკავებული. „ქალების განთავისუფლება, — წერდა ფ. ენგელსი, — შესაძლებელი იქნება მხოლოდ მაშინ, როცა ისინი შეძლებენ ფართო საზოგადოებრივი მასშტაბით მონაწილეობა მიიღონ წარმოებაში, ხოლო საოჯახო საქმიანობა დააკავებს მათ მხოლოდ უმნიშვნელო დროით“.

დედაკაცის საოჯახო მეურნეობრივი საქმიანობის სიმძიმისაგან განთავისუფლება მნიშვნელოვანწილადაა დამოკიდებული საზოგადოებრივი კვების განვითარებასა და საყოფაცხოვრებო მომსახურების გაუმჯობესებაზე. ამ მხრივ განსაკუთრებული მნიშვნელობა ენიჭება მომსახურების სფეროში მეცნიერების მოწინავე მიღწევების დანერგვას, მომსახურების ფორმების სრულყოფასა და განვითარებას. თანამედროვე ეტაპზე საყოფაცხოვრებო მომსახურების ბევრ საწარმოში წარმატებით ინერგება მომსახურების ახალი პროგრესული მეთოდები, როგორცაა: შეკვებების მიღება ბინასა და საწარმოში, კოლმეურნეობასა და საბჭოთა მეურნეობაში. სასწრაფო შეკვება და სხვა. ყოველივე ეს უზრუნველყოფს იშრომებელთა დროის ეკონომიას და საგრძნობლად აუმჯობესებს საყოფაცხოვრებო პირობებს.

სკკპ პროგრამა საოჯახო მეურნეობაში დროის დანახარჯების შეკირების ორ გზას განსაზღვრავს. პირველი — საოჯახო მეურნეობაში სრულყოფილი იაფი საყოფაცხოვრებო მანქანების, მოწყობილობებისა და ელექტრობელსაწყობების გამოყენება; მეორე — საყოფაცხოვრებო მომსახურების საზოგადოებრივი საწარმოებისა და ორგანიზაციების ყველა სახის ფართოდ განვითარება. ამის შესაბამისად სახალხო მეურნეობის განვითარების IX ხუთწლიანი გეგ-

მით გათვალისწინებული საყოფაცხოვრებო დანიშნულების მოწყობილობათა წარმოების შემდგომი გაფართოება, საგრძნობლად გადიდება აგრეთვე კაპიტალური დაბანდებანი საყოფაცხოვრებო დანიშნულების საწარმოების მშენებლობაზე და სხვა.

ყოფაცხოვრებაში სხვადასხვა სახეობის მანქანებისა და მოწყობილობის დანერგვა მხოლოდ ნაწილობრივ ამცირებს საოჯახო საქმიანობაზე დროის დანახარჯებს. ამ საკითხის უფრო რადიკალური გადაწყვეტა დაკავშირებულია საყოფაცხოვრებო მომსახურების განვითარებულ დარგად გადაქცევასთან, რომელიც დამყარებული იქნება უახლეს ტექნიკასა და შრომის ორგანიზაციის თანამედროვე პრინციპებზე. ამას კი უდიდესი სოციალურ-ეკონომიური მნიშვნელობა აქვს. კოლმეურნეობებისა და საბჭოთა მეურნეობების მუშების განთავისუფლება საოჯახო მძიმე შრომისაგან უმუშალო კავშირშია მათი საზოგადოებრივ წარმოებაში მონაწილეობის საკითხთან. სოფლის მეურნეობის მუშაკთა პირადი დროის ეკონომია სათბობით მომარაგების ორგანიზაციის, დამხმარე მეურნეობის მანქანებით დამუშავების, საზოგადოებრივი ტრანსპორტის ფართოდ გამოყენების შესაბამისად ზრდის საზოგადოებრივად აუცილებელ სამუშაო დროს.

სოფლის მშრომელთა განთავისუფლება მოსაწყენი საოჯახო წვრილმანებისაგან, მათი სულიე-



რი და კულტურული მოთხოვნილებების სულ უფრო სრული დაკმაყოფილება, სოფლად მაღალკვალიფიციური კადრების, განსაკუთრებით ახალგაზრდების, დამაგრების მეტად მნიშვნელოვანი ფაქტორია.

საყოფაცხოვრებო მომსახურება, როგორც სახალხო მეურნეობის დარგი, ჩვენში 60-იანი წლებიდან ყალიბდება (ისე კი მისი სათავეები შორეული წარსულიდან მომდინარეობს). ამ მოკლე დროში იგი ფართოდ განვითარდა და მტკიცედ დამკვიდრდა საბჭოთა ხალხის ყოფაცხოვრებაში. გაფართოვდა სახელოსნოების, ატელიეების, ქიმიური წმენდის ფაბრიკების, სამრეცხაოებისა და მომსახურების სხვა საწარმოების ქსელი. მიუხედავად იმისა, რომ საყოფაცხოვრებო მომსახურების ცალკე დარგად გამოყოფიდან ერთი ათეული წელიც არ გასულა, განუზომლად დიდია მისი როლი და ხვედრითი წილი რესპუბლიკაში ერთობლივი საზოგადოებრივი პროდუქტის წარმოებაში. მომსახურების ახალი სახეების შექმნით, მეცნიერების მიღწევებისა და ახალი ტექნიკის დანერგვით მნიშვნელოვნად გაიზარდა საყოფაცხოვრებო მომსახურების საერთო მოცულობა და ერთ სულ მოსახლეზე მომსახურების რეალიზაცია.

კერძოდ, აჭარის ასს რესპუბლიკაში საგრძნობლად გაიზარდა საყოფაცხოვრებო მომსახურების საერთო მოცულობა, მაგრამ მკვე-

თრი სხვაობაა ქალაქისა და სოფლის მშრომელთა მომსახურების დონეში. ასე, მაგალითად, 1965 წელს აჭარაში მომსახურების რეალიზაციამ ერთ სულ მოსახლეზე ი მანეთი და 80 კაპიკი შეადგინა. ქალაქად ეს მაჩვენებელი 14 მანეთი და 87 კაპიკი იყო, ხოლო სოფლად — ერთი მანეთი და 70 კაპიკი.

1971 წლისათვის მთლიანად მომსახურების რეალიზაციამ საშუალოდ 13 მანეთი და 62 კაპიკი შეადგინა, ქალაქად 27 მანეთი და ხუთი კაპიკი და სოფლად — 4 მანეთი და 80 კაპიკი. ხუთწლედის ბოლოსათვის გათვალისწინებულია ქალაქის მომსახურება 31 მანეთამდე გაიზარდოს, სოფლისა კი 6 მან. და 65 კაპიკამდე.

როგორც აღნიშნული მონაცემები გვიჩვენებს, მომსახურების საერთო მოცულობა საგრძნობლად სწრაფად იზრდება, მაგრამ ერთ სულ მოსახლეზე გაანგარიშებით რეალიზაციის მოცულობაში სხვაობა ქალაქსა და სოფელს შორის კიდევ უფრო იზრდება (თუ 1965 წლისათვის სხვაობა 13 მანეთი იყო, 1971 წლისათვის 22 მანეთი შეადგინა. ხუთწლედის ბოლოსათვის სხვაობა 24 მანეთი იქნება. იმის გამო, რომ დღემდე საერთოდ კავშირის მასშტაბით სათანადო ვარკვეულობა არაა მომსახურების რეალიზაციის აღრიცხვის საქმეში, ეს გაანგარიშება არ შეიძლება ზუსტი იყოს).

იბადება კანონიერი კითხვა — როგორ უნდა წარიმართოს რეს-

ბუბლიკაში საყოფაცხოვრებო მომსახურების ორგანიზაცია, რომ უზრუნველყოფილი იქნას განვითარებული სოციალისტური საზოგადოების მოთხოვნათა სრულად დაკმაყოფილება საყოფაცხოვრებო მომსახურებაზე? — ეს მეტად რთული და საპასუხისმგებლო ამოცანა მეურნეობის სხვა პრობლემებთან ერთად უნდა იქნას განხილული. ამასთან ვათვალისწინებული უნდა იქნას საყოფაცხოვრებო მომსახურების განვითარების თავისებურებანი, მოცემული ქალაქისა თუ რაიონის კონკრეტული ბუნებრივ-ეკონომიური პირობები, ისტორიულად ჩამოყალიბებული ჩვევები და თავისებურებები. სასოფლო რაიონებში საყოფაცხოვრებო მომსახურების ორგანიზაციის პრობლემათა გადაწყვეტა მშრომელთა დეპუტატების ადგილობრივი საბჭოების შესაბამისი სამმართველოების ოპერატიულ და მოქნილ მუშაობაზე დამოკიდებული.

საყოფაცხოვრებო მომსახურება სახალხო მეურნეობის უაღრესად პერსპექტიული დარგია. მის მსხვილ მექანიზებულ დარგად გადაქცევა უზრუნველყოფს მშრომელთა საყოფაცხოვრებო მომსახურების მკვეთრ გაუმჯობესებას, ხალხის მატერიალური და კულტურული დონის განუხრელ ზრდას.

საყოფაცხოვრებო მომსახურების უკეთ მოწყობისათვის პირველ რიგში თანმიმდევრულად და სისტემატურად უნდა გატარდეს ამ

დარგის საწარმოთა კონცენტრაციის კურსი. მხოლოდ ამიტომ ცილებით თავიდან წარმოვარდობა და ქსაქსულობას და ერთდროულად მყარი საფუძველი ჩაეყრება საყოფაცხოვრებო მომსახურების ინდუსტრიულ რელსებზე გადაყვანას.

საყოფაცხოვრებო მომსახურების თანამედროვე მოთხოვნილების შესაბამისად ორგანიზაციის პრობლემის გადაწყვეტა შესაძლებელია ამ დარგის ყველა სამეურნეო რგოლის მაღალკვალიფიციური, უნარიანი, საქმიანი კადრებით დაკომპლექტებით. ამ დარგის მუშაკთა საზოგადოებრივი პრესტიჟი მომსახურების მაღალმა კულტურამ და ხარისხმა უნდა განსაზღვროს.

სკკპ ცენტრალური კომიტეტის გენერალურმა მდივანმა ლ. ი. ბრეჟნევმა სკკპ XXIV ყრილობაზე აღნიშნა, რომ საყოფაცხოვრებო მომსახურების დარგის მუშაკებს უშუალოდ საქმე აქვთ ადამიანებთან, მათს მრავალფეროვან გემოვნებასთან, გუნება-განწყობილებასთან. ამიტომ მათი მუშაობა მართო გვემის შესრულებისა და მოგების პროცენტებით არ უნდა ამოიწურებოდეს. აქედან გამომდინარე ნათელია, რომ საყოფაცხოვრებო მომსახურების მაჩვენებელთა შორის განმსაზღვრელი ადგილი ამ სამსახურის თანამედროვე მოთხოვნების დონეზე ორგანიზაციას, მოსახლეობის მოთხოვნათა მაქსიმალურად დაკმაყოფილებას უჭირავს. აუცილე-

ბელია საყოფაცხოვრებო მომსახურების ყველა ოჯახამდე მიახლოების პრობლემის თანმიმდევრულად გადაჭრა, მოძრავი მიმღები პუნქტების მოქნილი ქსელის შექმნა, რომლის საშუალებით უზრუნველყოფილი იქნება შეკვეთების მიღება საცხოვრებელ კვარტლებში და შესრულებული სამუშაოს ბინაზე მიტანა.

მოსახლეობის საყოფაცხოვრებო მომსახურების გაუმჯობესებით განუხრელად მალღდება მატერიალური და კულტურული კეთილდღეობის დონე და, მათთან დაკავშირებით პოლიტიკური და სამეურნეო აქტივობაც კომუნის მშენებლობის გრანდიოზული ამოცანების წარმატებით განხორციელებისათვის ბრძოლაში.

ნიუნს

თარო

ქართული ხალხური პოეზიის შემოქმედება

გამომცემლობა „მეცნიერება“
1973 წელს გამოაქვეყნა „ქართული ხალხური პოეტური შემოქმედება“. წიგნი შედგენილია სპეციალისტთა კოლექტივის მიერ. იგი მონოგრაფიულ ნარკვევებს შეიცავს და შემდგომი გაგრძელებაა ადრე გამოცემული ამავე სახელწოდების კრებულებისა. პირველი ორი ტომი 1960-69 წლებში გამოქვეყნდა. ნაშრომი წარმოადგენს ქართველი ხალხის ზეპირსიტყვიერების სისტემატური მეცნიერული შესწავლის ცდას. მასში გაანალიზებულია ოქტომბრის რევოლუციის შემდგომდროინდელი ფოლკლორული ნაწარმოებების შეკრებისა და შესწავლის ისტორია, განვითარების გზები, ჟანრები და თემატიკა, შემკრებლობითი მუშაობის პრინციპები.

სარეცენზიო ნაშრომის პირველ

თავში პროფ. მიხ. ჩიქოვანი მიმოიხილავს თანამედროვე ქართული ხალხური სიტყვიერების განვითარების გზებს, არკვევს, თუ როგორ ვითარდებოდა ხალხური სიტყვიერება 1921 წლიდან, როცა საქართველოში დამყარდა საბჭოთა ხელისუფლება, ქართველი ხალხის ცხოვრებაში მოხდა უდიდესი გარდატეხა და დაიწყო სოციალისტური მშენებლობის ხანა.

საბჭოთა პერიოდის ხალხური პოეტური შემოქმედება არსებითად განსხვავდება ძველი, ტრადიციული ფოლკლორისაგან. ამდენად, მისი შესწავლის გზები და მეთოდები საფუძვლიანად განირჩევა რევოლუციამდელი ფოლკლორისტიკის კვლევა-ძიების მეთოდებისაგან.

ქართული საბჭოთა-ფოლკლორის განვითარების გზების დახასიათე-

ბის დროს მიხ. ჩიქოვანი ეხება ტრადიციული ფოლკლორული ჟანრების ბედის საკითხს და სათანადო ფაქტებით ნათელყოფს ძირითადი ტრადიციული ფოლკლორული ჟანრების მხატვრულ მნიშვნელობასა და სიცოცხლისუნარიანობას სოციალისტურ საზოგადოებაში.

ფოლკლორული მემკვიდრეობის პრობლემების გადაწყვეტის დროს მკვლევარისათვის სახელმძღვანელო დებულებაა ლენინური მოძღვრება: „თითოეული ნაციონალური კულტურიდან ჩვენ ვღებულობთ მხოლოდ მის დემოკრატიულ და სოციალისტურ ელემენტებს, ვიღებთ მათ მხოლოდ და უთუოდ თითოეული ერის ბურჟუაზიული კულტურის, ბურჟუაზიული ნაციონალიზმის საპირისპიროდ“ (ვ. ი. ლენინი, თხზ. ტ. 20, გვ. 10).

პროფ. მიხ. ჩიქოვანი ჩერდება ზოგ, აწ უკვე უკუგდებულ „თეორიაზე“, რომლებმაც ხელი შეუშალეს როგორც ხალხური შემოქმედების განვითარებას საერთოდ, ისე მის მარქსისტულ შესწავლას. პირველ რიგში მეცნიერი ეხება ე. წ. „ფოლკლორის კვდომის“ თეორიას და იმ ნიჰილისტურ თვალსაზრისს, რომელსაც ზოგჯერ გამოთქვამდნენ პრესაში თანამედროვე ხალხურ-პოეტური შემოქმედების საკითხებზე მსჯელობისას. მკვლევარი ჯეროვნად აკრიტიკებს რა „ფოლკლორის კვდომის“ თეორიის დამცველებს, ფოლკლორულ პროცესებზე დაკვი-

რვებისა და სამეცნიერო ექსპერიციების მასალებზე დაყრდნობით. საფუძვლიანად ასაბუთებელია ჩვენს დროში ხელსაყრელი პირობები შეიქმნა ზეპირსიტყვიერების განვითარებისათვის, ხალხის პოეტური გენიის გაფურჩქვნისა და აყვავებისათვის. საგულისხმოა ავტორის დასკვნა: „საბჭოთა ზეპირსიტყვიერება სოციალისტური კულტურის მძლავრ შენაკადს წარმოადგენს. იგი დღითიდღე იზრდება და მომავალშიც იარსებებს, როგორც მხატვრული შემოქმედების ერთ-ერთი ფორმა. საბჭოთა ფოლკლორის, ფორმით ეროვნული და შინაარსით სოციალისტური ფოლკლორის, უაღრესმა ზრდამ საბოლოოდ უკუავადო სექპტიკოსების შეხედულებანი, თითქოს გარდამავალ ხანაში ფოლკლორი ვერ იარსებებს და მოიშობაო. ჩვენმა სინამდვილემ, მრავალმილიონიანი მშრომელი მასების მხატვრული შემოქმედების სწრაფმა განვითარებამ გამოაშკარავა და ნიღაბი ჩამოგლიჯა რეაქციულ „თეორიას“ თითქოს მშრომელთა ფართო მასები მოკლებულნი იყვნენ მხატვრული შემოქმედების უნარს და მთელი ფოლკლორი წარმოადგენდეს გაბატონებული არისტოკრატიული კლასების კულტურულ ღირებულებათა გადასახვადურებას და გადამღერებას“ (სარეცენზიო ნაშრომი, გვ. 68).

პროფ. მიხ. ჩიქოვანი მიუთითებს ფოლკლორულ და ლიტერატურულ ნაწარმოებთა მსგავსება-

ზე, მათ საგრძნობ შემოქმედებით დაახლოებასა და უნიფიკაციაზე, ამავე დროს გამოყოფს სპეციფიკურ ნიშნებს, რომლებიც მნიშვნელოვნად მიჯნავენ ურთიერთისაგან სიტყვიერი ხელოვნების ამ ორ დარგს. ასეთი სპეციფიკური ნიშნებია: ფოლკლორის კოლექტიურ-შემოქმედებითი საწყისები, მასიური გავრცელება, ზეპირი შესრულება, ნაწარმოების ვარიანტების სახით არსებობა და მემკვიდრეობით მიღებულ გამომსახველობით საშუალებათა უხვი გამოყენება. ერთად აღებული ეს ნიშნები იძლევიან იმას, რასაც დღეს ფოლკლორულ ნაწარმოებს ვუწოდებთ.

მკვლევარი ყურადღებას ამახვილებს აგრეთვე ავტორის პრობლემაზე, რომელიც ერთ-ერთი აქტუალური საკითხია თანამედროვე ფოლკლორისტიკაში. იგი მიუთითებს, რომ „მხატვრული ნაწარმოები, რომელიც ავტორიზებული სახით იბეჭდება, თუნდაც ის ავტორმთქმელს ეკუთვნოდეს, თუ ხალხში არ გავრცელებულა და ვარიანტების სახით არ არსებობს, ფოლკლორულ ნაწარმოებად ვერ ჩაითვლება. თუ ამას გავითვალისწინებთ, მაშინ მთქმელის როლში ვერ მოგვევლინება დაწვეები პოეტი, რომელიც დაწერს თუ არა ლექსს, ხალხში კი არ გააქვს და მუსიკალურ ინსტრუმენტზე არ ასრულებს, არამედ ფოსტაში მიარბენინებს და რედაქციას უგზავნის. თუ ამ გზით გავყვებით, ვფიქრობთ, თავიდან ავიცილებთ ფა-

ლსიფიკაციის ყოველგვარ შესაძლებლობას და ხალხური შემოქმედების სიწმინდესაც დასაცავს (სარეცენზიო ნაშრომი, გვ. 62-63).

მკვლევარის ეს მითითება სახელმძღვანელო დებულებად გამოადგებოდა ყველას, ვინც ფოლკლორულ-შემკრებლობით მუშაობას აწარმოებს.

ნაშრომის მეორე თავში დოქტ. ოქროშიძე მიმოიხილავს სახალხო მეურნეობის აღდგენის, ქვეყნის ინდუსტრიალიზაციის და სოფლის მეურნეობის კოლექტივიზაციის პერიოდის ქართულ ხალხურ ზეპირსიტყვიერებას. ნარკვევში მალალ მეცნიერულ დონეზე განალიზებული პატრიოტიზმის, დიდი ოქტომბრის სოციალისტური რევოლუციის, კოლექტივიზაციის, მეგობრობისა და დიდი ლენინის თემებზე შექმნილი ხალხური პოეზიის ნიმუშები.

ნაშრომის მესამე თავში პროფ. ქს. სიხარულიძე აშუქებს სოციალისტური საზოგადოების მშენებლობის დამთავრების პერიოდისა და ახალი კონსტიტუციის მიღების ხანის ხალხური პოეზიის საკითხებს. ამ პერიოდის ხალხური პოეზიის ძირითადი თემებია: დიდი ოქტომბერი, ლენინი, სამშობლოს დაცვა, საბჭოთა არმია, ახალი კონსტიტუცია, სოციალისტური მშენებლობა და სხვ. ავტორი აანალიზებს ნაკლებად შესწავლილ და პრობლემატურ საკითხებს, განიხილავს თემატიკურად მრავალფეროვანი სოციალისტური მშენებლობის ამსახველი ლექსების პო-

ეტური ფორმის თავისებურებებს.

ნაშრომის მეოთხე თავი ეძღვნება დიდი სამამულო ომის წლების (1941-1945) ქართულ ხალხურ პოეტურ შემოქმედებას. ამ მონაკვეთის ავტორი პროფ. ელ. ვირსალაძე სამამულო ომის პერიოდში შექმნილ ქართულ ფოლკლორულ ნიმუშებს ორ ჯგუფად ყოფს:

1. ავტორთქმელთა შემოქმედება; 2. ფოლკლორული ნაწარმოებები, რომლებიც უკვე გავიდა ხალხში, გავრცელდა მრავალ ვარიანტად. მეორე ჯგუფის ფოლკლორულ მასალებს ავტორი თავის მხრივ რამდენიმე ნაწილად ყოფს:

1. ფოლკლორული ნაწარმოებები, რომელნიც ძველ ფოლკლორულ ჟანრთა ახლებურ გააზრებას და გადაკეთებას წარმოადგენენ; 2. ლიტერატურულ ნაწარმოებთა (მაგალითად, გ. ლეონიძის, „არ დაიდარდო, დედაო!“, ალ. აბაშელის „დედის წერილი“, ირ. აბაშიძის „კაპიტანი ბუხაიძე“) გადაკეთებანი ან მიბაძვანი, რომლებმაც ფართო გავრცელება ჰპოვეს საქართველოში და ჩაწერილ იქნა ვარიანტების სახით; 3. ხალხურად ქცეული უავტორო სიმღერები (მაგალითად, ლექსები „დედას ერთი შვილი ჰყავდა“... „ქერჩისა“ და სხვ.). ავტორი საკმაოდ ვრცლად მიმოიხილავს აგრეთვე სამამულო ომის თემაზე შექმნილ შაირებსა და ლირო-ეპიკურ სიმღერებს, ნარკვევში აღძრული საკითხები გაშუქებულია ღრმად და ამომწურავად.

ნაშრომის მეხუთე თავი დათმობილი აქვს ომის შემდგომი მშენებლობის პერიოდის ხალხურ პოეზიის მიმოხილვას (ავტორი პროფ. ქს. სიხარულიძე). მასში ნაჩვენებია კომუნისტური პარტიისა და საბჭოთა მთავრობის როლი ხალხური შემოქმედების განვითარებაში, დახასიათებულია სოციალისტური მშენებლობის, საბჭოთა პატრიოტიზმის, მშვიდობისა და კომუნისტური პარტიის ბრძოლის თემებზე შექმნილი ხალხური პოეზიის ნიმუშები, გარკვეულია აღნიშნული თემატიკის თავისებურებანი. ავტორის მართებული შენიშვნით, „ომის შემდგომი პერიოდის ქართულ ხალხურ პოეზიას, როგორც ახალ ეტაპს ქართული საბჭოთა ხალხური პოეზიის განვითარებაში, ახასიათებს პოეტურ სახეთა განსაკუთრებული მრავალფეროვნება. მრავალფეროვანი პოეტური სახეები შესატყვისია ჩვენი ხალხის ბედნიერი ცხოვრების, გმირული სულის, დიადი ოცნების, ნათელი განწყობილების, ხალისიანი ბუნებისა. ეს სახეები გამოვლინებაა საბჭოთა ხალხის ამალელებული პატრიოტიზმისა, მათი ღრმა ჰუმანიზმისა“ (სარეცენზიო ნაშრომი, გვ. 176).

დოც. ჯ. ბარდაველიძე ანალიზებს თანამედროვე ლირო-ეპიკურ ლექსებს, აჩვენებს იმ თემატურ და მხატვრულ სიახლეს, რაც საბჭოთა პერიოდში შეიძინა ამ უძველესმა ჟანრმა. ჯ. ბარდაველიძის ნარკვევში განხილულია დიდი სამამულო ომის ამსახველი ლირო-

ეპიკური პოეზია, სატირულ-ეპიკური სტილი, სიუჟეტური და თანამედროვე სატირული ლირა-ეპიკური პოეზიის ნიმუშები.

ლირო-ეპიკური პოეზიის საკითხებზე მსჯელობისას ავტორი ეხება ლიტერატურულ-ფოლკლორულ ურთიერთობას, ლიტერატურის როლს ფოლკლორული ნიმუშების შექმნის საქმეში. აქვე უნდა შევნიშნოთ, რომ მკვლევარის მიერ საილუსტრაციოდ მოხმობილი ზოგი ლექსი ჭეშმარიტ ფოლკლორულ პოეზიასთან განსხვავებულობას ამჟღავნებს.

ნაშრომის მეშვიდე თავში დოც. ვ. მაცაბერიძე განიხილავს როგორც ტრადიციული, ისე ახალი ყოფის ამსახველი გაბაასების ნიმუშებს, შედარება-შეპირისპირების გზით განსაზღვრავს გაბაასების ჟანრის სპეციფიკას. აქ ფართოდაა განალიზებული თანამედროვე, საბჭოთაო ჟანრის ნიმუშები, რომლებშიც ნახვევებია ლენინის მხატვრული სახე, კლასობრივი წინააღმდეგობანი, ძველი და ახალი ტექნიკის დაპირისპირება, სოფლის დაქსაქსული მეურნეობის საკოლმეურნეო წყობაზე გადასვლის პროცესი და სხვ.

სარეცენზიო წიგნის მერვე თავი არკვევს კაფიის ჟანრობრივ თავისებურებებს, გამოკვეთს კაფიობის ორი სახის — მილექსების ანუ შემღერების და არადილოგიური, ცალფა კაფიის სპეციფიკურ ნიშნებს.

დოც. ჯ. ბარდაველიძე განიხი-

ლავს ქართულ ხალხურ შაირს, ანალოგიური ჟანრის სხვა ნიმუშებთან შეპირისპირებით ავტორი არკვევს შაირის მთლიან შემოქმედების სპეციფიკას, იხილავს შაირების შესრულების სამ ძირითად წესს. ასეთი მთლიანი, სრული და ამომწურავი ნარკვევი ქართული ხალხური შაირის შესახებ ჯერ არ დაწერილა.

დოც. ფ. ზანდუკელი ეხება საბავშვო ფოლკლორის სპეციფიკურ საკითხებს, იძლევა საბავშვო ხალხური პოეტური შემოქმედების კლასიფიკაციას, ახასიათებს ჟანრებსა და სახეებს.

ფ. ზანდუკელი განიხილავს ქართულ სააკვნო პოეზიას, კერძოდ აკვანთან დაკავშირებულ ლექს-ნიმუშებს — „ნანას“, „ნანიანას“, „იავნანას“ და აღნიშნავს, რომ „ნანა“ და „იავნანა“ წარმომავლობით სხვადასხვა ციკლის ლექსებია; შესაბამისადაც მათი ძირითადი ფუნქციები ოდითგანვე განსხვავდებოდა. „ნანა“ ანუ „ნანიანა“ საკუთრივ სააკვნო ლექსს წარმოადგენდა, მისი ძირითადი ფუნქცია მხოლოდ და მხოლოდ ბავშვის დაბადებასთან იყო დაკავშირებული, ხოლო „იავნანა“ წარმომავლობით საკულტო საგალობელია, მიძღვნილი მშის, სინათლისა და ნაყოფიერების ქალღმერთ ნანასადმი (სარეცენზიო ნაშრომი, გვ. 252).

ეს დაკვირვება ავტორისა მეტად საინტერესო და საყურადღებოა.

ნარკვევში ფართო ადგილი აქვს

დათმობილი სოციალური უთანას-
წორობის ამსახველი და საემირო-
საისტორიო ხასიათის ლექს-სიმღე-
რების ანალიზს. ავტორი განიხი-
ლავს აგრეთვე ხალხურ საბავშვო
პროზას (ზღაპარი, თქმულება, გა-
ბასება, ანეკდოტი), საბავშვო ნა-
წარმოებების თემატიკის პრობ-
ლემას.

ნაშრომის ბოლო, XI თავში
(პროფ. მ. ჩიქოვანი) მოცემულია
შემკრებლობითი მუშაობის პრინ-
ციპების განხილვა: 1. ფოლკლო-
რის არსებობის ბუნებრივი ფორ-
მა; 2. შემკრებლობითი მუშაობის
ძირითადი მომენტები; 3. ინდივი-
დუალური და კოლექტიური შეკ-
რების პრაქტიკა; 4. სამუშაო ად-

გილის შერჩევა; 5. მთქმელის შე-
ნახვა და მასთან მუშაობის მოწყ-
ობა; 6. როგორ ჩავწეროთ ფოლკლო-
კლორული ნაწარმოები; 7. ჩაწე-
რის დოკუმენტაცია და შენახვა
საველე პირობებში; 8. ფოლკლო-
რული მასალის არქივიზაცია და
კაბინეტურად დამუშავება; 9. ფო-
ლკლორული მასალის პუბლიკაცია
და სხვ.

სარეცენზიო ნაშრომი „ქართუ-
ლი ხალხური პოეტური შემოქმე-
დება“ — ქართული საბჭოთა ფო-
ლკლორისტიკის ფრიად აქტუა-
ლურ საკითხებს ეძღვნება. მისი
სახით სასარგებლო და საჭირო
წიგნი შეემატა ჩვენს ფოლკლო-
რისტულ ლიტერატურას.

გივი ახვლედიანი,

ფილოლოგიის მეცნიერებათა კანდი-
დატი.



შოთა რუსუა

დავბცადოთ ვლასას
 გენსიბზე გბსვლა?

ვინ არ იცნობს ვლასას,
 მის გზასა და კვალსა.
 ალღოს მქონე მკითხველი
 მიმიხვდება ახლა. —
 ვლასა ნომენკლატურის
 პიროვნება გახლავთ.
 კაცი ენერგიული
 და მოქნილი მეტად,
 მან თავისი ბედი
 თვითონ გამოსჭედა.
 ზევეთაც და ქვევითაც
 გაიჩინა ბიძა,
 გაახარა ცოლ-შვილი —
 დირექტორად იქცა.
 ვლასასთანა კაცისთვის
 მთავარია, ერთხელ
 ხელმძღვანელის ნდობა
 მოიპოვო დიდი,

მერე, როგორც გენებოს,
 მიადექ და ხერხე,
 მერე, როგორც ვინდა,
 განაგე და... მიდი!
 ვლასაც ასე მოიქცა,
 ნიჭით გამოვლინდა, —
 ქარხანაში რაც ჰქონდა,
 მიადგა და ჰყიდა.
 ხალხის მონაგარი
 გაატანა წყალსა,
 ვინ არ იცნობს ვლასას,
 მის გზასა და კვალსა!
 ერთ დღეს დააქვეითეს, —
 შეუთანხმდნენ ბიძებს,
 მაგრამ უკეთესი
 „საბალახო“ მისცეს.
 აქ მთლად გამოხალისდა,
 მთლად გაიწვრთნა მკლავი,

შეიძინა ქონება
ურიცხვ-უთვალავი —
მანქანები, სახლები —
სერზე გადმომდგარი.
ო, ვინ მოსთვლის რამდენი
ხალხის მონაგარი
რესტორნებში დაფლანგა,
გაატანა წყალსა.
ვინ არ იცნობს ვლასას,
მის გზასა და კვალსა!
— თუ გავფლანგე, —
ყვიროდა,
ხომ არა ვარ კენტი!
გულში იმეორებდა
— რა შემრჩება მეტი!
ბიუროზეც გაპყავდათ,
მიუთითეს ბევრჯერ,
— შეცდომები! დახვავდა
საჩივრები შენზე!
ვლასას ძლიერ უკვირდა,
საჩივრები რევედა,
— შეცდომები რას ჰქვია,
რაში შევცდი, ნეტა?
არსად არ იბნეოდა,
არ დასხმია რეტი,
გულში იმეორებდა:
— რა შემრჩება მეტი!
— უნდა გამოსწორდე!
აფრთხილებდნენ ცალყბად,
თორემ ერთ დღეს ორდერს
გამოსწერენ, ალბათ!
— დიახ, გამოვსწორდები,
მადლობასაც მეტყვიით.
გულში იმეორებდა:
— რა შემრჩება მეტი!
ხშირად პრეზიდენტშიც

დაუდგამდნენ სკამსა
და იყო არხეინად
ბედნიერი ვლასა. 
მაგრამ სიომ დაპბერვ,
გაჩნდა ცისარტყელაც, —
ბევრი „მუხად“ ცნობილი
გადაიქცა თხმელად.
ბევრის ბიძა წაიქცა,
ჰორიზონტზე არ ჩანს,
მაგრამ ვლასას მფარველი
სადღაც მაინც დარჩა.
ვლასა გადაიყვანეს,
მაგრამ ერთიც ვნახოთ —
ისევ შესანიშნავი
მისცეს „საბალახო“.
„იყოს ერთ-ორ წელიწადს,
ამ სიბერის ხანსა,
მაინც რაღა აკლია
პენსიაზე გასვლას!..“
ახლა სულ არ იბნევა,
არ ესხმება რეტი,
გულში ისევ ღიღინებს,
— რა შემრჩება მეტი!
ძველებურად განაგრძობს
თავის საქმეს ვლასა.
იძახიან — ვაცალოთ
პენსიაზე გასვლა!
მაგრამ ხალხი კამათობს,
და პასუხსაც ელის, —
თუ კითხულობს მეცხვარე
რა ხნისაა მგელი?
მეც ეს კითხვა მაწუხებს,
ავყევ ხალხის ხმასა:
ღავაცალოთ ვლასას
პენსიაზე გასვლა?

6 5 / 192



3360 40 333.

**ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ**

„ЧОРОХИ“

**ОРГАН СОЮЗА СОВЕТСКИХ ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
ИНДЕКС 76118**